


3426836 v.1




	
登記號	008338
類別	子部雜家類
全書	函六册

國家圖書館 NATIONAL CENTRAL LIBRARY TAIWAN, R.O.C.



吾華錄序


今春一病柳浪館上百事
俱廢強起一小窻常見衆
華開散紅白紛出柳浪中
若浮若沒若稀若密對此
前境誰不能霍然自起倦目



NATIONAL CENTRAL LIBRARY, TAIWAN, R.O.C.



視之不無少醒閑合復以病
中狂瀝展指密別衆芳異
相天地一葉耳隱士取其幽
匪人取其醜乃宮取清膏
兒取富華木一也而異之者
有十由異者自天耶自人耶
病夫着疑四大增重矣由此
漫閑小宮移樂拈坐忽向啟
門聲童子持友人郝公琰書
進介伊受人曹蓋之所著之
書郝公云蓋之以聰耳健筆
傳他人啼唾之在箕案前人之




TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

已有錄令人未聞名曰舌華
錄望君許發為予後自啖草
末一華為增疑病今加舌華
病夫死矣奈郵去取回甚急
不得已強一披閱林辰、若隨去
啖唾海中無非俊語、後類分
曰慧曰名曰諧曰澗曰澆曰擣
之類、各為引無引不別于一
續至此手足忻然不覺自起
蓋語本一舌出之老為華分
去成色如火風之觸灌木小枝
音同乙怒慧眼去類、觀耳予




先以病起禁後以慧起疾今
讀舌華係非後以慧開慧乎
不揣深焉加識舌源不識能合
作者意不乃書教語信書後


上海表申道撰

舌華錄序

舌根於心之發為華以
吾心入人之心非從耳食
以吾心華開衆心華非
因色顯此舌華所由錄



也晉人尚清之其立論則以
無言通心識超言外故有言
不若無言之合章多言之不
若寡言之激中佛現神力
出廣長舌上至梵世無數
寶樹同時發光然後還攝
舌相一時聲歎俱共彈指
此藥王藥上以知草木味為
世良醫憐梵鉢提以口業
異舌遠離三有富樓那以辨




TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

寸無礙助佛禱禱作師子乳
如所稱甘露沁于牙後天
華墜于塵尾醍醐出于
乳下世尊嘿然則為許可慧
力所及至空不煩吾取茲
錄或有會于斯耳友人曹
蓋之視古于妻慮將不婢
防返在駟效翁于箕謀莒
而得之意伐衛而動于色
其宗慧戒狂有味乎其旨



遠矣淡者以瓦間青蓮為
聽法華舌本白強何關
道德余每為橋而不能下
而不自堅矣釋海運從而
嘆曰子為執塵見未能清
淨六根請斷子在能復
出此叙不


萬曆乙卯朱明朝日

里社潘恒撰



古華錄序

四



舌華錄

所採書目

見聞錄

本事詩

逸民錄

國史補

唐語林

唐世說

何氏語林

南北史

宋書

十六國春秋

晉書

莊子

漢書



唐書

世說新語

史記

舌華錄所採書目

國立中央圖書館 國家圖書館 國家圖書館 國家圖書館 NATIONAL CENTRAL LIBRARY, TAIWAN, R.O.C.



書斷

大唐新語

酉陽雜俎

長者言

青箱雜記

山谷集

東軒筆錄

閉窻括異

初潭集

開元天寶遺事

陸樹聲藁

伽藍記

嘉話錄

蘇米談史

晏子

左傳

李氏焚書

韓子

談藪

耳談

南齊記

唐會要

坡僊集

羯鼓錄

六語

羸藤三札

夷堅志

四部藁

明世說

雪濤小書

談賓錄

稽神錄


婆娑園語

資談錄

硯箋

朝野僉載

THE NATIONAL CENTRAL LIBRARY, TAIWAN, R.O.C.



笑林

顏氏家訓

大函集

東坡外藁

御史臺

續笑林

啓顏錄

唐雜記

商芸小說

閩川多士傳

者宮舊事

清波雜誌

皇明通紀

松憲括異

容齋隨筆

盧氏雜說

開天傳信記

摭言

小名銘

獨異志

雲溪友議

北夢瑣言

因話錄

玉泉子

樂善錄

蠡海集

泊宅編

避暑錄話

游宦紀聞

夢溪筆談

建文書法

墨莊漫錄

東坡志林

澠水燕談

艾子

冷齋夜話

舌華錄

所採書目

三一



1973.0001. NATIONAL CENTRAL LIBRARY, TAIWAN, R.O.C

舌華錄凡例

一所採諸書惟取語不取事卽語涉鄙俚不甚
佳者亦棄去此舌華本義

一所取在倉卒口談不取往來郵筆以其乃筆
華非舌華卽有佳者不錄

一吳鹿長參定後經素小修評點其中分類有
小出入者素已筆端拈出今仍不移一以見
小修目力之高一以不傷鹿長前意

一採古人書不敢一字增損唯近書有不成語

歸田錄
松窗雜錄
妖亂志
貧士錄
侍兒錄

石林燕語
玉堂閑話
三國志
甲秀園蒙



舌華錄目錄

卷之一

慧語第一

名語第二

卷之二

豪語第三

狂語第四

傲語第五

卷之三


舌華錄

目錄

者小有改易蓋吾改語不改事罪之者庶可不甚

一書中採者人皆可考但耳中所聞之語說之者常溢聽之者常謬以溢復謬其中不無一二差移讀之者或可見宥

一古今書集如牛毛天下語言如蚊響以此小帙遂名舌華是以蠶指海耳蓋所取在一案之書所聞在一隅之口同志者不妨重廣



澆語第十七

卷之九

穎語第十六

辯語第十五

卷之八

憤語第十四

譏語第十三

卷之七

諷語第十二

俊語第十一

卷之六

韻語第十

清語第九

卷之五

謔語第八

卷之四

諧語第七

冷語第六





舌華錄卷之一

新都曹 臣蓋之纂者

勾具具 苑鹿長叅定


公安素中道小修批評

慧語第一

具苑曰佛氏戒定慧三等結習慧爲了語慧之義不大乎慧之在舌機也有狂智之別焉狂之不別有智如智之不識有狂也是智者智而狂者亦智兩而別之則金粟如來氏矣

NATIONAL CENTRAL LIBRARY, TAIWAN, R.O.C.

悽語第十八





舌華錄卷之一

新都曹 臣蓋之纂者

勾具具 苑鹿長叅定


公安素中道小修批評


慧語第一

具苑曰佛氏戒定慧三等結習慧爲了語慧之義不大乎慧之在舌機也有狂智之別焉狂之不別有智如智之不識有狂也是智者智而狂者亦智兩而別之則金粟如來氏矣

NATIONAL CENTRAL LIBRARY, TAIWAN, R.O.C.

悽語第十八





如來氏取法一芥可以言須彌，刹那可以稱萬劫，其中倒拈順舉，無不中道，卽智者不自知，而狂者能取，乃次慧語第一。

王元澤數歲時，客有以一麀一鹿同籠以獻，客問元澤，何者是麀，何者是鹿，元澤實未識，良久對曰：麀邊者是鹿，鹿邊者是麀。客大奇之。蘇東坡一日退朝，食罷，捫腹徐行，顧謂侍兒曰：汝輩且道是中何物，一婢遽曰：都是文章，坡不以爲然，又一婢曰：滿腹都是機械，坡亦未

前編俗知奇人

元世皮如東坡高軒不起髭笑

坡道指語

以爲當，至朝雲乃曰：學士一肚皮不合時宜，坡捧腹大笑。

龐安聾而穎悟，人與之言，以指書字，不盡數字，輒了人意。蘇東坡戲之曰：余以手爲口，爾以眼爲耳，皆一時異人也。

張玄之，顧敷，是顧和中外孫，皆少而聰慧。一日與至寺中，見泥洹佛像，弟子有泣者，不泣者，和以問二孫，玄之謂彼親故，泣彼不親，故不泣，敷曰：不然，由忘情，故不泣，不能忘情，故泣。

玄元


楊德祖為主簿時操既平漢中欲討劉備而不得進欲守又難為功護軍不知進止操出教唯曰鷄肋外曹莫能曉德祖曰夫鷄肋食之無所得棄之殊可惜公歸計決矣乃令白外稱嚴操果回師
隋吏部侍郎薛道衡嘗遊鍾山開善寺謂小僧曰金剛何為努目菩薩何為低眉小僧答曰金剛努目所以降伏眾魔菩薩低眉所以慈悲六道

王侍中嘗因侍宴高祖問羣臣朕為有為無侍中答曰陛下應萬物為有體至理為無

王介甫嘗見舉燭因言佛書日月燈光明佛燈光豈得配日月呂吉甫曰日昃乎晝月昃乎夜燈光昃乎晝夜日月所不及其用無差別介甫以為然

黃龍寺晦堂老子嘗問山谷以吾無隱乎爾之義山谷詮釋再三晦堂不答時暑退涼生秋香滿院晦堂因問曰聞木樨香乎山谷曰聞





晦堂曰吾無隱乎爾山谷悟服

黃子琰少卽辯慧建和中嘗日食京師不見子琰祖太尉以狀聞太后詔問所食多少太尉思其對未知所况子琰年七歲時在側曰何不言日食之餘如月之初

薛西源性好施嘗脫絁襖施貧者或曰安得人而濟之薛曰吾爲見者贈耳

熊際華曰夢以昨日爲前身可以今夕爲來世永樂改元徙江南富民實北京黃潤時年十歲

其父當行乃請官請代官不從對曰父去日益老兒去日益長官異可從之

陸氏兄弟遊龍潭寺見一暗室弟曰是黑暗地獄兄曰是彼極樂世界

陳元方子長文有英才與季方子孝先各論其父之功德爭之不能決咨於太丘太丘曰元方難爲兄季方難爲弟


徐孺子年九歲嘗月下嬉人語之曰若令月中無物當更明耶徐曰不然譬如眼中有瞳子

見李亮
羊園意

左亮
之語

此處極難
轉述其
已不能

若以此入
體則無
在矣矣



丈夫妻

無此必不明

孔融被收中外惶怖時融兒大者九歲小者八歲二兒故琢釘戲了無遽容融謂使者曰冀罪止於一身二兒可得全不見徐進曰大人豈見覆巢之下復有完卵乎尋亦收至中朝小兒父病行乞藥主人問病曰患瘧也主人曰尊侯明德君子何以病瘧答曰來病君子所以爲瘧

瘧疾

庾公常入佛圖見臥佛曰此子疲於津梁

此處當作
種其食
者其康
者與

庾法暘從庾太尉握麈尾至佳公曰此至佳那得在法暘曰廉者不求貪者不與故得在耳晉武帝每餉山濤恒少謝太傅以問子弟車騎答曰當由欲者不多而使與者忘少

簡文崩孝武年十餘歲立至墮不臨左右啓依常應臨帝曰哀至則哭何常有

謝太傅問諸子姪子弟亦何預人事而正欲使其佳諸人莫有言者車騎答曰譬如芝蘭玉樹欲使其生於階庭耳

聖者太
難未必
能白一

孝武將講孝經，謝公兄弟與諸人私庭講習，車
武子難苦問謝，謂袁羊曰：「不問則德音有遺，
多問則重勞。」二謝袁曰：「必無此嫌。」車曰：「何以
知爾？」袁曰：「何嘗見明鏡疲於屢照，清流憚於
惠風。」

范甯作豫章，八日請佛有板衆，僧疑之，或欲作
答，有小沙彌在坐末曰：「世尊默然，則爲許可。」
舉衆從其義。


江夏馮京知弇州，謂王平甫曰：「弇州歌舞妙麗，
閉目不窺，日以談禪爲上。」王答曰：「若如所論，
未達禪理，閉目不窺，已是一重公案。」

日月後

衛玠總角時，問樂令夢，樂云：「是想。」衛曰：「形神所
不接而夢，豈是想耶？」樂云：「因也。」未嘗夢乘車
入鼠穴，擣虀，鐵杵皆無想，無因故也。

殷中軍問自然無心於稟受，何以正善人少，惡
人多，諸人莫有言者。劉尹答曰：「譬如寫水着
地，正自縱橫流湯，略無正方圓者。」

人問殷中軍何以將得位而夢棺器，將得財而



微有應
意終是
慧語

夢矢穢殷曰官本臭腐所以將得而夢棺屍
財本糞土所以將得而夢穢汚時以為名通
司馬太傅問謝車騎惠子其書五車何以無一
言入玄謝曰故當是其妙處不傳

楚王張繁射之弓載忘歸之矢以射蛟兕於雲
夢之澤而喪其弓左右請求之王曰止楚人
遺之楚人得之又何求焉


王戎七歲嘗與諸小兒遊看道邊李樹多子折
枝諸兒競走取之唯戎不動答曰樹在道邊
而多子此必苦李取之果然

曹公少時見喬玄玄謂之曰天下方亂羣英雄
爭撥而理之非君乎然君實是亂世之英雄
治世之姦賊

晉明帝數歲坐元帝膝上因問長安何如日遠
答曰日遠不聞人從日邊來居然可知元帝
異之明日集羣臣宴會告以此意更重問之
答曰日近元帝失色曰爾何故異昨日之言
耶答曰舉目見日不見長安

慧眼照
破

前劣後
勝



韓康伯年數歲家酷貧至大寒止得襦母殷夫
人自成之令康伯捉熨斗謂康伯曰且着襦
尋復作禪兒曰已足不須作禪也母問其故
答曰火在熨斗中而柄熟

陳眉公曰武林西湖有花朝而無月夜有紅粉
而無佳人於此不無少恨吳鹿長聞之曰既
有此西湖不得不有此缺限


王子猷居山陰夜大雪眠覺空室命酌酒四望
皎然因起傍徨詠左思招隱詩忽憶戴安道

時戴在剡即便夜乘小船就之經宿方至造
門不前人問其故王曰吾本乘興而來興盡
而返何必見戴

陳繼儒曰有人聞人善則疑之聞人惡則信之
此滿腔殺機也

石塔長老戒公東坡居士昔赴登聞戒公迂之
東坡曰吾欲一見石塔以行速不及也戒公
起曰這着是博浮圖耶坡曰有縫奈何曰若
無縫爭容得世間蝼蟻

鹿多



被于馬

郝公琰曰忠臣孝子無非鍾情之至

後魏陸馥謂子琇曰汝祖東平王有十二子我
為嫡長承襲家業吾今年老屬汝幼童詎堪
鄭翰卿曰世未有憐才而不好色者好色憐才
總歸一致

管輅年七歲與隣里小兒戲畫地為日月星辰
之狀語言不常父母禁之答曰家鷄野鵠尚
知天時况人乎

雜書
人特天
密


賈思道至性謙和遇士大夫雖在街道停車下
馬接誘恂恂曾無倦色客曰公今貴重寧能
不驕曰衰至便驕何常之有


霍王元軌臨徐州與處士劉玄平為布衣之交
或問玄平王之所長玄平答以無長人問其
故玄平曰夫人有短所以見長

黃巢祖師曰不是一番寒徹骨爭得梅花撲鼻
香念頭稍緩時便宜莊誦一遍

盧相邁不食鹽醋同列問之足下不食鹽醋何

不佳





堪邁笑曰。足下食鹽醋。復又何堪。

陶侃疾篤。都無獻替之言。朝士以爲恨。謝仁祖聞之曰。時無豎不故。不貽陶公話。言時人以爲德音。

曇秀往惠州見蘇東坡。將歸坡云。山中人見公還。必求土物。何以應之。秀曰。鵝城清風。鶴嶺明月。人人送與。只恐他無着處。坡曰。不如將幾紙字去。每人與一紙。但向道。此是言法華。裴頭有灾福。

慧在諸


王守仁初封新建伯。入朝謝戴冕服。有帛蔽其目。或戲曰。先生耳冷耶。王曰。是先生眼熱。

宋王旦被服質素。有人貨玉帶者。弟以稱佳。呈旦。旦命繫之。問曰。還見佳不。弟悟。急還之。

李中谿無子。恒不樂。其友謂之曰。孔子不以伯魚傳釋迦。不以羅睺傳老聃。不以子宗傳待嗣。而傳三教絕矣。

孫子荆欲云枕石漱流。誤曰。漱石枕流。王武子曰。流可枕。石可漱乎。孫曰。所以枕流。欲洗其

父不能
傳之於
子。此
乃印



耳所以漱石欲礪其齒

陳眉公曰人生莫如閒太閒反生惡業人生莫如清太清反類俗情

殷仲文勸宋武帝蓄妓曰我不解聲仲文曰但蓄自解帝曰畏解故不蓄

王詔之少家貧而好學嘗三日絕糧執卷不輟家人謂之曰困窮如此何不耕王答曰我常自耕耳

龐仲達爲漢陽太守郡人任棠有奇節隱居授

教仲達到郡先候之棠不交言但以薤一大

鉢水一盂置戶屏前自抱孫兒伏於戶下主簿白以爲倨仲達思其微意良久曰棠是欲

曉太守水者欲吾清扶大鉢薤者欲吾擊強宗抱兒當戶欲吾開門恤孤也嘆息而還

邢子才有書甚多不甚讐校嘗謂人曰誤書思之便是一適

蔣性中爲給事歸甚清介忽駕小舟入城遇潮落舟不得進二僕牽挽蔣自刺船大爲他舟

無如讀
書飲酒
二者俱免

有冷趣

未強解

深言淺意

禮者

窘辱。二僕厲聲曰。此是蔣給事。爾無橫也。蔣不欲人知。笑謂曰。渠豈為伊哄耶。

唐憲宗七歲。德宗抱置膝上。戲曰。汝是何人。乃在我懷中。對曰。是第三天子。

人餽魏武一杯酪。魏武噉少許。蓋頭上題合字。以示眾。眾莫能解。次至楊修。修便噉曰。公教人噉一口也。

屠長卿曰。人常想病時。則塵心漸滅。人常想死時。則道念自生。


丘長孺貸貲於袁中郎。袁乃解所繫帶授之。丘有難色。袁笑曰。爾無求我。我無求帶。爾求雅人。我求俗物。爾如何。現我面皮。


劉忠宣致政。自為壽藏。記取其平生履歷。刻之石。人曰。後人為公可也。公曰。恐後人誣我。以美名。倘鬼趣異人。豈不怒耶。

唐六如畫精極。尤佞佛。有詩曰。閒來寫幅青山賣。不使人間作業錢。具鹿長指詩笑曰。六如何處買來。

不成語

菩薩語





非其人
不問

李賀無
竹葉物

屠長卿曰撻死屍不痛箇中痛者便非形骸
趙大周在京師何吉陽問曰大周近來何故不
講學大周曰不講吉陽又問曰不講何以成
就大周曰不講便成就

吳因之曰造謗者甚忙受謗者甚閒

李崆峒作詩一句不工卽棄去不錄何大復深
惜之李曰自家物終久還來

朱勃年十二能誦詩書常候馬援兄况勃衣方
領能矩步辭言嫺雅援裁知書見之自失况

知其意乃自酌酒慰援曰朱勃小器速成智

盡此耳後勃果劣援

楊奇爲侍中漢靈帝問奇曰朕何如桓帝對曰
陛下之於桓帝亦猶霄壤比德唐堯帝不悅

曰卿強項真楊震子孫

方司徒定之不好觀劇戲曰塗面帶鬚一悲使
人墮淚一喜使人解頤此輩本假世人惑真

李卓吾謂耿中丞曰世人白晝寐語公以寐中
作白晝語可謂常惺惺矣

抄部

與牛自
中虛字
事類

宋元祐間黃秦諸君子在館暇日觀山谷出李
龍眠所作賢已圖博奕擣蒲之儔咸列焉博
者六七人方據一局投逆盆中五皆六而一
猶旋轉不已一人俯盆疾呼旁觀皆變色起
力纖濃態度曲盡其妙相與歡賞以為卓絕
適東坡從外來睨之曰李龍眠天下士顧效
閩人語耶眾賢怪請其故坡曰四海語音言
六皆合口惟閩音則張口今盆中皆六一猶
未定法當呼六而疾呼者乃張口也龍眠聞

之亦笑而服

祭仲專國政厲公患之陰使其祭仲壻反殺之
女知之謂其母曰父與夫孰親母曰父一而
已人盡夫也

桓宣武常謂孟萬年聽妓絲不如竹竹不如肉
何也孟答曰漸近自然

吳鹿長奉齋惟飲酒挾姬雜茹五辛諸菜人或
風之曰既奉戒何得又食五辛吳答曰未聞
鷄毛與鷄舌同聲

正見
天虛

妙



不必解

趙母嫁女臨嫁，敕之曰：「慎勿為好女，日不為好，可為惡乎？」母曰：「好尚不可為，况惡乎？」

鍾士季，籠有才理，先不識嵇康。鍾要於時賢，後之士俱往尋康。康方大樹下鍛，向子期為佐鼓排，康揚槌不輟，傍若無人。移時不交一言，鍾起去。康曰：「何所聞而來，何所見而去？」鍾曰：「聞所聞而來，見所見而去。」

顧長康啖甘蔗，先食尾，人問所以，顧曰：「漸入佳境。」


有開意

可參

謹在後

王荆公嘗問張文定：「孔子去世百年，生孟子，自後絕無人，何也？」文定言：「豈無，只有過孔子者。」公問是誰，文定言：「江西馬大師，汾陽無業，雪峰巖頭丹霞，雲門是也。」公問何謂，文定曰：「儒門淡薄，收拾不住耳。」荆公欣然嘆服。

莊子與惠子遊於濠梁之上，莊子曰：「儵魚出遊，從容是魚樂也。」惠子曰：「子非魚，安知魚之樂？」莊子曰：「子非我，安知我不知魚之樂？」惠子曰：「我非子，固不知子矣；子固非魚也，子之不知。」



魚之樂全矣。莊子曰：我知之濠上也。


孟敏嘗至市買甕，荷擔墮地，壞之，徑去，不顧。適遇郭林宗，見而異之，因問曰：壞甕可惜，何以不顧？孟曰：甕已破矣，顧之何益？

章子厚與蘇子瞻少爲莫逆交，子厚坦腹臥，適子瞻自外來，子厚摩其腹以問曰：公道此中何所有？子瞻曰：都是謀反底家事。子厚大笑。元豐六年十一月二十七日，天欲明，東坡夢數吏人持紙一幅，其上通云：請祭春牛文。東坡

取筆疾書其上云：三陽既至，庶草將興，爰出上牛，以戒農事。衣被丹青之好，本出泥途，成毀須臾之間，誰爲喜愠？吏微笑曰：此兩句當有怒者。傍一吏云：不防。此是喚醒他。

陳眉公曰：閉門卽是深山，讀書隨處淨土。

明道伊川兄弟同赴一席，頤見坐中妓，卽拂衣去。獨明道與飲盡歡。明日明道過伊川齋，伊川猶有怒色。明道笑曰：昨日日本有心上，却無今日本無心上，却有。



潘景升
行
者無微

潘景升
神是方
不小

馮具區同潘景升遊白嶽潘指壁上惡書攢眉

曰山受苦如此馮曰既作此山不應辭苦中

一同行者問曰山苦耶公苦耶公曰吾苦耳

陳孝廉琮構別墅於邑北之壘壘地或造陳顰

蹙曰日中日日見此定不樂陳曰日日見此

不敢不樂

我太祖祀歷代帝王廟才舉爵見元世祖像

淚出太祖笑曰我得中原之所固有爾失漠

北之所本無復何憾像淚尋止

一士從王陽明學初聞良知不解卒然起問曰

良知何物黑耶曰耶羣弟子啞然失笑士慚

而報先生徐曰此知非白非黑其色正赤

潘景升家富鉅萬皆為客盡其弟輩皆風之曰


吾兄如此除是銀山裁得相副其第四弟稚


恭笑曰銀山何能濟除是銀水耳

郭進治第方成聚族人賓客落之下至土木之

工皆與筵設諸工之坐於東廡人咸曰諸子

安得與諸工齒進指諸工曰此造宅者又指





諸子曰：此賣宅者固宜坐。造宅者下。

吳給事女敏慧，後歸陳子朝。陳惑一妾，遂染風疾。一日親戚來問，吳指妾曰：此風之始也。

葉丞相衡罷歸金華，日與布衣友還往。公忽染疾，不懌。謂客曰：某且死，不知死後佳不。客答曰：佳甚。公問何以知，客曰：使死而不佳，死者當逃歸耳。

徐月英，唐江淮間名娼也。有徐公子者，寵一營妓，死而焚之。月英送葬，謂徐曰：此娘平生風流，物猶帶帶。

名語第二

吳苑曰：名者銘也。所謂不磨之語，以垂則後世，非含仁噉義之口不能道。然垂世之法，宜經不宜權。此可以勵常姿，不可以籠上智。是世間一種攻補至藥，第於慧小，差次名語第

二

蘇瓊謁東荊州刺史曹芝，芝戲曰：卿欲官不？答曰：設官求人，非人求官。芝異其對，署爲參軍。

五
卷以此

五
卷以此

邢子才云。豈有松柏後身。化爲樗櫟。
韋夔子瓘行隨州刺史。因疾物故。凶問至。家人
相對悲慟。而夔神色自若。謂之曰。死生命也。
去來常事。亦何足悲。


龐公隱居峴山之南。未嘗入城市。荊州刺史劉
表往候之。問曰。先生苦居畝畝。而不肯官祿。
後世何以遺子孫。公曰。世人皆遺之以危。今
獨遺之以安。劉不能屈。

王敬弘未嘗教子孫學問。各隨所欲。人問之。答
曰。丹朱不應之。敎甯越。不聞被箠。

吳鹿長與諸友閒談天下名士。及某某等。吳曰。
雲間陳眉公以藝藏道。吾敬其道。毘陵劉少
白以道藏藝。吾敬其藝。天下名士。不難於知。
顯而難於知。隱或笑曰。如沙宛在。以慧藏痴。
痴人愛其慧。君愛其痴。是亦一道也。吳亦肯服。
西山先生問傅景仁以作文之法。傅云。長袖善
舞。多財善賈。西山由此務讀。

張湛舍室修整。雖遇妻子如嚴君。人謂湛詐善。

後
語



耳。湛曰：人皆詐惡，我獨詐善，何傷乎？

陳嬰者，東陽人，少修德行，著稱鄉里。秦末大亂，東陽人欲奉嬰爲主，母曰：不可，自我爲汝家婦，少見貧賤，一旦富貴不祥，不如以兵屬人，事成少受其利，不成禍有所歸。


王黃門兄弟三人俱詣謝公，子猷子重多說俗事，子敬寒溫而已。坐客問謝公，向三賢孰愈？謝公曰：小者最勝。客曰：何以知之？謝公曰：吉人之辭寡。

庾公爲護軍，屬桓廷尉覓一佳吏，乃經年，桓公遇見徐寧而知之，遂致於庾公曰：人所應有其不必有人，所應無已不必無。真海岱清士。司馬公與子瞻論茶墨俱香，云：茶與墨二者正相反。茶欲白，墨欲黑；茶欲重，墨欲輕；茶欲新，墨欲陳。

陳眉公曰：放得俗人心，下方可爲丈夫；放得丈夫心，下方名爲僊佛；放得僊佛心，下方名爲得道。

不

此
人
始
無





陳眉公曰男子有德便是才女子無才便是德
劉禹錫曰季龍挾彈彈人其父怒之其母曰健
犢須走車破轅良馬須逸鞅泛駕然後能負
重致遠大童稚不奇不慧必非異器
吳苑曰清雅之士非不佳嫌其太矯麤狂之士
非不惡喜其露真若使清而不矯真而不麤
非惟越俗名流實是世間能士
范忠宣公親族間子弟有請教於公者公曰惟
儉可以助廉惟恕可以成德

魯宗道為論德往往易服微行飲於酒肆一日
真宗急召公將有所問使者反復於肆間得
之與公謀曰上若怪公來遲當託何事公曰
但以實告使者曰然則恐得罪公曰飲酒人
之常情欺君臣之大罪使者嘆服

李文靖公沆為相沉正厚重無所革易嘗曰吾
為相無他能惟不改朝廷法度用此以報國
耳

馬援落魄隴漢間常謂賓客曰大丈夫為志窮





當益堅老當益壯

陳仲微云祿餌可以釣天下之中才而不可啖
嘗天下之豪傑名船可以載天下之猥士而
不可陸沉天下之英雄

項羽入關後謂人曰富貴不歸故鄉如着錦衣
夜行耳

唐李邕為左拾遺俄而御史中丞宋景奏張昌
宗兄弟有不順之言請付發斷則天初不應
邕在陛下應曰璟言事關社稷望陛下可其

奏則天色解既出或謂曰子名位尚卑若不
稱吉禍將不測邕曰不顛不狂其名不張

屠緯真曰荆扉纔杜便逢客過掃門飯籬一空
輒有人求譽慕萬事從來是命一毫夫豈由
人

高逞為中書舍人九年家無制草或問曰前輩
皆有制集焚之何也答曰玉言不可存於私

家

蓋寬饒曰富貴如傳舍惟謹慎可得久居

每面四行
正東木也

不卷

府

分

劉忠宣教子讀書兼力農嘗督耕雨中告人曰
習勤忘勞習逸成惰困之息之息之困之

萬士亨士和舉進士將之官其父戒之曰願爾
輩為好人不願爾輩為好官

虞謙為大理卿讞獄每加詳慎必得其平嘗謂
人曰彼無憾我無憾矣

楊震為瑒州太守性公廉不受私謁子孫常蔬
食步行故舊長者或欲令為開產震不肯曰
使後世稱為清白吏子孫以此遺之不亦厚


乎

王謏薦种嵩於河南尹田歆謂歆曰為尹得孝
廉矣近洛陽門下吏也歆笑曰當得出澤隱
滯近洛陽吏耶謏曰山澤未必有異士異士
未必在山澤

漢明帝謂東平王蒼曰天下何事為樂對曰為
善最樂

顧司馬益卿云與其結新知不若敦舊好與其
施新恩不若還舊債





馬援初處田牧間，至有牛馬羊數千頭，穀數萬斛。旣而嘆曰：「凡值貨財產，貴其能施賑也，不則守錢虜耳。」

陳眉公曰：士人當使王公聞名多而識面少，寧使王公訝其不來，毋使王公厭其不去。

薛道衡聘陳，作人日詩云：「入春才七日，離家已二年。」南人嗤曰：「是底言？」誰謂此虜解作詩？及云人歸，落鴈後，思發在花前，乃喜曰：「名下固無虛士。」

漢書
地理志

閔文休狂放嗜酒，素不喜與道學場人有強之者。則曰：「吟詩劣於講學，罵座惡於足恭，兩而揆之，寧爲薄行狂夫，不作厚顏君子。」

衛玠爲性通恕，常自戒曰：「人之不逮，可以情恕，非意相干，可以理遣。」

歐陽文忠公嘗言曰：「觀人題壁，便識文章。」

齊王晞爲孝昭待遇甚厚，而晞每自疎退，謂人曰：「非不愛熱官，但思其爛熟耳。」

謝玄暉好獎人才，會稽孔閭，龐有文章，未爲時

人所知孔稚圭常令草讓表以示玄暉玄暉
嗟嘆良久自折簡寫之語稚圭曰是子聲名
未立應共獎成無惜齒牙餘論


陸慧曉為晉熙王長史寮佐造見必起送之或
語云長史貴重不宜妄自謙屈陸曰我性惡
人無禮不容不以禮處人


魏佛助盛譽盧思道以盧詢祖為不及詢祖曰
見未能高飛者借其羽毛知逸勢冲天者剪
其翅翮

唐天后嘗召徐有功責之曰公比斷獄多失出
何也有功答曰失出臣小過好生陛下大德
許子將常到潁州多長者之遊唯不詣陳仲弓
又陳仲舉妻喪還塋鄉人俱至許獨不至或
問其故子將曰太丘道廣廣則難周仲舉性
峻峻則少通故不造也

齊太祖奇愛張思光時與款接笑曰此人不可
無一不可有二

向子平讀易至損益卦喟然嘆曰吾已知富不





如貧貴不如賤但不知死生何如耳

陳眉公曰朝廷大奸不可不攻朋友小過不可不容容大奸必亂天下攻小過則無全人

陳眉公曰小兒輩不當以世事分讀書當令以讀書通世事

陳眉公曰做秀才如處子要怕人既入仕如媳婦要養人歸林下如阿婆要教人

陳眉公曰有一言而傷天地之和一事而折終身之福者切須檢點

胡居仁家貧甚鶉衣簞食尚不繼或爲之慮胡曰身已閨義屋已閨善大處足矣不必瑣求

邵文莊云寧爲真士夫不爲假道學
都維明博學多藝務爲韜晦乘興畫一梅尋悔曰有一能卽蔽一能

梁王趙王國之近屬貴重當時裴令公歲請二國租錢數百萬以楹中表之貧者或譏之曰何以乞物行惠裴曰損有餘補不足天之道也

感愧之
胡李飲
能

蘇
長也

陳眉公曰後生輩胸中落意氣兩字則交遊定
不得力落騷雅二字則讀書定不深心
陳眉公曰看中人看其大處不走作看豪傑看
其小處不滲漏
羅遠遊曰大豪傑用心思處難知怨處易指瑣
瑣君子行藏反是
陳繼儒曰勢在則羣蟻聚羶勢去則飽鷹颺漢
悠悠濁世今古皆然有識之士不必露徐偃
之剛腸但請拭叔度之冷眼

費文憲公云觀書當如酷吏斷獄用意深刻而
後能日知其所無記書當如勇將決勝焚舟
沉甌而後能月無忘其所能

南楊在內閣其子來京師所過州縣無不餽遺
惟江陵令范理不為禮公異之薦為德安守
或勸當致書謝范曰宰相為朝廷用人太守
為朝廷捧命一楊一范私面何關

陳繼儒曰待富人不難有禮而難有體待貧人
不難有恩而又難有禮

用




音憤

且燕孺曰鬚眉之士在世寧使鄉里小兒怒罵不當使鄉里小兒見憐

潘訥叔雖輕諾少恒於友道實篤或有受潘大恩不能報反謗之者人風潘曰君非聖人安得以平報怨潘曰不然吾安肯以憐人既錯之目復睨此自媿欲死之人聞者嘆服


潘養
餽屬



國家圖書館, NATIONAL CENTRAL LIBRARY, TAIWAN, R.O.C



國家圖書館, NATIONAL CENTRAL LIBRARY, TAIWAN, R.O.C.





舌萃錄卷之二

新都曹臣蓋之纂著

勾吳具苑鹿長叅定

公安袁中道小修批評


豪語第三

吳苑曰，聖人盡而豪士出，聖人具德，豪士具才，此大略言也。蓋世間才士未有不豪者，五官六府，皆奇英之所灌溉，每喘一息，吐一語，幾塞天地。雖過之者不無七八，而副之者亦

舌萃錄


卷二 豪語


一



NATIONAL CENTRAL LIBRARY, TAIWAN, R.O.C.

3426837 v2





有二三故聖人既隱之後，不如此輩之強且
幹也。况志一不成，卽視身如芥，慷慨之語，何
其壯哉。嗟乎波流宇宙，豈能少此輩乎。乃次
豪語第三

荀中郎在京口，登北固塹，海云：雖未覩三山，便
自使人有凌雲意。若秦漢之君，必當褰足裳濡
桓溫讀高士傳，至於陵仲子，便擲去曰：誰能作
此溪刻自處。

石崇每與王敦入學孺，見顏原像而嘆曰：若與
同升孔堂，何必去人。有間，王曰：不知餘人云
何，子貢去卿差近。石正色曰：士當令身名俱
泰，何至以甕牖語人。

胡總制宗憲讀漢書，至終軍請纓事，起叫曰：男
兒雙足當從此處插入。其他皆狼藉耳。
趙溫子柔京兆人，爲郡丞，嘆曰：大丈夫當爲雄
飛，焉能雌伏。遂棄官去。

儀真王維寧善詩賦草書，尤精絕。家貲鉅萬，性
豪侈嗜酒，每日宴客，續至者常增數席。人或

事語
在

勸其後計，王曰：「丈夫在世，當用財，豈為財用及業盡，不能自存，猶好酒不已，人又勸其耕，硯可以自給，曰：『吾學書，豈為口耶？』一日無酒，不能耐，出步江上，見落日射水，鱗鱗大喜，曰：『此中有佳處。』龍宮貝闕，或可樂，吾也。遂躍入死焉。」

宋室
所造
人


藝祖將北征，京師喧言欲立檢點為天子，太祖告其家曰：「外間詢詢，將若之何？時太祖姊在廚下，舉麪杖擊之，曰：『丈夫臨事，可不當自決。』乃來家，恐怖婦女耶。」

楊纂母云：「丈夫富貴，何必故鄉，以妻子經懷，豈不沮人雄志？」

宗少文問姪慤曰：「若志何若？」慤對曰：「願乘長風，破萬里巨浪。」

有生
人亦
有

石崇每宴客，宴集常令美人行酒，客飲酒不盡者，使黃門交斬美人。王丞相導與大將軍敦嘗共詣崇，丞相素不能飲，輒自勉強，至於沉醉，每至大將軍，固不飲，以觀其變，已斬三人。





第四姬奉酒，形色戰恐，尚不飲。如故丞相讓之。大將軍曰：彼自殺伊家人，何預卿事？胡總制駐軍海上，觀海波洶湧，曠然自得，忽雲山繞，此萬里長浪。稽中散燈下彈琴，有一人入其室，初時猶小，斯須轉大，遂長丈餘，顏色甚黑，單衣草帶，不復似人。稽熟視良久，乃吹滅燈曰：恥與魑魅爭光。

范曄初入獄，意便死。及上窮治其獄，遂經一旬，曄更有生望。謝綜與熙亦同事，笑曰：詹事在西池射堂上，躍馬顧盼，自爲一世之雄。乃擾攘畏死，乃爾耶？

李太白登華山落鴈峰，曰：此山最高，呼吸之間，可通帝座，恨不攜謝朓驚人語來搔首問青天耳。

澹臺子羽齋千金，文壁渡河，陽侯波起，兩蛟夾舟。子羽曰：吾可以義求，不可以威劫。操劍斬





蛟蛟死波休，乃投壁於河。

梁竦生長京師，不樂本土，自負其才鬱鬱不得意，嘗登高望遠，嘆息言曰：大丈夫居世，生當封侯死當廟食，不然閒居可以養志，詩書足以自娛，州郡之職徒勞人耳。

祖車騎過江時，公私儉薄，無好服玩，王庾諸公共就祖，忽見裘袍重疊，珍飭盈列，諸公怪問之，祖曰：昨夜復南塘一出。

荀濟負氣，每謂人曰：會楯上磨，黑作檄文。

王融行過朱雀航，聞人爭路，乃推車壁曰：車中豈可無七尺車前，豈可無八騶。

裴護兒幼卓犖，讀書至擊鼓其堂，踴躍用兵，羔裘豹節，孔武有力，捨書嘆曰：大丈夫當如是，會為國滅賊，以助功名，安能區區事硯乎。

梁曹景宗謂所親曰：吾昔在鄉里，騎快馬如龍，拓弓弦作霹靂聲，箭如鵝鴨，叫平澤中，逐麀數肋，射之渴飲其血，饑食其肉，甜如甘露，漿覺耳後生風，鼻端出火，使人忘死，今來揚州。

能作能
言必非
以至

裴胡公
諸類管
胡胡長
裴裴任

要集語
宋防唐

作貴人路行開車幔小人輒言不可閑置車
中如三日新婦邑邑使人氣盡
灌夫罵李贇曰乎生毀程不直一錢今日
乃效兒女曹咕嗶耳語

秦始皇遊會稽渡錢塘項梁與籍同觀藉曰彼
可取而代也梁掩其口曰無妄言族矣


燕王垂議伐西燕曰吾比老叩囊智足以取之
魏武帝曰寧使我負天下人無使天下人負我
我太祖高皇帝親祀歷代帝王廟各獻爵畢

獨於漢高祖增一爵曰我與公不階尺土而
有天下比他人不同特增一爵

杜伏威爲陳稜偏裨射中額伏威怒曰不殺射
我者終不扶此箭由是奮擊而入獲所射者
祖迪渡江中流望而嘆曰不澄清中原不復渡
此

呂蒙隨姊夫鄧當擊賊年十六呵叱而前當不
能禁止歸言於母曰不探虎穴焉得虎子

唐莊宗臨斬劉守光守光悲泣哀祈不已其二



室夫

妻李氏祝氏譙之曰事已如此生復何益妾請先死卽伸頸就戮

鄧文昌富貴後打金蓮花杯盛水濯足或規之答曰人生幾何要當酬平生不足也

漢高祖嘗遊咸陽縱觀秦始皇喟然嘆曰大丈夫當如此也

張敬兒拜車騎將軍王敬則戲之爲褚彥回

文士故反戲之敬兒曰我馬上得之不解作華林閣

勳

陳蕃嘗處一室庭宇蕪穢父友薛勤來候之謂

蕃曰孺子何不灑掃以待賓客蕃曰大丈夫當掃除天下何事一室乎


宋海翁才高嗜酒側睨當世忽乘醉泛舟海上

仰笑曰吾七尺軀豈世間凡土所能貯合當以大海壅之耳遂按波而入

班超家貧常爲官傭書以供養其母久勞苦嘗

輟業投筆嘆曰丈夫無他志略猶當效傅介子張騫立功異域以取封侯安能久事筆硯

不紹





間乎左右皆笑之。超曰：小子安知壯士哉！
馬援將軍還，將至，故人多迎勞之。平陵人孟冀，
名有計謀，於坐賀，援謂之曰：吾望子有善
言，反同衆人耶？方今匈奴烏桓尚擾北邊，欲
自請擊之，男兒要當死於邊野，以馬革裹屍
還，羞耳！何能卧牀上在兒女子手中耶？
終軍從濟南當詣博士，步入關，關吏與軍繡軍
問以此何爲？吏曰：爲復傳還，當以合符。軍曰：
大丈夫西遊，終不復傳還棄繻而去。

楊子雲曰：雕蟲刻篆，壯夫不爲也。

毛澄七歲善屬對，姻戚長老喜之者，贈以金錢，
受歸卽擲之，曰：吾猶薄蘇秦、斗大安事。此鄧
通、糜、糜時人奇之。

項羽少時學書不成去，學劍又不成去。季父梁
怒之，羽曰：書足記姓名而已，劍一人敵不足
學，學萬人敵耳。於是梁奇其意，教以兵法。
項王饗沛公，亞父謀欲殺沛公，樊噲居營外，聞
事急，迺持盾入，初入營，營衛止噲，噲直撞入。





立帳下項王目之問為誰張良曰沛公參乘
樊噲也項王曰壯士賜之卮酒彘肩噲既飲
酒扶劍切肉食之項王曰能復飲乎噲曰死
且不辭豈特卮酒乎

項王
者

項籍與漢高相拒項使人謂漢王曰天下匈匈
徒以吾兩人耳願與王一戰決鳴雄毋徒罷
天下父子為也

狂語第四

吳苑曰古人有言曰狂夫之言聖人擇焉聖

人尚取之而况其下者乎夫狂者視已虛若
滿視人高若下除一身之外無足以當雙眸
者其用志不過欲與霄漢比高瀛海比大但
未省一段已有愈不足之義此亦豪之亞者
次狂語第四

狂語
者

袁嘏詩平平耳多自謂能嘗曰我詩有生氣須
人捉着不爾便飛去

齊黃門郎吳興沈昭略侍中文叔之子性狂俊
使酒任氣朝士常憚而容之嘗醉負杖至蕪

案

湖苑遇瑯琊王約張目視之曰汝王約耶何肥而癡約曰汝是沈昭略耶何瘦而狂昭略撫掌大笑曰瘦又勝肥狂又勝癡矣

曾子固為中書舍人嘗白事都堂時章子厚為門下侍郎謂之曰向見舍人賀明堂禮成表天下奇作子固一無所辭但復問曰比班固典引何如

王儉與王敬則同拜三公徐孝嗣於崇禮門候儉因與之曰今日可謂連壁儉曰不意老子

與韓非同傳


桑民懌好為大言時銓次古人以孟軻自况何傳問翰林文今為誰曰虛無人舉天桑民懌其次祝允明又其次羅地


桑悅調柳州倅不欲赴人問之輒曰宗元小生擅此州名吾一旦往掩其上不安耳

上饒婁諒過姑蘇泊舟楓橋因和唐人詩有獨起占星夜不眠之句問客曰我一起行天象應動君能見不

任案亦
了必
不似

案





可配
俱狂

袁中郎同陶石簣遊鑑湖袁謂陶曰爾狂不如
季真飲酒不如季真獨兩眼差同耳陶問故
袁曰季真識諦倦爾識袁中郎

王仲祖與劉真長別後相見王謂劉曰卿更長
進劉曰卿仰看耶王問其故劉曰不爾何由
測天之高也

王中郎坦之年少江彪爲僕射領選欲擬之爲
尚書郎有語王者王曰自過江來尚書郎正
用第二人何得擬我也

坦之自負爲第一流人

桓公少與殷侯齊名常有競心桓問殷卿何如
我殷云我與我周旋久寧作我

桓大司馬下都問真長曰聞會稽王語奇進爾
耶劉曰極進然故第二流中人耳桓曰第一
流復是誰劉曰正是我輩耳

殷洪橋作豫章郡臨去都下人因附百許函書
旣至石頭悉擲水中因祝曰沉者沉浮者浮
殷洪橋安作置書陸

梁公公實薦一士於李公于鱗士者欲以啖公

升妙

飯受人
承而復
搗碎無
味得語
百遍耳



曰、吾有長生術、不惜爲公授、曰、吾名在天地間、只恐盛着、不了安用長生、士者慙而止、
郝公琰好吟、每得一妙句、輒躍起大叫、謂人曰、
書言文武五百歲、而有孔子、孔子五百歲、而
有孟軻、詩道亦然、曹劉五百歲、而有李杜、李
杜五百歲、而有者、非郝耶、袁中郎笑而問曰、
我非李老君、能自退藏、以讓尼父、擅名也、
張伯玉過姑熟、見李太白十韻、嘆美久之、周流
泉石間、後見一、清激詢地人曰、此水名明

月泉、公曰、太白不留此題、將留以待我也、

徐文長爲胡總制公客、有一將士病瘧、恐胡公
督練急、乃轉求寬於徐、徐曰、君正當求我、不
當求胡、令將士急磨墨、取筆書舊作詩一首、
付之曰、君可謹佩百鬼、自不敢來、

王仲祖有好儀形、每覽鏡自照、曰、王文開那生
如馨兒、

梁伯鸞少孤、嘗獨止、不與人同食、比舍先炊已、
呼伯鸞及熱釜炊、伯鸞曰、童子鴻、不因人熱

（血絲相）
（類是）
（註之帝）
（足）

（有通券）
（案）

者也

王冕既歸越常言天下將亂時海內無事或斥冕爲妄冕曰妄人非我誰當爲妄哉

王鳳洲與李于鱗燕論常以已與古人相况李謂王曰天生神物必當有對有孔仲尼自有左丘明王瞪目不色受李復曰有李老君也文帝問顏延之以其諸子材能曰峻得臣筆測得臣文奐得臣義躍得臣酒何尚之嘲之曰誰得卿狂曰其狂不可及

袁叔見謝莊赤鸚鵡賦嘆曰江東無我卿當獨秀


庾元規語周伯仁諸人皆以君方樂周曰何樂謂樂毅耶庾曰不爾樂令耳周曰何乃刻畫無鹽以唐突西子

習鑿齒嘗造道安談論自贊曰四海習鑿齒安應聲曰彌天釋道安

宗子相才高雄視一時嘗謂同社曰朝廷若無我輩文章之士則靈鳥不必鳴岐山而仁獸

畫後

未定能
畫前



化爲檣杌。

齊高帝嘗與王僧虔賭書畢，帝曰：誰爲第一？僧虔對曰：臣書人，臣中第一。陛下書，帝中第一。帝笑曰：卿可謂善自謀也。

瑯琊王僧虔博通經史，兼善草隸。太祖謂虔曰：我書何如卿？曰：臣正書第一，草書第三，陛下草書第二，正書第三，臣無第二，陛下無第一。上大，笑曰：卿善爲辭也。然天下有道，丘不與易也。


童語外

郝公琰才高語放，嘗謂人曰：吾一懣時，則讀曹蓋之詩，可以消之。次則袁小修，再次則讀吾詩耳。下此反增其懣。

慕容儼少見潘樂，長揖而已。或勸屈節，儼揚袂曰：吾狀貌如此，聖人拜，豈能拜人。

劉中郎性韻剛疎，輕言肆行。一日遇褚司徒淵入朝，以腰扇障日。中郎從側過，曰：作如此舉，止羞面，見人扇障，何益？褚曰：寒士不遜，中郎曰：不能殺袁劉，安得免寒士。

袁聚劉秉以謀誅蕭道成被殺



謝胡兒語庾季道諸人莫敢就卿談可堅城壘
庾曰若文度來我以徧師待之康伯來濟河
焚舟

溫彥博爲吏部侍郎有選人裴略被放乃自贊
於彥博稱解白嘲彥博卽令嘲廳前叢竹略
曰竹冬月不肯凋夏月不肯熟肚皮不能容
國士皮外何勞生枝節又令嘲屏牆略曰高
下八九尺東西六七步突兀當廳坐幾許遮
贊路彥博曰此語似傷博略曰卽扳公肋何


止傷膊博慚而與官

李千鱗少厭薄詡詡學古文詞衆不曉何語咸
指于鱗狂生李曰吾而不狂誰當狂者

薛西原應試行至長灣叱曰薛公至此河伯敢
爾無獻須臾大魚躍入舟公剖擊拉隣船食
之曰薛先生不辭天祿且爲散諸隣里

王冕嘗大雪中赤脚獨上潛嶽峰四顧大叫曰
白玉峰前度僊客合無陪人

桑民懌曰聖人之道自文武而傳之孔子孔子



而傳之我

鄭翰卿遊海上見一老翁觀海自語曰世間能有物填此乎曰不能也鄭從旁撫老人背曰惟吾異日名可填此耳


沈嘉則遊金陵日醉胡姬肆中片語一出人爭誦不已沈向人語曰我天上歲星也

吳正子曰郝公琰之枯曹蓋之之麓此天之東南地之西北吾與二君交實是女媧石衛精鳥

靈璧劉人龍性豪邁不耐家居每挾貲而遊遊則必盡貲不能歸而後已妻子常備貲覓之於江淮間謂曰君困遊非一也何自苦如是劉曰卿看此劉郎豈靈璧常有耶

王丞相枕周伯仁剺指其腹曰卿此中何所有答曰此中空洞無物然容卿輩數百人

郝公琰謂吳正子曰近世不惟憐才者無有卽忌才者亦不再生使世有曹老瞞楊阿廢在郝瘦頭顧已久作草際塵耳吳笑曰若使我



與君同遇當庇君算一籌

孫興公作天台賦成以示范榮期云卿試擲地
要作金石聲范曰恐子之金石非宮商中聲
然每至佳句輒云應是我輩語


苗振第四人及第召試館職或曰宜稍溫習振
曰豈有三十年爲老娘而倒繻孩兒者乎

張思光爲中書郎嘗嘆曰不恨我不見古時人
恨古時人不見我思光善草隸太祖嘗謂曰
卿殊有骨力但恨無二王法答曰非恨臣無

二王法亦恨二王無臣法

米元章初見徽宗命書周官篇於御屏書畢擲
筆於地大言曰一洗二王惡札照耀皇宋萬
古徽宗潛立於屏風後聞之不覺步出縱觀
會稽徐渭嘉靖間爲胡梅林公幕客甚被親遇
胡謂徐曰君文士君無我不顯徐曰公英雄
公無我不傳又語公曰公惠我以一時我答
公以萬世徐渭真長者哉

桑民懌會試既畢自喜必中乃於卷後畫一站



船因擊桌曰此回定坐官船矣竟以違式貼出

傲語第五


吳苑曰易云不事王侯高尚其志此傲也傲則不臣天子不友諸侯雖九有之大不能屈一介之夫下此可無論矣然傲非全德聖人不取苟不能完酌而取之寧傲不寧媚則傲之為偏德也審矣次傲語第五

宗測代居江陵不應招辟驃騎將軍豫章王巖

請為叅軍答曰何得謬傷海鳧橫斤山木

孔拯侍郎為遺補時嘗朝回值雨而無雨備乃於人家廡下避之過食時雨益甚拯向其家叟求雨具叟答曰某閒居不預人事寒暑風雨未嘗冒也置此又安施乎

九山散樵浪跡俗間徜徉自肆遇山水佳處盤礴箕踞四顧無人則劃然長嘯聲振林木有客造榻與語對曰余方游華胥接羲皇未暇理君語客去留蕭然不以為意




司徒霸與嚴光素舊，欲屈到霸所語言，遣使西
曹屬侯子道奉書，光不起於牀上箕踞抱膝
發書讀訖，問子道曰：君房素痴，今爲三公，小
差不，子道曰：位已鼎足，不痴也。光曰：遣卿來
何言？子道傳霸言，光曰：卿言不痴，是非痴耶？
天子徵我，三尚不見，况人臣乎？
南陽宗世林、魏武同時，而甚薄其爲人，不與之
交。及魏武作司空，總朝政，從容問宗曰：可以
交未？答曰：松栢之志猶存。

孫子荆爲石苞驃騎叅軍，孫負其才氣，初至不
拜，但長揖曰：天子命我叅卿軍事。

王廷陳從翰林出知裕州，傲甚，臺省監司過州，
不出迎，亦無所託疾，人或勸之，不宜如此。王
怒曰：我揖我辱死，彼受彼愧死，一言而傷二
命，此人不良，終身絕之。

僧貫休，婺州蘭谿人，錢鏐自稱吳越國王，休以
詩投獻，內有滿堂花醉三千客，一劍霜寒十
四州之句，鏐諭改爲四十州，乃可相見，曰：州



亦難添詩亦難改。閔雲孤鶴何天而不可飛。
遂去而入蜀。

王子猷作車騎參軍桓謂王曰卿在府久比當
相料理初不答直高視以手板柱頰云西山
朝來致有爽氣。


陳道林在西岍都下諸人共要至牛渚會陳瑾
既佳人欲共言折陳以如意拄頰望鷄籠山
嘆曰孫伯符志業不遂於是竟坐不得談
鍾毓兄弟初欲交夏侯玄玄以鍾志趣不同不

與之交及玄被桎梏時毓爲廷尉會因便狎
之玄曰雖復形餘之人未敢聞命。

戴安道少有高名武陵王聞其善鼓琴使人召
之安道就使者前打破琴曰戴安道安能爲
王侯伶人。

卞士蔚弱冠時爲上虞令甚有剛氣會稽太守
孟頴以令長裁之士蔚積不能容脫幘投地
曰我所以屈卿者正爲此幘耳今已投之遂
拂衣去。





郭元瑜少爲拔俗之韻，張天錫遣使備禮致之，元瑜指翔鴻示使人曰：「此鳥安可籠哉！」

王孟端夜泛舟，聞簫聲清亮，移舟就之，乘興寫竹石一幅相贈。明日吹簫人來訪，具幣以乞配幅，王曰：「吾畫消聲耳，君不得遁求。」

孫太初寓居武林，費文憲罷相歸，訪之，值其晝寢，孫故卧不起，久之乃出，又了不謝，送及門，第矯首東望曰：「海上碧雲起，直接赤城大奇，大奇文憲出謂御者曰：「吾一生未嘗見此人。」

盧山人柁初囚濬獄，滑令張肖甫時時問勞，及出，狂狷，銀鐺桎梏，猶然拘攣也。山人詣滑廳，事稽首謝，張亟引副署中，從者以盧坐置側，盧謂張曰：「以囚當仆塔前，以客當居上座，遂據上坐之。」

李谷坪謫驛丞，上司過者只一揖，代巡以同年招之，使側坐，李曰：「驛丞安敢望坐，同年不敢居傍，遂拂衣去。」

陶淵明爲彭澤令，郡遣督陸至，縣吏白應東帶。

一元券
每張換

一元券
每張換

見淵明日、吾不能爲五斗米折腰事鄉里小兒也、遂解印逃去。

申屠蟠性高傲、善談論、莫有及者、唯江南一生與相酬對、既別、執蟠手曰、君非聘則徵、如是相見於上京矣、蟠勃然作色曰、始吾以子爲可與言也、何意乃相拘放樂貴之徒耶、
吳正子窮居一室、門環流水、跨木而度、度畢卽紬之人、問其故、笑曰、土舟淺小、恐不勝富貴人來踏耳。

舌華錄卷之三


新都曹 臣蓋之纂著

勾吳吳 苑鹿長叅定

公安袁中道小修批評

冷語第六

吳苑曰、冷者暖之反、春風至爲暖、暖則散色爲花、散香爲氣、有目有鼻者莫不覩不嗅焉、冷則爲藥爲苞、色香雖具、卽鼻通目明者了不能得、是冷者非含藏之義乎、故水冷則結



見淵明曰吾不能爲五斗米折腰事鄉里小兒也遂解印逃去

申屠蟠性高傲善談論莫有及者唯江南一生與相酬對既別執蟠手曰君非聘則徵如是相見於上京矣蟠勃然作色曰始吾以子爲可與言也何意乃相拘放樂貴之徒耶
吳正子窮居一室門環流水跨木而度度畢卽紬之人問其故笑曰土舟淺小恐不勝富貴人來踏耳

舌華錄卷之三

新都曹 臣蓋之纂著

勾吳吳 苑鹿長叅定

公安袁中道小修批評

冷語第六

吳苑曰冷者暖之反春風至爲暖暖則散色爲花散香爲氣有目有鼻者莫不覩不嗅焉冷則爲藥爲苞色香雖具卽鼻通目明者了不能得是冷者非含藏之義乎故水冷則結



六
雲冷則痴，一結一痴，皆含藏之義。次冷語第

王介甫與蘇東坡論楊子雲投閣為史臣之妄，劇秦美新之作亦後人所誣。蘇曰：軾亦疑一事。荆公曰：疑何事？蘇曰：不知西漢果有子雲不聞者莫不掩口而笑。

武林張卿子有野花詩十首，佳極。盛傳一時，人目之曰張野花。卿子善病，常數年不出戶面。孔黃瘦人復有見之者曰：是野花張也。

唐中書令王鐸，文儒，出鎮渚宮，為都統，以禦黃巢，攜姬妾赴鎮，而妻妬忌，忽報夫人離京在道。鐸謂從事曰：黃巢漸以南來，夫人又自北至，旦夕情味，何以安處？幕寮請曰：不如降黃巢。

宰相王璵好與人作碑誌，有送潤毫者，誤扣右丞相王維門，維曰：大作家在那邊。

桓靈寶征殷仲堪，道出廬山，因詣遠公，語次及征討之意，遠不答，又問以見願，遠答曰：願檀



越安穩使彼亦復無他桓出山語左右曰實乃生所未見此人

孔君魚爲姑臧長清儉逼下有譏之者答曰奮自處脂膏不能自潤


王右軍少重患一二年輒發動後答許椽詩忽復惡中得二十字云取觀仁智樂寄暢山水陰清冷澗下瀨歷落松竹林旣醒左右誦之誦竟右軍嘆曰癩何預盛德事耶

子瞻在惠州天下傳其已死後七年北歸時丞

相方貶雷州子瞻見南昌太守葉祖洽葉問曰傳端明已歸道山今尚爾遊戲人間耶坡曰途中遇章子厚乃回返耳

韓康公絳謝事後自穎入京以上元至十六日私第會從官九人皆門生故吏一時名德如傅欽之胡寬夫錢穆父蘇東坡劉貢父顧子敦皆在坐出家妓十餘人中讌有新寵魯生者舞罷爲遊蜂所螫公意不喜久之呼出以白團扇從東坡乞詩坡書一絕窻搖細浪魚





吹目手弄黃花涼透衣不覺春風吹酒醒空
過明月伴人歸上句記其姓下句記其事康
公大笑坡曰但恐他姬廝賴耳

蘇公一日與溫公論事坡偶不合曰相公此論
故爲驚廝踢溫公不解曰驚安能廝踢坡曰
是之謂驚廝踢

蘇子瞻與章子厚同遊南山諸寺寺有山魃爲
祟容不敢宿子厚獨宿山魃不敢出招遊仙
潭下臨絕壁岍甚狹橫木如橋子厚推子瞻

過潭書壁子瞻不敢過子厚平步過之用索
繫樹躡之上下神色不動以漆墨濡筆大書
石壁曰章惇蘇軾來遊子瞻拊其背曰子厚
必能殺人子厚曰何也子瞻曰能自拚命者
能殺人也能

宰相楊再思晨入朝值一重車將牽出西門道
滑牛不前馭者罵曰一羣痴宰相不能和得
陰陽而令我匯行如此辛苦再思徐謂之曰
爾牛亦自弱不得嗔他宰相

合
亦
是
相

待
而
如
即
劣


誰
在
與


東坡自海還過惠州州牧故出郊迎之因問海
 南風土人情如何東坡云風土極善人情不
 惡其初離昌化時有十數父老皆攜酒饌直
 至水次途某登舟執手涕泣而去曰此回與
 內翰相別後不知甚時相見

詩送我乎軾妻子不覺失笑

謝康樂小時便文藻艷逸祖車騎甚奇之謂親
 知曰我乃生瓊謂瓊不瓊也那得不生靈運
 真宗既封訪天下隱者得杞人楊朴上問有人
 作詩送卿不朴言臣妻有一首云更休落魄
 耽杯酒再莫猖狂愛作詩今日捉將官裡去

范忠宣謫永州夫人不如意輒罵章惇舟過橘
 州大風雨船破僅得及岨正平持蓋公自負
 夫人以登燎衣民舍公顧曰豈亦章惇所為
 耶





可憐

文
左
京
依

曰余意正在悽涼

汪南明架上牙籤數萬卷客毗睨久之謂曰公
能遍識耶公曰漢高取天下屬意者關中耳
宋世祖至般貴妃墓謂羊志曰卿等哭貴妃若

悲當加厚賞羊卽嗚咽甚哀他日有問羊者
曰卿那得此副急淚羊曰我自哭忘妻耳

杜少陵宿龍門詩云天闕象緯逼王介甫改闕
爲閱黃山谷對衆極言其是劉貢父聞而笑
曰恐是怕他

黃庭堅作艷語人爭傳之秀鐵面呵之曰翰墨
之妙甘施於此乎庭堅笑曰又當置我於馬
腹中耶

張寧晚年無子禱於家廟曰寧何陰禍至辱先

人傍一妾云。誤我輩。卽陰騭耳。

我明舊例。科道俱乘馬。不得乘轎。王化按浙。一舉人入謁。化問曰。若冠起自何時。舉人徐曰。卽起於大人乘轎之年。


陸樹聲請告。諸大老送之。時李已趙錦皆在坐。趙曰。陸公此行。使天下知朝廷有不愛爵祿之臣。李謂陸曰。公病愈乎。

一進士戲坐夏原吉公轎。或告公。公曰。有志。言者慙退。

張蒼梧是張憑之祖。嘗語憑父曰。我不如汝。憑父未解所以。蒼梧曰。汝有佳兒。

張逸密學。知成都。曾文鑒來求詩。華陽簿張唐輔同在客次。唐輔欲搔首。方脫烏巾。睥睨文鑒。置於其首。文鑒大怒。訴於張公。公問其故。唐輔曰。某方頭癢。取下幞頭。無處頓放。見此師頭。閉權頓少時。不意其怒也。公大笑。

胡九韶家貧。力耕。僅給衣食。每日向天揖曰。蒙賜清福。其妻笑曰。三餐苦菜和羹。此清福耶。



妙

胡搔手止曰清福正在箇中上天甚所秘惜無得輕示與人復顧其子曰汝不得不傳王寅少喜子房策故字曰仲房後人有薦其贊畫者寅曰時晚矣有赤松子不防為予一覓張靈嗜酒傲物或造之者張方坐萱棚下舉杯自酬目不少顧其人含怒去復過唐伯虎道張所為且怪之伯虎笑曰汝譏我司馬德操徽括囊謹密人有以人物質之者初不辨其高下每輒言佳其婦諫曰人質所疑


泉香

君宜辨論而一言佳豈人所以咨君之意乎徽曰如卿所言亦復佳

龍入第
花看

方遜志卧病絕糧家人屢以告方笑而言曰古人有三旬九食甌無儲粟者此時吾愁汝曰主翁亦所不免豈我取曰愁汝多告勞也謝公夫人幃諸婢使在前作技使太傅暫見便下幃太傅索更開夫人云恐傷盛德

李元忠雖居要任惟飲酒自娛不以物務干懷時欲用為僕射或言其常醉不可其子操聞



入韻
廣語

之請節飲元忠曰我言作僕射不勝飲酒爾
愛僕射勸勿飲

張士簡嗜酒疎脫在新安遣家僮載米三千斛
還吳失大半士簡問其故答曰雀鼠耗也士
簡嘆曰壯哉雀鼠

又語
極甚
又
之至

溫公喜漫語卞令禮法自居二人嘗至庾公許
大相剖擊溫發口鄙穢庾公徐曰太真終日
無鄙言

宋相郊居政府上元夜在書院內讀周易聞其

忘
甚

弟學士祈點花燈擁歌妓醉飲達旦翊日諭
所親令誚讓云相公寄語學士聞昨夜燒燈
夜宴窮極奢侈不知記得某年上元同在某
州學內喫葷煮飯時不學士笑曰却須寄語
相公不知某年同某處喫葷煮飯是為甚的
司馬溫公屢言汪廣淵章八九上留身乞誅以
謝天下聲震朝廷是時滕元發為起居註侍
立殿均既歸廣淵來問元發早來司馬君實
上殿聞乞斬某以謝天下不知聖語何如發





曰。我。只。聽。得。聖。語。云。依。御。所。奏。

楊大年與梁同翰朱昂同在禁掖。大年未三十而二公皆高年矣。大年呼朱翁梁翁。每戲侮之。一日梁謂大年曰。這老亦待留以與君也。朱於後亟搖手曰。不要與。

嚴子陵隱跡富春山。司徒霸遣使奉書。使者求報。嚴曰。我手不能書。乃口授之。使者嫌少。可更足。嚴曰。買菜乎。

米芾知無爲軍。見州解立石甚奇。命取袍笏拜

之。呼曰石丈。言事者聞而論之。朝廷傳以爲笑。或問曰。誠有不徐曰。吾何常拜。乃揖之耳。上虞江有一處名三石頭。王弘之常垂綸於此。經過者不識之。或問漁師得魚賣不。弘之曰。亦自不得得。亦不賣。

謝鳳子名超宗。謝莊子名朏。宋明帝召二人由鳳莊門入。超宗曰。君命也。乃趨而入。朏曰。君處臣。以禮。遂不入。

唐太宗之征遼。作飛梯臨其城。有應募爲梯首。

有文

城中矢石如雨，而竟無為先登。英公指謂中書舍人許敬宗曰：此人豈不大健。敬宗曰：健要是不解思量。太宗聞而欲罪之。

阮孝緒所居以一鹿牀為精舍，竹樹環遶，任昉尋其兄履之，欲造而不敢，望而嘆曰：其室則邇其人，則遠。

隆興初有胡昉者，大言誇誕，當國者以為天下奇才，力加薦引，曾未數年，為兩浙漕。一日語坐客云：朝廷官爵是買，吾曹頭顱豈可不畏。

聞人伯卿在坐末，趨前云：有買脫空，胡默然。馮公具區髻髻晚出而早白，人問曰：公髻幾年變白，公捫髻良久曰：未記與黑周旋。


馮道和凝同在中書，一日和問馮曰：公靴新價其值幾何？馮舉左足示和曰：九百。和性偏急，遽回顧小吏云：吾靴何得用一千八百？因詬責久之。馮徐舉其右足曰：此亦九百。

崔膺性狂，張建封愛其文，以為客。隨建封行營，夜中大叫驚軍，軍士皆怒，欲食其肉。建封藏

不飲大

鄙雅





魏子
之五

之明日置宴監軍曰某有與尚書約彼此不得相違建封曰唯監軍曰某有請請崔膺建封曰如約逡巡建封又曰某有請請崔膺坐中大笑得免

王仲舒爲郎官與馬逢友善每責逢曰貧不可堪何不求碑誌相救逢曰適見誰家走馬呼醫吾可待也

朱忌遍治五經涉獵文史博奕書算皆其所長年二十詣都沈約戲語曰卿年少何乃不廉

趙宗儒爲太常卿贊郊廟之禮罷相三十餘年年七十六衆論其精健有常侍李益傍謂曰趙乃僕爲東府時所送進士也

崔銑作南祭酒罷歸囊無江南一物謂人曰人言祭酒是金我道祭酒如玉耳

徐獻忠每見詩文之佳者曰此人肚內有丹羅汝鵬多髯少年卽白一日赴吊喪家司喪者謂曰公年尚未何早白乃爾羅對曰今日之來不得不如此

唐姚南仲廉察陝郊有客投刺云李過庭者南仲曰過庭之名甚新未知誰家子弟姚峴作熟思曰恐是李趨兒

竇懷貞爲京兆尹神龍之際政令多門京尉由墨敕入臺者不可勝數或謂懷貞曰縣官相次入臺縣事多辦不懷貞對曰倍辦於往時問其故懷貞曰好者總在


張華見褚陶語陸平原曰君兄弟龍躍雲津顧彥先鳳鳴朝陽謂東南之寶已盡不意復見


褚生陸曰公未覩不鳴不躍者耳

蘇東坡在維揚一日設客米元章在坐酒半元章忽起自贊曰世人皆以芾爲顛願質之子瞻坡笑曰吾從衆

陸楚生遠進士陸大成從堂叔大成發解南畿頗有聲望遠每對人呼大成舍姪人多厭之咸以爲言時王弇州在坐曰實是遠阿叔

潘長官嘗要蘇東坡以坡不能飲以醴設之坡笑曰此必錯煮水也





諧語第七

吳苑曰語之次序自慧名豪狂傲五種之下不能細有標辨以定安排如冷之一義有何關說而居衆語上耶直以語之有致無致順手拈錄之耳若此之諧與謔與後之諷與譏此二種乃大同而小異不得有先後故次諧語第七


龍圖劉燁嘗與內相劉筠聚會飲茗問左右曰湯滾也未左右皆應曰已滾筠曰僉曰鯨哉

燁應聲曰吾與點也

東坡倅杭不勝杯酌部使者知公才壘朝夕聚首疲於應接乃目杭倅爲酒食地獄其後袁轂倅杭適郡將不協諸司緣此亦相疎袁語所親曰酒食地獄今值獄空

劉貢父觴客蘇子瞻有事欲起劉以三果一藥調之曰幸早裡且從容坡答曰柰這事須當歸滿座大笑

漢武遊上林見一好樹問東方朔朔曰名善哉



言金聲

妙

帝陰使人識其樹，後數歲復問朔，朔曰：名爲瞿。所帝曰：朔欺久矣，名與前不同何也？朔曰：夫大爲馬，小爲駒，長爲鷄，小爲鶩，大爲牛，小爲犢，人生爲兒，長爲老，且昔爲善哉，今爲瞿，所長少死，生萬物，敗成豈有定哉？帝大笑。吳郡張融字忠光，長史暢之子，常謁太祖於太極西堂，彌時方登，上笑曰：卿至何遲？答曰：自地升天，理不得速。

王儉嘗集有才之士，累物而麗之，謂之麗事，自

此始也。諸客皆窮，惟盧江何憲爲勝，乃賞以五色花簾、白團扇，憲坐簾執扇，意氣自得。秣陵王攜後至，操筆便成事，旣煥美，詞復華麗，攜乃命左右抽簾掣扇，登車而去。儉笑曰：所謂有力者負之，而趨諸士大笑。

後魏高祖名子曰恂，愉悅懌，崔光名子勵，勗勉。高祖謂曰：我兒名傍皆有「心」，卿兒名傍皆有「力」。答曰：所謂君子勞心，小人勞力。

禮部尚書范陽盧愷，兼吏部，選達野客師爲蘭

事勝

拜聞
抄錄
人

州總管客師辭曰客師何罪遣與突厥隔牆
愴曰突厥何處得有牆客師曰肉為酥冰為
漿穹廬為帳氊為牆


王元景嘗大醉楊遵彥謂之曰何太低昂元景
曰黍熟頭低麥熟頭昂黍麥俱有所以低昂
矣

張元滑稽敏捷有門客因會話元問曰近日作
賦乎門客曰近作坤厚載物賦因自舉其破
題曰粵有大德其名曰坤元答曰奉續兩句

可移贈和尚乃曰非講經之座主是傳法之
沙門

曹琰為郎中嘗有僧以詩卷投獻琰閱其首篇
登潤州甘露閣云下觀楊子小琰曰何不道
早吠狗兒肥次又閱一篇送僧云猿啼旅思
悽琰曰何不道犬吠張三嫂

涪翁嘗和東坡春菜詩云公如端為苦笋歸明
日春衫誠可脫蘇得詩戲語曰吾固不愛做
官遂直欲以苦笋硬差致仕





東坡見一家有界尺筆槽而破者向其主人曰
韓直木如常孤竹君無恙但半面之交忽然
析事矣主人笑倒

劉燁嘗與劉筠連騎趨朝筠馬病足行遲燁曰
君馬何遲筠曰只爲五更三燁曰何不與他
七上八言點蹄則下馬行也

東坡嘗約劉器之同叅玉版器之每倦山行聞
玉版欣然從之至簾泉寺燒笋而食器之覺
笋味勝問此何名東坡曰玉版此老僧善說

法令人得禪悅之味器之乃悟

柳耆卿蘇長公各以填詞名而二家不同東坡
問一優人曰我詞何如柳學士優曰學士那
比得相公坡驚曰如何優曰公詞須用丈二
將軍銅琵琶鐵絛板唱相公的大江東去柳
學士却着十七八女郎唱楊柳外曉風殘月
坡爲之撫掌

漢武帝嘗問東方朔曰先生視朕何如主朔對
曰自唐虞之後成康之際未足以喻臣伏觀

器之

人善


何吟


善

陛下功德陳五帝之上在三王之右非徒若
此而已誠得天下賢士公卿在位咸得其人
矣譬若以周邵爲丞相孔丘爲御史大夫太
公爲將軍畢公高拾遺於後嚴子陵爲衛尉
臯陶爲大理后稷爲司農伊尹爲少府子貢
使外國顏閔爲博士子夏爲太常益爲右扶
風季路爲執金吾契爲鴻臚逢龍爲宗正伯
夷爲京兆管仲爲馮翊魯班爲將作仲山甫
爲光祿申伯爲太僕延陵季子爲水衡百里

奚爲典屬國柳下惠爲大長秋史魚爲司直
孔父爲詹事遽伯玉爲太傅孫叔敖爲諸侯
相王慶忌爲期門子產爲郡守夏育爲鼎官
羿爲旄頭宋萬爲式道侯上乃大笑

漢武帝詔賜從官肉大官丞日宴不來朔拔劔
謂其同官曰伏日當蚤歸請受賜卽懷肉去
大官奏之朔入上曰昨賜肉不待詔以劔割
肉而去何也朔免冠謝上曰先生起自責朔
再拜曰朔來朔來受賜不待詔何無禮也拔





劔割肉一何壯也割之不多又何廉也歸遺
細君又何仁也上曰使先生自責迺反自譽
王戎妻語戎爲卿戎謂曰婦那得卿婿於禮不
順答曰我親卿愛卿是以卿卿我不卿卿誰
當卿卿戎笑遂聽


鄭玄家奴婢皆讀書常使一婢不稱旨將撻之
方自陳說玄怒使人曳著泥中須臾復有一
婢來問曰胡爲乎泥中答曰薄言往愆逢彼
之怒

工
吏
一
用
勤
意

王太尉不與庾子嵩交庾卿之不置王曰君不
得爲爾庾曰卿自君我我自卿卿我自我
法卿自用卿法

晉元帝皇子生普賜羣臣殷洪橋曰皇子誕育
普天同慶臣無勳焉而猥頒厚賚中宗笑曰
此事豈可使卿有勳耶

康僧淵目深而鼻高王丞相每調之僧淵曰鼻
者面之山目者面之淵山不高則不靈淵不
深則不清王不能復答



品書

石曼卿常乘馬出，御者失鞍，馬驚，曼卿墮地，從吏遽扶掖，升鞍。曼卿曰：「賴我是石學士，若瓦學士，則跌碎矣。」

邵康節赴河南尹，李君錫會投壺，君錫末箭中耳，君錫曰：「偶爾中耳。」康節曰：「幾乎敗壺。」

裴子雨爲下邳令，張晴爲縣丞，二人俱有聲氣，而善言語，會論事移時，吏相謂曰：「縣官甚不和。」長官稱雨贊府道晴，終日如此不和也。

有人獻木履於齊宣王，略無刻斲之迹，王曰：「此履豈非出於生乎？」艾子曰：「鞋，植是其核也。」

張端爲河南司錄，府當祭社，買猪已呈尹，其夜突入錄廳，端卽令殺之，更以白尹，尹問端，對曰：「按諸無故夜入人家，登時殺之，勿論尹大笑爲別市猪以祭。」

梅聖俞以詩知名三十年，終不得一館職，晚年與脩唐書，語其妻刁氏曰：「吾之脩書可謂獬，孫入布袋，刁曰：『汝之仕宦何異鮎魚上竹竿？』艾子好飲酒，少醒日，門人謀曰：『此未可口舌筭。』」

世語


宜以險事休之。一日大飲而噦。門人密袖鼠
脯置噦中。持以示曰。凡人具五臟。今公因飲
而出一臟矣。何以生耶。艾子熟視而笑曰。唐
三藏尚活世。今况四臟乎。

杜邠飲食洪博。既飽卽寢。人諫非攝生之理。公
曰。君不見布袋盛米耶。放倒卽漫。

石中立嘗與同列觀南園獅子。主者曰。縣官日
破肉五斤飼之。同列戲曰。吾儕反不及此獅
子乎。中立曰。吾輩員外郎。安敢比園內獅子。

伶官敬新磨。以諛得罪莊宗。莊宗大怒。彎弓射
之。新磨急呼曰。陛下無殺臣。臣與陛下爲一
體。殺之不祥。莊宗驚問其故。對曰。陛下開國
改元同光。且同銅也。若殺敬新磨。則無光矣。
帝釋之。

丁謂嘗以文謁王禹偁。禹偁稱其文與孫何可
比。韓柳名遂大振。旣而何冠多士。謂登第四。
自以爲與何齊名。恥居其下。臚傳之際。殿下
有言。太宗曰。甲乙丙丁合居第四。復何言。



馮祭酒具區攜妓泛西湖泊於定香橋畔有羣
 青衿士擁觀公不堪令移舟青衿輩大怒隨
 舟厲聲曰爾已過會元已過祭酒獨不畏吾
 將來耶公命使者報聲曰致上秀才縱若隨
 後趕來老夫已過學士港矣
 阮德如嘗於廁見鬼長丈餘色黑而眼大著皂
 单衣平上噴去之咫尺德如笑語之曰人言
 鬼可憎果然鬼赧而退


西王母獻桃於武帝云此桃三千年生花三千

年熟拈方朔云櫻桃三熟此兒已三偷得此
 桃帝曰嘗聞鼻下長一寸是百年人方朔笑
 曰彭祖壽年七百歲鼻下合長七寸

五代馮瀛王道門客講道德經首章道可道非
 常道門客見道字是馮名乃曰不敢說可不
 敢說非常不敢說

陸長源以舊德為宣武軍行司馬韓愈為巡官
 或譏年輩相懸長源曰大虫老鼠俱為十二
 相屬何怪之有





武林鄒虞知延平，延平素產繡補，親友皆先從
虞索之，後抵任，補絕少，惟四時多筭，過者以
筭餽之，語曰：吾任損有餘，補不足也。

西施教歌舞之地，名西施山。袁宏道與陶聖齡
同遊，陶詩云：宿幾夜驕歌艷舞之山。袁笑曰：
此詩當註明不然。後日累君諡文恪也。

葉月潭鬚髯初白，或告之曰：尊鬚有一二莖，報
信，月潭遂於袖中取鐮，摘之曰：報信者一錢。
江進之舉進士，其父貧甚，為報捷者索重賞，至

困，大覺憤懣，羅汝鵬過而慰之曰：公且祗生
兒，不肖柰何，聞者大笑。

袁中郎偶中熱，減衣，丘長孺謂之曰：天且寒，何
不加衣？中郎曰：加則恐流鼻紅，長孺笑曰：減
則恐流鼻白。

太倉王內閣荆石，性僻潔，不輕接引，司寇鳳洲
性坦易，多所容納，其鄉人曹子念曰：內閣是
常清常淨，天尊司寇是大慈大悲菩薩。

潘方凱性風流不恒，先與平康妓鍾舉孃，後舍

起偶而
談話而

雙

承
本奉

之復與董素卿合李本寧太史謂之曰均一重也何舍金而取草對曰均一重也爲一正而一偏李笑曰略覺輸下耳

梁具均有詩曰秋風灑白水鴈足印黃沙沈約語之曰黃沙語太險均曰亦見公詩云山櫻發欲然約曰我始欲然公已印訖

江西有驛官以幹事自任白刺史驛已理請一閱之乃徃初一室爲酒庫諸醢畢熟其外畫神問曰何也曰杜康又一室茶庫諸茗畢貯

復有神問何也曰陸鴻漸又一室菹庫諸茹畢備復有神問何神也曰蔡伯皆

駙馬梅殷守淮南文皇正位罷兵入見上曰都尉功勞可念也對曰臣領其半上曰功勞惟有大小安有全半對曰勞而無功非半乎

龍大渠官至太守其子德化初選通判大渠戒曰爾平日多戲語居官不得復爾德化起應曰堂尊承教





道學者曰天不生仲尼萬古如長夜劉諧曰怪得羲皇以上聖人盡日然燭而行

東坡有歌舞妓數人每留賓客飲酒必云有數箇搽粉虞候欲出來祗應也

米芾嘗作詩云飯白雲有子茶甘露有兄人問露兄故實乃曰只是甘露哥哥耳

宋元祐間有陳上舍治春秋與宋門一媚狎一日會飲於曹門因用春秋之文戲之曰春正月會具姬於宋夏四月復會於曹

張融常乞假還帝問所居答曰臣陸非屋舟居非水上未解問張緒緒曰融近東山未有居止權牽小船上坼住在其間上大笑

陳使聘齊見朝廷有赤鬣者顧謂散騎常侍李駒駱曰赤也何如駒駱曰束帶立於朝可使與賓客言者

齊高祖作隱語以卒律葛答爲煎餅復謂諸臣曰汝等爲我作一謎我爲汝射之石動筥復云卒律葛答高祖射不得問曰此是何物答

可餅
市并
只笑

有味
唇冷

曰是煎餅也高祖曰我始作之何因更作動
筩曰乘大家熟餽子頭更作一箇高祖大笑
唐玄宗嘗登北苑樓望渭水見一醉人臨水臥
問黃幡綽曰此是何人黃曰是年滿令史上
曰汝何以知對曰更一轉入流


玄宗嘗與諸王會食寧王失口噴飯直及龍顏
上曰寧哥何以錯喉黃幡綽曰非錯喉是噴
嚏

齊高祖嘗令人讀文選有郭璞遊僊詩嗟嘆稱

每作
高祖
笑

善諸學士皆云此詩極工誠如聖旨石動筩
起云此詩有何能若令臣作即勝伊一倍高
祖不悅良久語云汝是何人自言作詩能勝
郭璞一倍豈不合死動筩即云若不勝臣甘
合死乃揚聲曰郭璞遊僊詩青谿千餘仞中
有一道士臣作云青谿二千仞中有兩道士
高祖大笑乃止

石動筩嘗於國學中看博士論云孔子弟子達
者七十二人因問曰達者七十二人幾人已



着冠幾人未着冠博士曰經傳無文何因得考動筭曰已着冠有三十人未着冠有四十人博士曰據何文曰論語云冠者五六人五六三十人也童子六七八九四十二人也豈非七十二人乎坐中皆大笑

隋侯白州舉秀才至京與越國公楊素並馬言語路傍有槐樹顛顛死素乃曰侯秀才理道過人能令此樹活不曰能素云何計曰取槐樹子於樹枝上懸着卽活素云何也曰子在

回何敢死素笑幾墮馬

開皇中有人姓出名六斤欲叅楊素齋名紙至省門遇侯白請爲題其姓乃書曰六斤半名旣入素召其人問曰卿姓六斤半答曰是出六斤曰何爲六斤半曰向請侯秀才題之當是錯矣卽召白至謂曰卿何爲錯題人姓名對曰不錯素曰若不錯何因姓出名六斤乃題六斤半對曰向在省門會倉卒無稱可稱斟酌之只應是六斤半




侯白赴一人宴後至衆曰罰爾作謎必不得幽
隱難識及詭譎希奇亦不假合而成人所不
見者白卽云有物大如狗面貌極似牛此是
何物或云是獐或云是鹿皆云不是卽令自
解云此是犢子滿坐譁然

隋河間郡劉焯之從姪炫並有儒學俱犯法被
禁縣吏不知其大儒也或與之枷着焯曰終
日枷中坐而不見家炫曰亦終日負枷坐而
不見婦

杜正倫譏任環怕妻環曰婦當怕者有二初娶
時如菩薩豈人不怕菩薩旣生育如鬼子母
豈人不怕鬼子母年老面皺如鳩槃荼豈有
人不怕鳩槃荼耶

王玄同任荆時出主社事偶有犬來遺穢玄同
自舉搏擊之人怪其率問曰何爲自舉擊之
玄同曰苟利社稷專之亦可

唐吏部侍郎楊思玄恃外戚之貴待選流多不
以禮而排斥之爲選人夏侯彪所訟御史中




冷

諸人

禮侍郎葉盛轉吏侍郎禮尚書姚夔設宴鄭重
因曰敝鄉親友干謁者衆煩公垂念葉唯唯
亡何姚進大宰葉攜酒往賀執杯獻於姚曰
秦大虛爲御史賈所彈張文潛戲之曰千餘年
前賈生過秦今復爾也
或謂之曰誰謂庾郎貧食鮭常有二十七種
丁晉公自岷州還坐客論天下州郡何地最雄
盛公曰惟岷州地望最重客問其故答曰宰
相只作彼州司戶叅軍他州何可及
前賈生過秦今復爾也

李程爲夏口日有客辭焉李曰且更兩三日客
曰業已行矣舟船已在漢口李曰但相信住
那漢口不足信客掩口而笑
薛昭緯未登第前就肆買履肆主曰秀才脚第
幾對曰昭緯作脚來未曾與立行第
庾杲之清素自美食惟有韭菹菹韭生韭雜菜



今日送鄉里還先生矣

周文襄在吳中好徜徉梵刹旌旗所至鐘磬交接每至佛殿必拜人或謂之文襄笑曰即以年齒論彼長我二三千歲豈不直得一拜


李東陽在京邸會試貢士酒數行俱起辭謝公曰且止有場中題願商之東面而征西夷怨南面而征北狄怨衆未解公笑曰只是待湯耳

守備太監某挾貴誇詡喜延接士大夫獨王司

徒鴻儒不往或以爲言王曰往來雖無我談笑却有我聞者大笑

熊際華望演易臺迷煙雨不見笑曰遵養時晦宜其濛濛也

熊敦朴與館選改兵部左遷通判往辭張江陵相公公曰公是我衙門內官痛癢相關此行宜着意熊曰老師恐未見痛相公問故答曰王叔和醫訣云通則不痛痛則不通相公大笑



冷

王仲祖聞蠻語不解，茫然曰：若使介葛盧來朝，

故當不昧此語。介葛盧如牛語。

顧長康拜桓宣武墓，作詩云：山崩溟海竭，魚鳥

將何依。人問之曰：卿憑重桓，乃爾哭之，狀其

可見乎？顧曰：鼻如廣漠長風眼，如懸河決溜。

安鴻漸有清才，而復懼內。婦翁死，哭於路，其妻

呼入總幕中，詬之曰：路哭何因？無淚，復戒曰：

來日早臨，須見淚。漸明日，以巾納濕紙置於

額，大扣其額而慟。慟罷，其妻又呼入窺之，驚

曰：淚何從？額流對曰：水出高原。聞者大笑。

潘景升家雖貧，而客來者甚衆，必百計以款送

之。常謂羅遠遊曰：人窮皆有底，余窮獨無底。

羅曰：何也？曰：窮客日來，豈有底乎？羅曰：窮客

日來，正是窮底。

盧思道常在賓門，日中立。德林謂之曰：何不就


樹陰。思道曰：熱則熱矣，不能林下立。

汝南袁德師嘗於東都買得婁師德故園，地起

書樓。洛人語曰：昔日婁師德園，今日袁德師

談妙
英語

自得
自誇




想語
訂

樓

王元景使梁劉孝綽送之泣下元景無淚謝曰
卿勿怪我別後當闌干耳

國家圖書館 NATIONAL CENTRAL LIBRARY TAIWAN



國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.





舌華錄卷之四


新都曹臣盡之纂著

勾吳吳苑鹿長叅定

公安袁中道小修批評


諺語第八

吳苑曰、諛諧戲謔、一類耳、一類而兩之、非字之蛇足乎、字既蛇足、卽許李輩尚不能辨、况我耶、吾請以盡之所取諸語定二字耳、第戲不及虐爲諧、及虐爲諺、故諺字從虐、於此可



NATIONAL CENTRAL LIBRARY, TAIWAN, R.O.C.

3426838 v3



以小分乃次謔語第八

王平甫軀幹魁碩而眉宇秀朗嘗盛夏入館中方下馬流汗浹衣劉放見而笑之曰君真所謂汗淋學士也

段少連陳州人晚年因官還里中與鄉老會飲段通音律酒酣自吹笛坐中有知音者亦皆以樂器和之有一老儒獨嘆曰某命中無金星之助是以不能樂藝段笑曰豈惟金星水星亦不甚得力也

入
實
影

此
轉
日

賈嘉隱年七歲以神童召見時太尉長孫無忌司空李勣於朝堂立語李戲之曰吾所倚者何樹嘉隱對曰松樹李曰此槐也何忽言松嘉隱曰以公配木則為松樹無忌連聲問曰吾所倚者何樹曰槐樹無忌曰汝不能復矯對耶嘉隱曰何須矯對但取其以鬼配木耳勣曰此小兒作獠面何得如此聰明嘉隱又應曰胡面尚為宰相獠面何廢聰明勣狀貌胡也




東坡登禁林，以高才狎侮諸公卿，率有標目，殆
遍，獨於司馬溫公，不敢有所輕重，一日與共
論免役差役利害，偶不合，及歸舍，方卸巾弛
帶，乃連呼曰：司馬牛。司馬牛。
蘇子瞻與姜制之飲，姜舉令云：坐中各要一物，
是藥名，乃指子瞻曰：君藥名也。子瞻曰：子瞻
答曰：君亦藥名也。君若非半夏，定是厚朴。衆
請其故曰：非半夏非厚朴，何故曰姜制之。衆
皆絕倒。

秦少章云：郭攻甫嘗過杭州，出詩一軸示東坡，
先自吟誦，聲振林木，既罷，謂東坡曰：祥正此
詩幾分。坡曰：十分。祥正喜之。坡曰：七分。來是
讀。三分來是詩。郭不懌。

無錫孫南公軀幹微小，郝公琰戲抱之。孫曰：當
日張江陵抱主登位，正是如此。郝曰：汝非
孫子耶。

米元章居京師，被服怪異，戴高簷帽，不欲置從
者之手，恐爲所浣，卽坐轎爲頂蓋所礙，遂撤



蘇在

去露帽而坐，一日出保康門，遇晁以道，以道大笑，下轎握手，問晁：「四你道似甚底？」晁云：「我道你似鬼。」章二人撫掌絕倒。時西邊獲賊寨首領鬼章檻車入京，故以道為戲。

隋京兆杜公瞻，衛尉臺卿猶子也。嘗邀陽玠過宅，酒酣因而嘲戲。公瞻謂兄既姓陽，陽貨實辱孔子，玠曰：「弟既姓杜，杜伯實射宣王。」

殿內將軍隴西牛子充，嘗謂陽玠曰：「君羊有疥，恐不任。」廚玠曰：「君牛既充，正可烹宰。」又見玠

食芥菹，曰：「君身名玠，何得復啖芥菹？」對曰：「君既姓牛，何得不斷牛肉？」


太倉令張策，在雲龍門與陽玠議理屈，謂玠曰：「卿本無德量，忽共叔寶同名，玠抗聲曰：「爾既非英雄，敢與伯符連諱。」

太子誦馬蘭陵蕭翊，爽俊有才辯，嘗謂陽玠曰：「流共工於幽州，易北恐非樂土。」玠曰：「放驩兜於崇山，江南豈是勝地？」

宋王彧之子絢，年五六歲，警悟，外祖何尚之賞

蘇在

張陽
蘇在



鶴俛啄也

孫權嘗饗蜀士費禕，逆敕羣臣伏食，勿起。禕至，權為輟食，而羣下不起。禕云：鳳凰來翔麒麟，吐哺驟驢，無知伏食如故。

鄧艾口喫，語稱艾艾。晉文王戲之曰：艾艾為是幾艾？對曰：鳳兮鳳兮，故是一鳳。

晉蔡洪赴洛，洛中問曰：幕府初開，羣公辟命，求英才於仄陋，采賢俊於巖穴。吳楚之士，亡國之餘，有何異才，而應斯舉？答曰：夜光之珠不

異焉，嘗敎讀論語，至郁郁乎文哉，因戲之曰：可改耶？耶乎？文哉。絢應曰：便可道。草翁之風，則舅乎？

漢武帝時，郭舍人與東方朔校射，覆不勝，上令

倡監榜舍人，舍人不勝，痛呼暴，朔笑曰：咄口


無毛，聲聲，尻益高。舍人恚曰：朔擅詆欺天


子從官，當棄市。上問朔何故詆之？對曰：臣非

敢詆之，迺與為隱耳。上曰：隱云何？朔曰：夫口

無毛者，狗竇也。聲聲者，鳥哺鷩也。尻益高者，

雙





必出於孟津盈握之璧不必采於崐崘大禹
生於東夷文王生於西羌聖賢所出何必常
處昔武王伐紂遷頑民於洛邑諸君得無是
其苗裔乎

陸機在王武子坐偶潘安至陸便起安仁曰清
風至亂物起陸應曰衆鳥集


王導妻妬導有衆妾在別館妻知之持食刀將
徃公遽命駕患牛遲手捉麈尾以柄助打牛
蔡謨聞之後詣王謂曰朝廷欲加公九錫王

自叙謙蔡曰不聞餘物惟聞短轅犢車長柄
麈尾耳

諸葛恢與丞相王導共爭妯族先後王曰何以
不言葛王答曰譬如言驢馬驢安能勝馬也
晉張天錫從事中郎韓博奉表並送盟文博有
口木桓溫甚稱之嘗大會溫使司馬刁謂博
曰卿是韓盧後博曰卿是韓盧後溫笑曰刁
以君姓韓故相問耳他人自姓刁那得是韓
盧後博曰明公未之思耳短尾者則爲刁闔

可入
雜語

解
芳



坐烘然

秦符堅克襄陽，獲習鑿齒，釋道安，時鑿齒足疾，
堅見之，與語大悅，嘆曰：昔晉平吳，利在二陸，
今破南土，獲士一人，有半。

王戎弱冠詣阮籍，時劉公榮在坐，阮謂王曰：偶
有二斗美酒，當與公共飲，彼公榮者無預焉。
二人交觴酬酢，公榮遂不得一杯，而言語談
戲，三人無異，或有問之者，阮答曰：勝公榮者
不得，不與飲酒，不如公榮者，不可不飲酒。

唯公榮可不與飲酒

齊僕射東海徐孝嗣，修輯高座寺，多在彼宴息，
法雲師亦蕭寺，日夕各遊二寺，而不相往來，
孝嗣嘗謂法雲曰：法師常在高座，而不遊高
座，寺答曰：檀越既事蕭門，何不至蕭寺？

梁安城王蕭欣，以文詞擅名，所敵擬者，唯河東
柳信言，然柳內雖不服，而莫與抗，及聞欣卒，
時為吏部尚書，賓客候之，見其屈一足跳，連
稱曰：獨步來，獨步來，眾烘然大笑。

貌相其
何不姓
家

即
公榮
之
喜

柳又
畏此
必無
時息
日

梁陸晏子聘魏，魏遣李諧郊勞，過朝歌城，晏子曰：「殷之餘人，正應在此。」諧曰：「求嘉南渡，盡在江外。」

梁汝南周捨，謂沙門法雲曰：「孔子不飲盜泉之水，師何以捉鋤石香鑪？」答曰：「檀越既能戴纛貧道，何為不執鋤？」


齊王元景為尚書，性雖儒緩，而每事機敏，有一奴名典，琴嘗旦起，令索食，謂之解齋。典琴曰：「公不作齋，何故嘗？」云：「解齋。」元景笑曰：「汝作字。」

典琴何處有琴可典

北齊李庶無鬚，時人呼為天閹。崔謏謂之曰：「教弟種鬚法，以錐錐遍刺作孔，挿以馬尾。」庶曰：「持此還施貴族。」藝眉有驗。然後樹鬚。崔氏世有惡疾，故云。

北海王晞，字叔朗，為大丞相府司馬，嘗共相府祭酒盧思道，襖飲晞賦詩曰：「日暮應歸去，魚鳥見留連。」時有中使召晞，馳馬而去。明且思道問晞：「昨被召，以朱顏得無以魚鳥致貴晞？」

天開
二
字
雅
問
太



非徒
非徒
非徒

曰。昨晚陶然頗以酒漿被責。卿等亦是留連之一物。何獨魚鳥而已。

范陽盧叔虎有子十人。大者字畜生。最有才思。盧思道謂人曰。從叔有子十人。皆不及畜生。高平徐之才。父雄。祖成伯。並善術。世傳其業。納言祖孝徵戲之。呼為師公。之才曰。既為汝師。又為汝公。在三之義。頓居其兩。

徐之才常以劇談調僕射魏收。收熟視之曰。面似小冢。方相之才答曰。若爾便是卿之墓具。


唐韋慶本兩耳前卷。朝士多呼之為卷耳。有女選入為妃。長安公松壽見而賀之曰。僕固知足。下女得為妃。慶本曰。何以知之。松壽乃自摸其耳而卷之曰。卷耳。后妃之德。


秋官侍郎狄仁傑。戲同官郎盧獻曰。足下配馬。乃作驢。獻曰。中。劈。明公乃成。二犬傑曰。狄字犬傍。火也。獻曰。犬邊有火。乃是煮狗。

張昌齡謂蘇味道曰。某詩所以不及公者。為無銀花合也。蘇曰。子詩雖無銀花合。還有金銅。

廚祖

非徒
非徒
非徒





釘昌齡有今同丁令威之句

寶曉形容短小眼大露睛樂彥偉身長露齒彥偉弄寶云足下甚有功德旁人怪問彥偉曰既復短肉又復精進豈不大有功德寶應曰公自大有功德因何道曉人問其故寶曰樂公小來長齋又問長齋之意寶云身長如許口齒齊唯豈不是長齋衆大笑

裴晉公度在相位日有人寄槐癭一枚欲削爲枕時郎中庾威世稱博物召請別之庾捧翫

良久白曰此槐癭是鷓樹生者恐不堪用裴曰郎中甲子多少庾曰某與令公同是甲辰生公笑曰郎中便是鷓甲辰

白居易與張祐初相見謂曰久欽藉甚記得款頭詩祐愕然曰舍人何所謂白曰鴛鴦釵帶拋何處孔雀羅衫屬阿誰非欵頭詩何耶張笑而答曰祐亦記得舍人目連變白曰何也曰上窮碧落下黃泉兩處茫茫皆不見非目連變何耶

妙

多果

前注
後述

晉張謀好於齋前種松柏袁山松出遊好令左
右挽歌時人謂張屋下陳屍袁道上送殯
陸士龍荀鳴鶴二人未相識俱會張茂先所茂
先令接語以竝有大才可勿常談陸抗聲曰
雲間陸士龍荀曰日下荀鳴鶴陸曰既開青
天觀白雉何不張爾弓布爾矢荀曰本謂雲
龍駁駁乃是山鹿野麋獸微弩強是以發遲
張撫掌大笑

晉劉道真遭亂於河側與人牽船見一老嫗操


櫂道真嘲之曰女子何不調機弄杼因甚傍
河操櫂女曰丈夫何不跨馬揮鞭因甚傍河
牽船


劉文樹毘生領下貌類猴恐黃幡綽見嘲乃密
賂之幡綽言曰文樹不似獠猴獠猴強似文

樹

東坡知湖州嘗與賓客遊道場山屏從者而入
有僧馮門熟睡坡戲曰髡闍上困有客即答
曰何不用釘頂上釘

側語
發其





唐進士曹唐遊僊詩才情縹緲岳陽守李遠每吟其詩而思其人一日曹往謁之李倒屣而迎曹儀質充偉李戲之曰昔者未見標儀將謂可乘鸞鶴此時拜見安知壯水牛不勝其載矣

唐營丘有豪民姓陳者染大風疾衆稱之爲陳癩子聞人稱之皆不欲人有諛其所苦減退則酒食延待優豐有游客心利所需謂曰足下之疾近日尤減陳欣然命酒贈貲客將去

客大
體毒
風疾

又謂曰此疾還是添減症曰何也客曰添者添上肉泡減者減却鼻孔陳不悅

僊

許玄度將弟出都婚諸人無不欽遲既至見其弟乃甚痴都欲嘲棄之玄度爲作賓主相對劉真長笑曰玄度爲弟婚施十重鐵步障

司馬防當舉曹公爲比部尉後曹公進爵爲王召防到鄴與歡飲語之曰孤今日可復作尉不防曰昔舉大王時適可作尉耳

劉諒爲湘東王所善湘東一目眇一日與諒共

登

冷
王亦
慧

與前
同意

遊江濱，嘆秋壘之美，諒曰：今日可謂帝子降於北渚。湘東曰：卿言目渺渺而愁予，耶由此嫌之。

侯白好俳謔，一日楊素與牛弘退朝，白語之曰：日之夕矣，素曰：以我爲牛羊下來耶。


柳機柳昂在周朝，俱歷要任，隋文帝受禪，並爲外職，時楊素方用事，因文帝賜宴，素戲語機云：二柳俱摧，機答曰：不若孤楊獨聳。


宗如周面狹長，蕭登戲之曰：卿何爲謗經，如周曰：身自來不謗經，蔡大寶曰：卿當不謗餘經，正應不信法華耳，蓋法華經云：聞經隨喜，面不狹長，如周乃悟。

李至剛以罪褫衣冠，平巾入史館供職，自稱修史人，李至剛於是館職中人，故澀言曰：羞死人，李至剛。

劉閣老嘗議丘文莊著述，戲曰：丘仲深有一屋散錢，只欠索子，丘應曰：劉希賢有一屋索子，只欠散錢。

慧





妙絕

後時
有人
知詩
善

此段
節

潘滄邂逅一客陸姓字伯陽潘哂曰齊景公有馬千駟民無得而稱焉六百羊何堪命名陸式齋遷臧方李西崕爲學士戲曰先生知幾故入臧方陸應曰先生附熱故入翰林何中丞棟偕許中丞嘗輕車褭衣過宋姬館或戲之曰微服而過宋何許子之不憚煩聶大年眇一目聘至燕有欲識之者童大章曰其人無甚奇但多一耳少一目而已

有遷楚藩者李于鱗以詩送之曰江漢日高天

子氣樓臺秋入大王風其人見之大駭曰非送我也此前人賀陳友諒登極詩李郎不宜偷以贈我


孔文舉年十歲隨父到洛時李元禮有盛名爲司隸校尉詣門者皆俊才清士及中表親戚乃通文舉至門謂吏曰我是李府君親既通前坐元禮問曰君與僕有何親對曰昔先君仲尼與君先人伯陽有師資之尊是僕與君奕世爲通好也元禮及賓客莫不奇之太中

諸葛瑾為豫州、遣別駕到臺、語云、小兒知談、卿可與語、連往、請恪、恪不與相見、後於張輔兵坐中相見、別駕喚恪、咄咄郎君、恪因朝之曰、豫州亂矣、何咄咄之有、答曰、君明臣賢、未聞其亂、恪曰、唐堯在上、四凶在下、答曰、非惟四凶、亦有丹朱、於是一坐大笑

王渾與父鍾氏共坐、見武子從庭過、渾欣然謂婦曰、生兒如此、足慰人意、婦笑曰、若使新婦得配參軍、生兒故可不啻如此

張異興年八歲、虧齒、先達知其不常、故戲之曰、君口中何為、開狗竇、張應曰、正使君輩從此中出入

庾園客詣孫監值行、見齊莊在外、尚幼而有神意、庾試之曰、孫安國何在、即答曰、庾穉恭家、庾笑曰、諸孫大盛、有如此兒、又答曰、未若諸



庾之翼翼還語人曰我故勝得重喚奴父名
習鑿齒孫興公未相識同在桓公坐桓語孫可
與習參軍共語孫云蠢爾荆蠻敢與大邦為
伍習云薄伐獫狁至於太原


桓豹奴是王丹陽混外甥形似其舅桓甚諱之
宣武云不恒相似時似耳恒似是形時似是
神恒愈不悅

楊誠齋善謔嘗謂好色者曰閻羅王未曾相喚
自求押到何也

王文度范榮期俱為簡文所要范年大而位小
王年小而位大將前更相推在前既移久王
遂在范後王因謂曰簾之揚之糠粃在前范
曰洮之汰之沙礫在後

祖廣行恒縮頭詰桓南郡始下車桓曰天甚晴
朗祖參軍如從屋漏中來

姜師度好溝洫所在必發眾穿鑿雖時有不利
而成功益多先是太史令傳忠孝善占星緯
人為之語曰傳忠孝兩眼看天姜師度一心




穿地

高駢鎮成都命酒佐薛濤爲一字令曰須得一
字象形又須逐韻公曰口有似沒量斗濤曰
川有似三條椽公曰柰何一條曲濤曰相公
爲西川節度尚使沒量斗酒佐三條椽內惟
一條曲何足怪

桓溫自比宣帝劉琨之儔征還北方得一婢問
之乃劉琨妓女也一日問曰吾似劉司空不
口似甚曰何似曰面甚似恨薄眼甚似恨小
須甚似恨赤形甚似恨短聲甚似恨鴨溫於
是褫冠解帶昏然而睡不怡者累日

齊地多寒春深未葶甲方立春有村老犂背帶
一筐以饋艾子且曰初生未敢嘗謹先以荐
艾子喜曰煩汝致新我享之後次及何人曰
獻公罷卽以喂驢也

吳閻老寬致仕到家訪山人邢量邢方自炊羹
公曰卿亦知調羹耶邢曰如公之扣蓬門終
是勉強從事




王鳳洲門有客着棋者甚劣見公至起曰某棋不足觀公曰君棋甚佳但長不落

蘇州嚴相公訥面麻俚語於蘇州有鹽豆之誚河南高相公拱作文常用腹藁俚語於河南有盜驢之誚二公相遇高誚嚴曰公豆在面上嚴曰公草在腹中

吳門妓張好兒雖是徐娘老景然婉麗而美少年爭交歡之有太醫院目杜君拉遊虎丘觀張曰老便老終是小娘張答曰小便小終是老爹爹同遊者無不捧腹

詩僧克文有俊才初學詩常質於郝公琰郝曰師必大作齋啖我不然必以師詩顛倒點抹羅遠遊笑謂克文曰師母受郝瘦兒欺尊詩總無抹處

黃琬少敏慧以祖太尉瓊得拜童子郎時司徒盛允有疾瓊遣子琰候問會江夏上蠻賊事副府允發書視畢戲子琰曰江夏大邦而蠻多士少子琰奉手對曰蠻夷滑夏責在司徒



籍

蔡君謨戲陳亞曰，陳亞有心，終是惡。陳應曰，蔡襄無口，便成衰。

司馬宣王辟周泰爲新城太守，尚書鍾毓調泰曰，君釋褐登宰府，三十六日擁麾蓋守兵馬郡，乞兒乘小車，一何駛。泰曰，君名公之子，少

帝出
毛末

有文彩，固守吏職，獼猴乘土牛，一何遲也。盧思道嘗謂通直郎渤海封孝騫曰，卿旣姓封，是封豕之後，騫曰，卿旣姓盧，是盧令之後。

沈存中方就浴，劉貢遽哭之曰，存中可憐已矣。

衆愕問之，曰，益成括矣。


殿中丞丘浚嘗在杭州謁釋珊，見之殊傲，頃之有州將子弟來謁，珊降階接之甚恭，丘不能平，伺子弟退，乃問珊曰，和尚接浚甚傲，而接州將子弟乃爾恭耶，珊曰，接是不接，不接是接，浚勃然起杖，珊數下曰，打是不打，不打是打。

快甚

曹娥秀京師名妓也，賦性聰慧，色藝俱絕，一日

鮮于伯機開宴，坐客皆名士，鮮于因事入內，





千載
丁猶
能消
魂似

簡

不唯

命曹行酒適遍公自內出客曰伯機未飲曹亦曰伯機未飲客笑曰汝以伯機相呼可謂親愛之至鮮于佯怒曰小鬼頭敢如此無禮曹曰我呼伯機便不可只許爾叫王羲之也一坐大笑

伯機學王羲之書故云

程師孟知洪州作靜堂自愛之無日不到作詩曰每日更忙須一到夜深常是點燈來李元規笑曰此登溷詩也

王文穆夫人悍妬欲置左右竟不可得後宅圃

中作堂名三畏楊文公戲之曰可改作四畏

公問其說曰兼畏夫人

王定國寄書於東坡答書云新詩篇篇皆奇老拙此回真不及矣窮人之具輒欲交割與君魏道輔見而笑曰定國亦難作交代祇是權攝已耳

顧臨子敦爲翰苑每言趙廣漢尹京有治聲使我爲之不難當出其上子瞻笑曰君作尹須改姓顧曰何姓曰姓茅喚作茅廣漢

李居仁與鄭輝為友居仁年踰耳順須盡白輝少年輕侮乃呼之為李公居仁於是盡摘其須去之一日輝乃陽驚曰數日不見而丰彩頓異何也居仁整容喜曰如何曰昔日皤然一公今日公然一婆

桓溫少與殷浩友善殷嘗作詩示溫溫玩之曰汝慎勿犯我當出汝詩示人

曹公送禰衡於劉表眾咸祖之且相戒曰禰衡勃虐無禮今因其後至當以不起折之也及

有應
有識
有方
有入

衡至眾人莫肯與衡坐而大號眾問其故衡曰坐者為冢卧者為屍屍冢之間能不悲乎陳眉公好賞雪每謂客曰古今二鈍漢袁安閉門子猷返棹明是避寒作許題目

我太祖問陳君佐曰朕似前代何君對曰陛下酷似神農上問其故曰若非神農何以得嘗百草上悟大笑蓋軍中乏糧士卒多以草根木皮為食上亦同之

王僧虔子慈年十歲同蔡興宗子約入寺禮佛



一語
可及
名世
外

正見沙門等懺悔約戲之曰衆僧今日何乾
乾慈應曰卿如此不知禮何以興蔡氏之宗
謝超宗見王慈學書謂之曰卿書何如虔公答
曰慈書與大人如鷄之比鳳超宗鳳子也
北妓張蓮英慧甚何雪漁與之密因同寢撫張
私處戲之曰此是朝天蓮張曰非也是夜舒
荷

陳進士爲欽令墨聲甚著後改爲南大理評事
司徒方定之笑曰陳公昔爲富翁今爲評事

怪哉


惡

陳音入朝誤置冠纓於背及覩同列垂纓俯視
領下而駭曰吾何獨無纓也一人遽持其纓
而正之曰公豈無纓獨少背後眼耳

楚僧練江能詩善蹴躅袁小脩以書薦之潘景
升許潘正誦楞嚴誦畢始相見僧曰居士苦
誦經是爲有髮僧潘笑曰和尚好蹴圓亦是
無髮居士

李太史與某公善李夫人姓王某公夫人姓甘

以備
之
可



一日王夫人病日，某戲李曰：王昏而不能進，奈何？李答曰：甘為人下而不辭，何也？

薛道衡聘南至一寺禮拜，堂上一僧讀法華，戲曰：鳩槃荼鬼今在門外，道衡即以法華經答云：毗舍闍鬼乃在其中。

徐陵聘隋，謂盧思道曰：昔殷遷頑民本居茲邑，今存並是其人，思道答曰：昔永嘉南渡，盡居江左，今之存者惟君一人。


李大壯畏妻特甚，妻病，求鴉為藥，時積雪未消，難於網捕，妻怒，欲加捶楚，大壯涉泥出郊，用粒食引致之，僅獲一枚，友人戲曰：聖人以來，鳳為儀，李郎以獲鴉免禍。

馬都督老而無齒，郭定襄戲曰：吾昨聞隣姬哭甚哀，馬問何哭，郭云：其姬喪夫，撫孤子，哭曰：痛汝沒爺兒。


林瑀王洙同作直講，林問王曰：何相見之闊也？王曰：遭此淋雨。

釋貫休，一日與杜光庭舞鸞於通衢，而貫休馬

市井語



忽墜糞光庭速呼大師大師數珠落地貫休
曰非數珠乃大還丹耳
東坡在黃卽坡之下種稻爲田五十畝自牧一
牛一日牛病呼牛醫療之云不識証狀王夫
人多智多經涉謂坡曰此牛發豆斑療法當
以青蒿作粥啖之如言而效後舉似章子厚
云我自謫居後便作老農更無樂事豈知老
妻猶能接黑牡丹也子厚曰我更欲留君與
語恐人又謂從牛醫兒來姑且去坡大笑



國家圖書館, NATIONAL CENTRAL LIBRARY, TAIWAN, R.O.C.





舌華錄卷之五


清語第九

吳苑曰晉人尚清談清談之語除世務之外凡風流豪爽放達高傲之類皆清也是前人所取之義廣吾既以此區分類別則清之義義不得不隘矣淘之汰之其在山林之士乎

新都尊臣盡之纂著

勾吳吳克鹿長參定


公安表中道小修批評



國立中央圖書館, NATIONAL CENTRAL LIBRARY, TAIWAN, R.O.C.

3426839 v4





乃次清語第九

戴仲若顓春日攜雙柑斗酒人問何之顓荅曰
往聽黃鸝聲此俗耳鍼砭詩腸鼓吹

潘師正居嵩山逍遙谷唐高宗召問所須師正
對曰臣所須者茂松清泉山中不乏

田游囑頻召不出唐高宗幸嵩山親至其門游
囑野服出拜儀止謹朴帝問先生比佳不游
囑對曰臣所謂泉石膏肓煙霞痼疾

王右軍既去官與東土人士營山水弋釣之娛

又與道士許邁共修服食徧采名藥不遠千
里遊東中諸郡名山泛滄海嘆曰我卒當以
樂死

陶徵士嘗言五六月北窻下臥涼風暫至自謂
是羲皇上人

有客過陳眉公巖栖草堂問是何感慨而甘栖
遯陳拈古句荅曰得閑多事外知足少年中
問是何功課曰種花春掃雪看錄夜焚香問
是何利養曰硯田無惡歲酒谷有長春問是

齊人語

善

似韻

何往還曰有客來相訪通名是伏羲

宗少文好山水所至皆圖之以張於室謂人曰
撫琴動操欲令衆山皆響

孔稚圭風韻清疎門庭之內草萊不剪中有鳴
蛙稚圭曰以此當兩部鼓吹

謝惠不妄交接門無雜賓有時獨醉嘗曰入吾
室者但有清風對吾飲者惟許明月


吾鄉汪曼容工古篆刻老而愈精即文三橋何
雪漁不及也結室黃蘿山下曰一樹菴日誦

似韻
同白雲

頃其中偶有事輒至市裾袖間冉冉有白雲
時出事畢即返人或問曰何返之速也答曰
白雲伴我出市安可不送白雲入山

孫騰司馬子如嘗共詣李元忠逢其方坐樹下
擁被對壺庭室蕪曠使婢卷兩褥以質酒徐
謂二人曰不意今日披藜藿也

羅遠遊家呈坎山中多古書舊帖曹臣常過之
數日不歸一日臣欲急歸羅留之不允時天
欲雨隣山初合松竹之顛半露雲表指謂臣



君

王子猷嘗寄人空宅住便令種竹或問斲住何煩爾王嘯咏良久直指竹曰何可一日無此

之

晉明帝問謝鯤君自謂何如庾亮答曰端委廟堂使百官整則臣不如亮一丘一壑自謂過

應接不暇若秋冬之際猶難為懷

王子敬云從山陰道上行山川自相映發使人競秀萬壑爭流草木蒙籠其上若雲興霞蔚

顧長康從會稽還人問其山川之美顧云千巖

魚自來親人

遠翳然林木便自有濠濮間想也覺鳥獸禽

晉簡文入華林園顧謂左右曰會心處不必在

領美曰山不先示人以易此山靈着意處也

又小康人騎始得蹶息熊際華度之心目契

梅嶺懸峭登者如彈珠千仞神骨俱竦過此復

日

曰汝縱不戀故人忍捨此米家筆耶復留累

雜役

知已



劉野亭歸鄉有權貴來訪皆不見或風之答曰
才與狼虎隔途何忍遽與鷄犬相別
蘇郡隱士王賓遁跡西山中姚少師廣孝以舊
好訪之山中謂曰寂寂空山何堪久住答曰
多情花鳥不肯放人

熊際華過吉水鄒南臯里樂其幽寂常忘歸每
歸謂所親曰一入鄒里水石冷冷便使人有
廉勵之想及與人語水石又逐下風


李永和杜門却掃絕跡下帷棄產營書手自剛

削每嘆曰丈夫擁書萬卷何暇南面百城

淵明嘗聞田間水聲倚杖聽之嘆曰秫稻已秀
翠色染人時剖胸襟一洗荆棘此水過吾師
丈人矣

郝詵數月山行喜聞樵語牧唱曰洗盡五年塵
土腸胃欣然倚驂臨水久之乃去

關文衍為散騎常侍畫九華山圖於白綾半臂
號九華半臂自云今吾身常在雲泉之內
劉尹云清風朗月輒思玄度



南安翁者，漳州陳元忠，客居南海日，嘗赴省試。過南安，會日暮，投宿野人家，茅茨數椽，竹樹茂密可愛。主翁雖麻衣草履，而舉止談對，宛若士人。几案間有文籍散亂，陳扣之曰：翁訓子讀書乎？曰：種園為生耳。亦入城市乎？曰：十年不出矣。問藏書何用？曰：偶有之耳。陳仲醇居山中，有客問山中何景最奇？陳曰：雨後露前，花朝雪夜。又問何事最奇？曰：釣同鶴守，果遣猿收。

王司州至吳興，印渚中看嘆曰：非為使人情開滌，亦覺日月清朗。

天游子效負圖先生履跡遍名山，或問曰：山不同乎？曰：然。春山淡冶而如笑，夏山蒼翠而如滴，秋山明淨而如粧，冬山慘淡而如睡。海山微茫而隱見，江山巖厲而峭卓，溪山窈窕而幽深，塞山童顛而堆阜，桂林之山玲瓏剔透，巴蜀之山巉差窳窳，河北之山棉衍龐博，江南之山峻峭巧麗，山之形色不同如此。

巖壑




此未
必當
各從
其志

屠長卿曰紅潤凝脂花上纔過微雨翠勻淺黛
柳邊乍拂輕風問婦索釀甕有新荔呼童煮
茶門臨好客先生此時情興何如也具苑笑
曰長卿此語猶當注疏當止盧仝七碗效康
節半醺便是調和手段
顧長康畫謝幼輿在巖石裏人問其所以顧曰
謝云一丘一壑自謂過之此子當置丘壑中
屠緯真曰茶熟香清有客到門可喜鳥啼花落
無人亦自悠然

蕭恭謂梁元帝曰下官歷觀時人多不好權乃
仰眠牀上看屋梁而着書千秋萬歲誰傳此
者勞神苦思竟不成名豈如臨清風對明月
登山訪水肆意酣暢也

唐肅宗嘗賜高士玄真子張志和奴婢各一人
玄真配爲夫婦名爲漁童樵青人問其故答
曰漁童使奉釣收綸蘆中鼓枻樵青使蘇蘭
薪桂竹裏烹茶

陳眉公語客曰余每欲藏萬卷書襲以異錦薰



以異香茅屋蘆簾紙窻土壁而終身布衣嘯
咏其中客笑曰果爾此亦天壤間一異人
陳眉公曰焚香倚枕人事都盡夢境未來僕於
此時可名卧隱便覺鑿坏住山爲煩

倪文節公曰松聲澗聲山禽聲夜蟲聲鶴聲琴
聲棋子落聲雨滴階聲雪灑窻聲煎茶聲皆
聲之至清者也而讀書聲爲最聞他人讀書
已極喜聞子弟讀書喜又不可言矣

陳眉公曰萬綠陰中小亭避暑洞開八達几簾
皆綠忽聞雨過蟬聲風來花氣不覺令人自
醉

傅昭泊然靜處不妄交遊袁粲每經其戶吐嘆
曰經其戶寂若無人披其帷其人斯在豈得
非名賢乎

屠緒真曰翠微僧至衲衣全染松雲斗室殘經
石磬半沉蕉雨

陸羽問張志和孰與往來志和曰太虛爲室明
月爲燭與四海諸公共處未見少別何有往



來

屠緯真曰，籬邊杖履，逸僧花鬢，骨於中角石上，壺觴坐客，松子落我衣裾。

黃玄龍家黃蘿山麓，有梨數千株，每花開時，日架礪其間，至落盡，猶數往觀之，人問其故，答曰：白地生綠苔可愛也。


陳眉公曰：山鳥每夜五更喧起五次，謂之報更，蓋山間真率漏聲也。

陳仲醇曰：山居勝於城市，蓋有八德，不責苛禮，不見生客，不混酒肉，不競田產，不聞炎涼，不鬧曲直，不徵文遺，不談仕籍，凡此者是。僧牛店販馬驛也。

韻語第十

吳苑曰：風流之士有韻，如玉之有瑕，犀之有暈，美處卽其病處耳。然病美無定名，溺之者爲美，指之者爲病，吾輩正墮此情韻海中，不能有所振脫，安肯以未定之名而恬作已病乎？是必以韻爲美矣，乃次韻語第十。

有奇
甚妙



王戎喪兒萬子山簡徃省之。王悲不自勝。簡曰。孩抱中物。何至於此。王曰。聖人忘情。最下不及。情情之所鍾。正在吾輩。

袁中郎作吳令。常同方子公登虎丘。見紅裙皆避去。因語方曰。烏紗帽挾紅袖。登山前人自多風。致今時不能竝。便覺烏紗礙人。王光祿云。酒正使人自遠。

金陵女郎沙宛在。破瓜未久。於羣人中。邁吳鹿長。心悅之。拋以眉語。鹿長神解。兩人漸相遠。引同遊者欲亂之。有一客曰。無得驚醒情禪也。

王太尉曰。見裴令公精明朗然。籠蓋人世。非凡識也。若死而可作。當與之同歸。

王子猷子敬兄弟。共賞高士傅人及贊。子敬賞井丹高潔。子猷曰。未若長卿慢世。

庾太尉在武昌。秋夜氣佳。景清。使吏殷浩。王胡之。之徒。登南樓理詠。音調始道。聞函道中有屐聲甚厲。定是庾公。俄而率左右十許人步

子猷

未嘗




來諸賢欲起避之公徐云諸君少住老子於此興復不淺因便據胡牀與諸人詠諠

大通禪師操律高潔人非齋沐不敢登堂東坡挾妓謁之大通愠形於色坡乃作南柯子一首令妓齊歌之大通亦為解頤公曰今日叅破老禪矣其詞云師唱誰家曲宗風嗣阿誰借君拍板與門槌我也逢場作戲莫相疑溪女方偷眼山僧莫睫眉却愁彌勒下生遲不見老婆三五年時

叅寥子言老杜詩云楚江巫峽半雲雨清簾疎簾看奕棋此句可畫但恐畫不就耳東坡問公禪人亦復愛此語耶寥云譬如不事口腹人見江瑤柱豈免一朵頤

蘇子瞻去黃州及嶺外每旦起不招客與語必出訪客所與遊亦不盡擇各隨其人高下談諧放蕩不復為畦畛有不能談者則強之使說鬼或辭無有則曰汝妄言之吾妄聽之具達曰世無花月美人不願生此世界



以
人
柳

陳眉公曰名妓翻經老僧釀酒將軍翔文章之
府書生踐戎馬之場雖之本色亦自有致
益州獻蜀柳數株枝條甚長狀若絲纒武帝植
於太昌雲和殿前嘗嗟賞之曰楊柳風流可
愛似張緒當年

京陵馬姬行二善飲衆客頽廢姬神寂然李太
史本寧寓目羨曰吾每恨步兵猶是男子今
轉女郎


許謹選放曠不拘小節與親友結宴花園中未

嘗張幄設坐只使僮僕聚落花鋪坐下曰吾
自有花裯

袁尹疎放好酒嘗步履白楊郊野間道遇一士
人便呼與酣飲明日此人謂被知遇詣門求
通袁曰昨日飲酒無偶聊相邀耳

王無功待詔門下省故事官給酒日三升或謂
待詔何樂耶無功答曰良醞可戀耳

張卿子同鄧林宗閔子善鍾瑞先劉叔任諸子
夜半步佑聖觀缺月當眉際涼楚逼人諸子



全無
花他
信也

欲歸張曰落花殘月惟苦有情吾儕正屬其
人不得以硬腸恣性復步玩將曉而散
錢鶴灘請告歸門生某守揚州遣使迎公越甚
不赴後始一至諸大賈爭先迎謁將有請屬
公曰老夫扶來看廣陵濤竝問瓊花消息耳
無作跨鶴人猜也
陳眉公曰人有一字不識而多詩意一偈不參
而多禪意一勺不濡而多酒意一石不曉而
多畫意淡宕故也


玄墓山寺門有巨松甚鬱茂堪輿家言當門不
利勸去之天全翁至山中僧以是請公視松
愛之不忍捨徐謂僧曰木在門成閑字不愛
耶

支道林常養數匹馬或言道人畜馬不韻支曰
貧道愛其神駿

郝公琰曰吾常遇俗兒面孔內自作惡每舉張
卿子神色笑語一思不但免俗更覺世界清

宗

通正
在此



王子敬語王孝伯曰羊叔子自復佳耳然何與
人事故不如銅雀臺上妓

司馬大傳齋中夜坐于時天月明淨都無纖翳
大傳嘆以為佳謝景重在坐答曰意謂不如
微雲點綴太傳因戲曰卿居心不淨乃復強
欲滓穢太清耶

劉公榮與人飲酒雜穢非類人或譏之答曰勝
公榮者不可不與飲不如公榮者亦不可不
與飲是公榮輩者又不可不與飲故終日共
飲而醉

阮藉嫂常還家藉見與別或譏之藉曰禮豈為
我輩設耶

阮仲容步兵居道南諸阮居道北北阮皆富南
阮貧七月七日北阮盛曬衣皆紗羅錦綺仲
容以竿挂大布犢鼻褌於中庭人或怪之答
曰未能免俗聊復爾耳

午橋莊小兒坂茂草盈原裴晉公每使驅羣羊
散於坂上曰芳草多情賴此點綴




皇甫嵩曰凡醉各有所宜醉花宜晝曩其光也
醉雪宜夜清其思也醉得意宜啣宣其和也
醉將離宜擊鉢壯其神也醉文人宜謹節奏
畏其侮也醉俊人宜益觥盃加旗幟助其烈
也醉樓宜暑賁其清也醉水宜秋泛其爽也
此皆審其宜攷其景反此則失飲之人矣
張季鷹縱任不拘時人號爲江東步兵或謂之
曰卿乃可縱適一時獨不爲身後名耶答曰
使我有身後名不如卽時一杯酒

畢茂世云一手持蟹螯一手持酒杯拍浮酒池
中便足了一生

潘景升嘗謂小妓眼中生火當境者怒之亦痴
也隘胸者曰聽之耶潘曰我之悅者彼亦不
如是耶

人譏周僕射與親友戲言雜穢無節度周曰萬
里長江何能不千里一屈

唐蘇晉頰之子也學浮屠術嘗得胡僧慧澄綉
彌勒佛一軸寶之嘗曰是佛好飲米汁正與



吾性合吾願事之他佛不愛也

王悅見王恭六尺簞謂有餘求之恭卽送後悅見恭更無簞問之恭曰平生無長物

袁豐居宅後有六株梅嘆曰煙姿玉骨世外佳人恨無傾城笑耳

唐御苑新有千葉桃花明皇親折一枝插於妃子頭上曰此個花猶能助嬌也

飛燕進合德帝大悅以輔屬體無所不靡謂爲溫柔鄉曰吾老是鄉矣不能效武皇帝白雲


鄉也

唐明皇秋八月太液池有千葉白蓮數枝盛開帝與貴戚宴賞焉左右皆嘆羨久之帝指貴妃示左右曰爭如我解語花

孟萬年好飲愈多不亂桓宣武嘗問酒有何好而卿嗜之孟答曰公但未知酒中趣耳

皇甫亮三日不上省文宣親詰其故亮曰一日飲一日醉一日病酒

謝耳伯宋獻孺在潘景升坐有三妓佐酒謝奉



佛不飲酒近色，在坐不無少自檢持，宋語之曰：打過艷冶，卽是圓通。成佛成仙，正在吾輩。孔北海家居失勢，賓客日滿其門，愛才樂士，常若不足，每嘆曰：坐上客常滿，尊中酒不空，吾無憂矣。

瑯琊王肅，仕南朝，好茗飲，尊羹及還北地，又好羊肉酪漿，人或問之，茗何如酪，肅曰：茗不堪與酪爲奴。

郭順卿行二，稱之曰：郭二姐，與王元鼎密，阿魯

此里公知字
有猶下矣

溫叅政在中書，欲屬意於郭，一日戲曰：我何如王元鼎，郭曰：叅政宰臣也，元鼎文士也，經綸朝政，致君澤民，則元鼎不及叅政，嘲風弄月，惜玉憐香，則叅政不敢望元鼎，溫一笑而別。

郎基爲縣令，清慎無所營，嘗曰：任官之所，木枕亦不須作，况重於此乎，惟頗令人寫書，樊宗孟謂曰：在官寫書，亦是風流，罪過，基曰：觀過知仁，斯亦可矣。



受任樂

任育長嘗從棺邸下度流涕悲哀王丞相曰此

是有情痴

桓子野每聞清歌輒喚奈何謝公聞之曰子野

可謂一往有深情

王孝伯云名士不必須奇才但使常得無事痛

飲酒熟讀離騷便可稱名士

王長史登茅山大慟哭曰瑯琊王伯輿終當為

情死

明皇坐沉香亭詔妃子妃子時卯酒未醒命力

士使侍兒扶掖而至妃子醉顏殘粧鬢亂釵

橫不能再拜上皇笑曰是豈妃子醉真海棠

睡未足耳

蒲傳正知杭州有術士請謁蓋年踰九十而猶


有嬰兒之色傳正接之甚歡因訪以長年之

術答曰其術甚簡而易行他無所忌惟當絕

色耳傳正俛思良久曰若然則壽雖千歲何

益

李舟除昌州不樂淵材往問之曰昌州佳郡也



柰何棄之。李曰：供給豐乎？曰：非也。民訟簡乎？曰：非也。然則何以知其佳？澗材曰：天下海棠無香。惟昌州有香耳。

陳眉公曰：香令人幽，酒令人遠，石令人雋，琴令人寂，茶令人爽，竹令人冷，月令人孤，棋令人閒，杖令人輕，水令人空，雪令人曠，劍令人悲，蒲團令人枯，美人令人憐，僧令人淡，花令人韻，金石彝鼎令人古。

杜陵杜夫子善奕棋，爲天下第一人，或譏其費


日，夫子曰：精其理者足以大裨聖教。

北齊高洋克暴，貴嬪薛氏有小過，遽殺之，解之抱其股爲琵琶彈之，復嘆曰：佳人難再得。

米芾方擇婿，會建康段拂字去塵，芾擇之曰：旣拂矣，又去塵，真婿也，以女妻之。

屠長卿曰：據牀嗒爾聽豪士之談鋒，把盞醒然看酒人之醉態。

陳眉公曰：天之風月地之花柳人之歌舞，無此不成。三才戲語亦自有理。



魏

唐玄宗性俊邁，酷不好琴，曾聽彈正弄，未及畢，叱內官曰：速召花奴將羯鼓來，為我解穢。梁高祖重陳郡謝朓詩，常曰：不讀謝詩三日，覺口臭。

劉伶嘗乘鹿車，攜一壺酒，使人荷插隨之，曰：死便埋我。

漢清平恩侯許伯入第，丞相御史將軍中二千石皆賀，蓋寬饒後至，許伯自酌曰：蓋君後至，寬饒曰：無多酌我。我迺酒，狂丞相魏侯笑曰：


次公醒而狂何必酒也。

尚方禁少時嘗盜人妻，見砍創著其頰，左馮翊朱博用為守尉，問禁曰：是何等創，禁自知情得，扣頭服狀，博笑曰：大丈夫固時有是。

劉伶好酒，渴甚，求酒於妻，妻藏酒棄器，諫曰：非養生之道，宜斷之。伶曰：善。當祀鬼神，自誓便可具酒肉，妻從之。伶跪祝曰：天生劉伶，以酒為名，一飲一石，五斗解醒，婦人之言必不可聽。於是飲酒啣肉，塊然復醉。

處方能
如大

程



處傑
每多
善語

馬援破賊後封新息侯命邑三千戶援乃擊牛
醢酒勞饗軍士從容謂官屬曰吾從弟少遊
常哀吾忼慨多大志曰士生一世但取衣食
裁足乘下澤車御款段馬爲郡掾吏守墳墓
鄉里稱善人斯可矣至求盈餘但自苦耳當
吾在浪泊西里間虜未滅之時下潦上霧毒
氣重蒸仰視飛鳶跼跼墮水卧念少游平生
時語何可得也

郝之璽曰看花步男子當作女人尋花步女人
當作男子

江之生初爲僧頗稱苦行過黃玄龍於石嶺山
房別後蓄髮復遇於金陵玄龍不知也江曰
黃先生忘耶我乃某也稍及寒溫江遽曰我
苦極我苦極黃問何苦江曰跨間便毒已三
月未愈也

大司徒杜公佑在維揚也嘗召賓幕閑語曰我
致政後買一小駟八九千者飽食訖而跨之
着瓮布襪衫入市看鈴盤傀儡足矣後致仕



意佳
新考

人曰蘭亭在此餘不足問

裴晉公性弘達不好服食每語人曰鷄猪魚蒜
逢着則喫生老病死時至則行

李宗閔多賓客談笑喜飲酒暑月臨池以荷爲
杯滿酌酒密繫持近口以筋刺之而飲不盡
再舉既散有人言昨飲大歡也李曰今日之
歡明昨日之不歡自今好惡不得言

袁中郎曰有人隔簾聞墮釵聲而不動念者此
人不痴則慧我幸在不痴不慧中

戀爾耶


趙子固常得定武不損本襖帖乘舟夜泛而歸
行至雪之昇山風起舟覆行李襖被皆滄溺
無餘子固方披濕衣立淺水中手持襖帖語

果行其志諫官上疏言三公不合入布公曰
在吾計中矣

陳惟允家有王叔明泰山密雪圖張廷采聞知

往借觀之卧其下兩日不去使者促之廷采

臨去顧曰王先生爾豈知百歲後有張廷采



此詩
甚妙

具巽之坐疇莊亭看桃花忽風起花落輒嘆曰
萬點愁人咄咄不已郝公琰語臣曰巽之可
憐慘淡不啻花心


王元寶富而無學識嘗會賓客次日親友謂之
曰昨日必有佳論元寶曰但費錦纏頭耳

阮仲容先幸姑家鮮卑婢及居母喪姑當遠移
初云當留婢既發定將去仲容借客驢着重
服自追之累騎而返曰人種不可失

開元中賜邊衣製自宮中有軍校於袍中得一

詩云留意多添線含情更着緜今生已過了
重結後生緣持以白帥帥以聞明皇問之有
一宮人自言萬死卽命嫁得詩者曰與汝結
今生緣

王獻之夜卧齋中有盜入屋獻之語云青氈我
家舊物可特置之




舌華錄卷之六

俊語第十一

吳苑曰鳥俊則以為冠獸俊則以為騎人俊則逐睛語俊則聳耳人苟未能了一耳目未有不愛俊而厭惡者蓋惟俊人能道俊語豈墨香之口花乎乃次俊語第十一

新都曹 臣蓋之纂著
勾吳具 苑鹿長叅定
公安袁中道小修批評



國立中央圖書館 NATIONAL CENTRAL LIBRARY, TAIWAN, R.O.C.




舌華錄卷之六


俊語第十一

吳苑曰鳥俊則以為冠獸俊則以為騎人俊則逐睛語俊則聳耳人苟未能了一耳目未有不愛俊而厭惡者蓋惟俊人能道俊語豈墨香之口花乎乃次俊語第十一

新都曹 臣蓋之纂著
勾吳具 苑鹿長叅定
公安袁中道小修批評



國立中央圖書館 NATIONAL CENTRAL LIBRARY, TAIWAN, R.O.C.




在詩
師
當
客
之
何
方

褚季野語孫安國云北人學問淵綜廣博孫答
曰南人學問玄通簡要支道林聞之曰聖賢
固所忘言自中人以還北人看書如顯處視
月南人學問如牖中窺日

唐畢相誠家素賤李中丞有諸院子弟與誠熟
誠至李氏子書室中諸子賦詩誠亦爲之頃
李至觀諸子詩又見誠所作稱其最美問曰
此誰作也諸子不敢隱乃曰所知畢秀才作
也李曰出見旣而李呼左右責曰何令馬入
池中踐浮萍皆聚蘆荻斜倒怒甚左右莫敢
對誠曰萍聚只因今日浪荻斜都爲夜來風
李太悅遂客之

賈逵通經授徒肅宗重之逵母病帝以錢二十
萬使潁陽侯馬防與之謂防曰賈逵母病此
子無人事於外屢空則從孤竹之子於首陽
山矣

孫寶署侯文爲東部督入見敕曰今日鷹隼始
擊當順天氣取姦惡以成嚴霜之誅掾部豈



有其人乎。文曰：無其人，不敢空受職。寶曰：誰也。文曰：霸陵杜穉季。寶曰：其次。文曰：豺狼當道。安問狐狸。

謝靈運好戴曲柄笠。孔隱士謂之曰：卿欲希心高遠，何不能遺曲蓋之貌。謝曰：將不畏影者，未能忘懷。


文衡山素不至河下拜客。嚴介溪過吳門，候二日不至，忿然見色，謂顧東橋曰：不拜他人，猶可，渠亦敢爾。以我槩人耶。東橋曰：若非衡山有恒，那得介溪有芥。嚴色稍斂。

東郡商鏗，名子為外臣，外臣任為廷尉評，鏗入謝恩。武帝問：卿名子為外臣，何為令其入仕。鏗答曰：外臣生於齊季，故人思匿跡，今幸遭聖代，草澤無復遺人。

晉庾亮造周顓，顓曰：君何忻悅而忽肥。庾曰：君何憂慄而瘦。周曰：吾無所憂，直是清虛。日來滓穢日去。

唐盧肇初舉，先達或問所來。肇曰：某袁民也，或





曰袁州出舉人耶肇曰袁州出舉人亦猶沅江出鱉甲九肋者蓋稀也

蘇味道才學識度物墜攸歸王方慶體質鄙陋言詞魯鈍智不逾俗才不出凡俱爲鳳閣侍郎或問張元一曰蘇王孰賢答曰蘇九月得霜鷹王十月被凍蠅

妙

裴廷裕字庸餘乾寧中在內庭文書敏捷同官者曰裴廷裕如下水船

妙

爲蜀韓昭仕王氏爲禮部尚書麓有文章至於琴棋書算射法悉皆涉獵不能專精朝士李台瑕曰韓八座之藝如折襪線無一條長

蕭引書法道逸陳宣帝常指其署名語諸人曰此字筆勢翩翩似鳥之欲飛引答曰此乃陛下假其羽毛

宋廣平愛民惜物朝野歸美人皆謂之曰有脚陽春

顏延之嘗謂鮑明遠曰已詩與謝康樂優劣鮑曰謝五言如初發芙蓉自然可愛君詩若鋪

錦列繡亦雕績滿眼

劉孝標目劉彥度超然越俗如半天未霞劉士
光矯矯出塵如雲中白鶴皆儉歲之梁稷寒
年之纖纒

蜀先主啣張裕不遜兼忿其漏言下獄將誅之
諸葛武侯表請其罪先主答曰芳蘭當門不
得不鉏

謝太傅絕重褚公常曰褚季野雖不言而四時
之氣亦備

奮滿畏風在晉武帝坐北窻作琉璃屏實密似
疎奮有難色帝笑之奮答曰臣猶具牛見月
而晞

顧悅與簡文同年而髮早白簡文曰卿何以先
白對曰蒲柳之姿墜秋而落松栢之質經霜
彌茂

劉尹云人想王荆產佳此想長松下當有清風
耳

任城何休好公羊學遂著公羊墨守左氏膏肓





穀梁廢疾，鄭玄乃發墨守，鍼膏肓，起廢疾，伏見而嘆曰：康成入吾室，操吾戈，以伐我乎？宋之問天后朝求爲北門學士，不許，作明河篇以見意，則天見其詩，謂崔融曰：吾非不知之，問有木，但以其有口，過之，問終身，慚憤。裴子餘爲鄂縣尉，同列李隱朝，程行誼，皆以文法著稱，子餘獨以詞學知名，或問雍州長史陳崇業，三人優劣，孰先，崇業曰：譬之春蘭秋菊，俱不可廢。

蘇州守姚善訪韓奕，奕避入太湖，善嘆曰：予於韓先生，分當耳交矣。

東坡性不忍事，嘗曰：如食中有蠅吐之，乃已。唐子西曰：筆之壽日，墨之壽月，硯之壽世。

平康姬馬湘蘭，甚有聲價，一孝廉往造之，不出，積十餘年，孝廉成進士，爲南御史，偶湘蘭坐株連，當審，御史見之，曰：爾如此面孔，徒負往，日虛名，湘蘭答曰：惟往日之虛名，受今日之實禍，御史憐而釋之。





以酒
當更
進

善說

豐城龍頭山，舊名鷄頭。葉御史據勝作江天閣，熊神阿曰：山不名龍，使鷄有角，更自雄絕。周伯仁以雅度獲海內盛名，後屢以酒失，庾亮曰：周侯可謂鳳德之衰也。

汪南明謂王十嶽曰：吾文與弇州何似？答曰：鑿海志在容流，補天志在無漏，用志不同，各歸其極。

劉伯芻侍郎所居巷有饜餅者，每早過戶，必聞謳歌當壚，召與萬錢，令多其本，日取胡餅償之。復過其戶，絕不聞歌聲，呼至問曰：何輟歌之速也？曰：本領既大，心計轉麤，不暇唱渭城矣。

李弘度常嘆不被遇，殷揚州知其家貧，問君能屈志百里不？答曰：北門之嘆久已上聞，窮猿奔林，豈暇擇木。

潘石同刑東市，石謂潘曰：天下殺英雄，卿復何為？潘曰：俊士填溝壑，餘波來及人。

齊高帝有故吏竺景秀，嘗以過繫獄，高帝語荀


前狂


似誤

伯玉卿比看景秀不答曰數往候之備加責
誚景秀言若許某自新則吞刀刮腸飲灰洗
胃帝善其言乃釋之
魏愷積年沉廢遇楊愔於道微自陳愔曰發詔
授官咸由中旨愷應曰雖復零雨自天終待
雲興四嶽
庾太尉夜登南樓殷王諸賢在焉後王逸少下
王丞相謂曰元規爾時風範不得不小顏右
軍曰惟丘壑獨存

鑑湖會稽太守馬臻所開東西二十里南北數
里縈帶郊野白水翠巘互相映發有若圖畫
王逸少云從山陰道上行如在鏡中遊
孔融與蔡邕友善邕卒後有虎賁士貌類邕融
每酒酣引與坐曰雖無老成尚有典刑

簡文在殿上行王右軍與孫公在後右軍指簡
文語孫曰此噉名客簡文顧曰天下自有利
齒兒後王光祿作會稽謝車騎出曲阿祖之
王孝伯罷秘書丞在坐謝言及此事因視孝





形
略
及

伯曰王丞齒似不鈍王曰不鈍頗亦驗
王文度在西川與林法師講韓孫諸人並在坐
林公理每小屈孫興公曰法師今日如着弊
絮在荆棘中觸地挂鬩

謝車騎道謝公遊肆復無乃高唱但恭坐捻鼻
顧睐便自有寢處山澤閒儀

王長史云劉尹知我勝我自知

桓玄問劉太常曰我何如謝太傅劉答曰公高
太傅深又曰何如贇舅子敬答曰櫛梨橘柚

各有其美

或以方謝仁祖不乃重者桓大司馬曰諸君莫
輕道仁祖企脚北窻下彈琵琶故自有天際
真人想

蘇峻亂孔羣在橫塘爲匡術所逼王丞相保存
術因衆坐戲語令術勸羣酒以釋橫塘之恨
羣答曰德非孔子厄同匡人雖陽和布氣鷹
化爲鳩至於識者猶憎其眼

孫興公道曹輔佐才如白地明光錦裁爲負版

綉非無文彩酷乏剪裁

桓公見謝安石作簡文謚議看竟擲與坐上諸

客曰此是安石碎金

孫興公云潘文爛若披錦無處不善陸文若排

沙簡金往往見寶

王中郎甚愛張天錫問之曰卿觀過江諸人經

緯江左軌轍有何偉異後來之彥復何如中

原張曰研求幽邃自王何以還因時修制苟

樂之風王曰卿知見有餘何故爲符堅所制

答曰陽消陰息故天步屯蹇言剝成象豈足

多譏

諷語第十二

吳苑曰諷者譏之微也以言從風何義焉曰


草上之風必偃以有形之草從無朕之風非

微而何故曰諷者譏之微也乃次諷語第十

二

唐劉晏以神童爲秘書正字玄宗召於樓中簾

下貴妃置於膝上爲施粉黛與之中櫛玄宗




謂晏曰卿爲正字正得幾字晏曰天下字皆
 正惟羽字未正
 晉羅友家貧乞祿於桓溫雖以才學遇之而謂
 其肆誕非治民才許而不用後同府人有得
 郡者溫爲坐飲叙別友亦被命至尤遲晚溫
 問之答曰臣昨奉教肯出門於中途見鬼押
 揄云我只見汝送人上郡不見人送汝上郡
 友乃慚廻強解不覺成淹緩之罪溫面笑而
 內愧焉

郝隆爲南蠻叅軍三月三日作詩曰姬隅躍青
 池桓溫問何物答曰蠻名魚爲姬隅桓曰何
 爲作蠻語隆曰千里投公始得蠻府叅軍那
 得不作蠻語

宋太祖嘗面許張融爲司徒長史敕竟不出融
 乘一馬甚瘦上曰卿馬何瘦給粟多少融曰
 日給一石上曰何瘦如此融曰臣許而不與
 明日卽除長史

後魏孫紹歷職內外垂老始拜太府少卿謝曰



朝野
雜載
以爲
諸非

羅水汝逢聖主何爲來

大夫屈原向臣云我逢楚懷王無道乃沉汨

出而笑之帝問曰水中見何物對曰見三閭

唐散樂高崔嵬太宗命給使捺頭向水下良久

靈太后曰公年似太老紹重拜曰臣年雖老

臣卿最少后笑曰是將正卿

善相馬經上曰吾與三丞相語政事外悉究
其傍學不聞能通馬經綽曰臣卜於沙堤上
日日見丞相乘良馬


始皇議欲大苑囿東至函谷西至陳倉優旃曰
善多縱禽獸於其中賊寇從東方來令麋鹿
觸之足矣

優旃侍始皇立其殿上秦法注重非有詔不得移

足時天寒雨甚武士被楯立庭中優旃欲救

之戲曰被楯郎汝雖長雨中立我雖短殿上

妙



幸無濕始皇聞之乃令徙於廡下


漢武帝欲殺乳母母告急於東方朔曰帝怒而傍人言益死之速而汝臨去但屢顧我當設奇以激之乳母如其言朔在帝側曰汝宜速去帝今已大愷念汝乳哺耶帝愴然赦之

蜀簡雍少與先主有舊隨從周旋為昭德將軍時大旱禁酒釀者刑吏於人家索得釀具者令與造酒者同罪雍從先主遊觀見一男子路中行問先主曰彼人欲淫何以不縛先主曰卿何以知之雍對曰彼有淫具與欲釀者何異先主大笑弛禁

唐玄宗問黃幡綽是何兒得憐對曰自家兒得人憐玄宗俯首久之

魏文為五官將時臨淄侯才名甚盛幾有奪嫡之議曹公一日諮于賈詡詡默然不對曹公問不對何也詡曰屬有所思問何思答曰思袁本初劉景升父子也於是太子遂定

齊高宗從弟季敞性頗豪縱上心非之嘗語之



曰卿可數詣王思遠以王謹肅故也


湘東王繹入援臺城頓軍武城淹留不進中記
室參軍蕭賁以繹不蚤下心甚非之嘗與繹
雙陸食子未卽下賁斂手言曰陛下都無下
意

禰衡被魏武謫爲鼓吏正月半試鼓衡揚袍爲
漁陽參搥淵淵有金石聲四座爲之改容孔
融曰禰衡罪同胥靡不能發明王之夢魏武
慚而赦之

王慶府在政府其子爲眉州司士參軍武后嘗
問卿在相位何子之遠方慶答曰廬陵是陛
下愛子今尚在遠臣之子庸敢相近武后拂
然久之

高宗出獵遇雨問諫議大夫谷那律曰油衣若
何不漏對曰以瓦爲之則不漏上因此不復
出獵

張真人彥頰府第災請賜更造給諫黃臣曰樂
巴啜酒成都火滅彥頰想乏酒故有此災



漢

陛下賜造後隨當賜酒由是止

翟永齡不信佛其母日誦佛不輟聲永齡佯呼之母應喏又呼不已母慍曰無事何頻呼也永齡曰呼母三四便怒呼佛千萬不怒耶母稍止

晉


晉武既不悟太子之懦有傳後意諸名臣皆多獻直言帝常在凌雲臺坐衛瓘在側欲露其懷因如醉跪帝前以手撫牀曰此坐可惜帝雖悟因笑曰公醉耶

一佳

王夷甫婦郭泰寧女才拙而性剛聚斂無厭干豫人事夷甫患之而不能禁時其鄉人幽州刺史李陽京都大俠猶漢之樓護郭氏憚之夷甫驟諫之乃曰非但我言卿不可李陽亦謂卿不可郭氏小爲之損

陸玩拜司空有人詣之索美酒得便自起寫着梁柱間地祝曰當今乏才爾爲柱石之用莫傾人棟梁玩笑曰戢卿良箴

顏駟漢文帝時爲郎至武帝輦過郎署見駟龐



可謂
誠甚
妙

年少有貌而張乃權相之子相正總朝柄黃戲張曰思公子今未敢言張應聲曰懷佳人兮不能忘


鄒元標論劾張江陵張欲置之死侍郎周思敬早朝會張朝門外朝鞭未鳴二象鉤鼻相拒周謂張曰二畜拒公胡不風上殺之也張曰彼爲朝廷安可殺周曰前日鄒元標劾公不知爲誰張勉強領意貸元標死

眉皓首問曰叟何時爲郎何其老也答曰臣文帝時爲郎文帝好文而臣好武景帝好美而臣貌醜陛下好少而臣已老是以三世不遇帝擢爲會稽都尉

五代李茂貞自稱岐王開府置官屬居岐以寬仁愛物爲務嘗以地狹賦薄下令權油因禁城門無納取薪者以其可爲炬也有優者曰臣請拜禁月明茂貞笑而不怒

黃州黃解元麻荊州張狀元茂脩相聚薊門黃

紹興初楊存中在建康有雙勝交環謂之二勝



妙

環取兩宮北還之意，因得美玉琢成帽環，進高廟，日尚御冕，偶有一伶人在傍，高宗指環示之，此環揚太尉所進，名二勝環，伶人接奏云，可惜二勝環，且放在腦後。

佛印禪師為王觀文陞座云，此一瓣香奉為掃煙塵，博士護世界，大王殺人不聽，眼上將軍立地成佛，大居士。


辛京杲以私杖殺部曲，有司奏京杲罪當死，上將從之，李忠臣曰，京杲當死久矣，上問其故，忠臣曰，京杲諸父兄弟皆戰死，獨京杲今日尚存，故臣以為久當死，上憫然，左遷京杲。

姚崇對便殿，佯跛足，上曰，卿有足疾耶？崇曰，臣有腹心疾，足疾不足畏也。

楚昭王與吳戰，敗走四十步，忽遺其履，取之，左右曰，楚國雖貧而無一履哉？王曰，吾悲其俱出而不得，與其俱返也。於是楚兵無相棄遺者。

晉文公出伐衛，公子仰而笑，公問何笑？公子曰，

仁者




齊景公時有一人犯罪，景公怒，令支解之。語曰：敢諫者誅。晏子左手持其頭，右手執刀，仰問景公曰：自古聖主，明王支解人，從何而始？景公遽捨之。

齊湣王失國，王孫賈從失王之處，其母曰：汝朝出而晚來，則吾倚門而望汝；暮出而不還，則吾倚閭而望汝。今事王不知王處，賈乃卒謀王子立焉。

王子立焉

景公飲酒，七日七夜不止。弦章諫曰：君飲酒七日七夜，章願君廢酒也。不然，章賜死。晏子入見，公曰：章諫吾曰：願君之廢酒也。不然，章賜死。如是而聽之，則臣為制也。不聽，又愛其死。晏子曰：幸矣。章遇君也。令章遇桀紂者，死久矣。於是公遂廢酒。

宣和間樂部焦德，一日從幸禁苑，上指花竹草



如其


木以詢其名德曰皆芭蕉也上詰之對曰禁苑花竹皆取於四方道里遠涉巴至上林則已焦矣

常州蘇掖仕至監司家富甚嗇每置產吝不與直所爭一文必至變色後因置別墅與售者反復甚苦子在旁勸曰大人可增少金我輩他日賣之亦可得善價也掖愕然自爾乃復少改

可謂
諫


桓公在荊州全欲以德被江漢恥以威刑肅物令史受杖正從朱衣上過桓式年少從外來云向從閣下過見令史受杖上指雲根下拂地足

浙帥錢鏐時州叛卒五千餘人送款錢納之以為腹心時羅隱屢諫以謂敵國之人不可輕信浙帥不聽杭州新治城壘樓櫓甚壯浙帥攜寮客盛觀之隱指却敵佯不曉曰設此何用浙帥曰君豈不知欲備敵耶隱謬曰審如是何不向裡設之浙帥大笑本欲拒敵設於




國立中央圖書館臺灣分館


內何用對曰以憲中見正當設於內耳



國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.





舌華錄卷之七

新都曹


臣蓋之纂著

勾具具 苑鹿長叅定

公安袁中道小修批評


讖語第十三

吳苑曰、讖刺之語、莫盛於詩人、詩人之刺、隱
聖人不刪、舌士之刺、顯君子不取、君子不取
而蓋之纂之、不佞次之、何也、蓋風之可以偃
草木、不可以入頑石、鈍金入頑石、鈍金者、則



國立中央圖書館 國家圖書館 國家圖書館 國家圖書館

3426840 v5




突第直

在洪鑪利鑿矣。譏之一義。譬如洪鑪利鑿。亦頑鈍之他山也。誠世間皆靈石精金。則鑪鑿已自受模鑄。安能復及人耶。此我世之所必無耳。若一往一來。兩相角刃。此正所次之正意。乃次譏語第十三。

盧藏用始隱終南山。中宗朝累居要職。有道士司馬承禎者。睿宗遣至京。將還。藏用指終南山謂之曰。此中大有佳處。何必在遠。承禎徐答曰。以僕所觀。乃仕宦捷徑耳。

裴玄本爲戶部郎中。時左僕射房玄齡疾甚。省郎將問疾。玄本戲曰。僕射病。可須問之。既甚已。何須問也。有洩其言者。既而隨例候玄齡。玄齡笑曰。裴郎中來。玄齡不死矣。裴甚踖蹀不安。

李義府常賦詩曰。鏤月成歌扇。裁雲作舞衣。自憐迴雪影。好取洛川歸。有棗強尉張懷慶。好論名士文章。乃爲詩曰。生憎縷月成歌扇。出意裁雲作舞衣。照鏡自憐迴雪影。時來好取



夢存以
能人愈
之

洛川歸人謂之曰活。劔王昌齡生吞郭正一
則天初革命恐羣心未附乃令人自舉供奉官
正員之外置裏行拾遺補缺御史等至有車
載斗量之詠有御史臺令史將入臺值裏行
數人聚立門內令史下驢驅入其間裏行大
怒將加杖罰令史曰今日過實在驢乞數之
然後受罰裏行許之乃數驢曰汝技藝可知
精神極鈍何物驢畜敢於御史裏行諸裏行
羞慚而止

魯直戲東坡曰昔王右軍書爲換鵝字近日韓
宗孺得公一帖於殿帥姚麟家換羊肉數斤
可名書爲換羊書矣蘇在翰苑一日以生辰
製換紛冗宗孺作柬以圖報書來人督索甚
急蘇笑曰傳語本官今日斷屠

東坡一日會客坐客舉令欲以兩卦名証一故
事一人云孟嘗門下三千客大有同人一人
云光祖兵渡滹沱河既濟未濟一人云劉寬
婢羹汚朝衣家人小過東坡云牛僧孺父子



發
號

犯事大畜小畜蓋指荆公父子也
陸太尉詣王丞相咨事過後輒翻異王公怪其
如此後以問陸陸曰公長民短臨時不知所
言既後覺其不可耳

王東亭與張冠軍善王既作具郡人問小令曰
東亭作郡風政何似答曰不知治化何如惟
與張祖希情好日隆耳

武帝語和嶠曰我欲先痛罵王武子然後爵之
嶠曰武子雋爽恐不可屈帝遂召武子苦責
之因曰知愧不武子曰尺布斗粟之謠常爲
陛下恥之它人能令疎親臣不能使親疎以
此愧陛下


顧孟著嘗以酒勸周伯仁伯仁不受顧因移勸
柱而語柱曰詎可便作棟梁目遇


桓大司馬溫詣劉尹卧不起桓寧彈彈劉枕丸
逆碎牀縹間劉作色而起曰使君如馨地寧
可鬪戰求勝桓有恨容

周仲智飲酒醉瞑目還面謂伯仁曰君才不如

勸
甚

有
畜





弟而橫得重名。須臾舉蠟燭火擲伯仁。伯仁笑曰：「阿奴火攻，固出下策耳。」

王珣郗超並有奇才。為大司馬所眷。拔珣為主簿。超為記室參軍。超為人多鬚。珣狀短小。于時荊州為之語曰：「鬚參軍短主簿。能令公喜能令公怒。」

稽阮山劉在竹林酣飲。王戎後往。步兵曰：「俗物

已復來敗人意。」時謂王戎未王笑曰：「卿輩意亦復可敗耶？」

亦復可敗耶


陳萬年子咸數言事。譏刺近臣。萬年病。召戒牀下。語至半夜。咸睡頭誤觸屏。萬年大怒曰：「乃公教戒汝。汝反不聽。何也？」咸曰：「具曉所言。大約教咸諂也。萬言乃不復言。」

王忠肅退朝。見一大臣目送美姝。復回顧之。忠肅戲曰：「此婦甚有力也。」大臣曰：「何以知之？」王曰：「不然。公頭何以掣轉？」

陸經多寫碑銘。頗得濡潤。人問子履近日所寫幾何。答云：「近日寫甚少。總在街上。喝道行裏。」

少甚

誇是有



程篁墩主會試日。曾以關節事被劾。後出場。寮
案設宴。優人扮賣一啼鷄者。叫云。我有一隻
鷄。賣價一千兩。人問誰家鷄。賣此高價。答曰。
程學士鷄。只賣箇五更啼耳。

韓愈謂李二十六程曰。某與丞相崔大群同年
往還。直是聰明過人。李曰。何處是過人者。韓
曰。共愈往還二十餘年。不曾共說着文章。不
是敏慧過人也。


嚴嵩誕日。諸翰林稱壽。爭作恭求近時菊花滿

堂。陸平泉獨退處於後。同列問曰。何更退爲。
陸答曰。此處怕見陶淵明。

衛懿公好鶴。有乘軒者。狄伐衛。公欲戰。國人受
甲者。皆曰。使鶴。鶴實有祿位。余焉能戰。

王贊中朝名士。有弘農楊遵者。曾至嶺外。見楊
朔。荔浦山水。心甚愛之。談不容口。遵常出入
贊門下。稍接從容。不覺形於言曰。侍郎曾見
楊朔。荔浦山水乎。贊曰。未曾。打人唇。綻齒落。
安得見耶。因大笑。以嶺外非貶不去。

伏櫛



煥而不
陽

盧從愿爲吏部侍郎杜暹自婺州叅軍調集補
鄭縣尉後暹爲戶部尚書從愿自益州長史
入朝暹立在盧上謂之曰選人定何如盧曰
亦由僕之藻鑑遂使明公得展足千里也盧
澀口無應

朱泚之亂源休姚令言等收圖書貯倉廩作蕭
何事業休退語僞黃門侍郎蔣練曰若度其
才卽吾爲蕭姚爲曹耳識者聞之謂休不柰
官職喬琳語舊寮曰源公直可謂火迫艷侯
爾

太露

向前

崔湜爲吏部侍郎掌銓有選人引過分疏云某
能翹關負米湜曰若壯何不兵部答曰過者
皆云崔侍郎門有力者卽得

唐鄭愔爲吏部侍郎掌選賊汚狼籍引銓有選
人繫百錢於靴上愔問其故答曰非錢不行
愔默而不言

孔稚圭宅中草没人南有山池春日蛙鳴僕射
王晏嘗鳴笳鼓造之聞羣蛙鳴晏曰此殊聒

王顯孔
清不必
輕重孔

大婦

人耳。答曰：聽卿鼓吹，稍覺過此。


孫一元隱居西湖，矯情不娶，放林逋以梅鶴爲妻子，後改度，徙至湖州，連娶二婦，有一士道吳興，謂之曰：僕從西湖上來，一人寄語譙君，君不得無罪。孫問何人，其人故不語。孫問不已，其人曰：梅令春鶴令郎耳。孫無地。

王公與朝士共飲酒，舉琉璃盃，謂伯仁曰：此盃腹殊空，謂之寶器何也？答曰：此盃英英，誠爲清徹，所以爲寶耳。

謝幼輿謂周侯曰：卿類社樹，遠望之峨峨，拂青天，就而視之，其根則羣狐所託，下聚溷而已。答曰：枝條拂青天，不以爲高，羣狐亂其下，不以爲濁，聚溷之穢，卿之所保，何足自稱。

謝公在東山，朝命屢降而不動，後出爲桓宣武司馬，將發新亭，朝廷咸出瞻送，高靈時爲中丞，亦往相祖，先時多少飲酒，因倚如醉，戲曰：卿屢違朝旨，高卧東山，諸人每相與言，安石不出，將如蒼生何？今日蒼生將如卿何？謝笑。

梅雀受
此大扇



而不答


慈谿某縣令初至任欲行威福謂羣下曰汝聞破家縣令滅門刺史乎有父老應曰聞者士子多讀書惟聞豈弟君子民之父母令乃默然

馬援爲隗囂綏德將軍又嘗游使於公孫述囂復命援奉書洛陽世祖迎謂援曰卿遨遊二帝間今見卿使人大慚援頓首謝曰當今之世非獨君能擇臣臣亦能擇君

謝公始有東山之志後嚴命屢臻勢不獲已始就桓公司馬於時人有餉桓公藥草中有遠志公取以問謝此藥又名小草何一物而有二名謝未卽答時郝隆在坐應聲答曰此甚易解處則爲遠志出則爲小草謝有愧色范玄平在簡文坐談欲屈引王長史曰卿助我王曰此非拔山力所能助

子瞻居黃州有陳處士者攜紙筆求書於子瞻會客方鼓琴遂書曰或對一貴人彈者天陰

謝公爲
一出受
多疑苦



冷

全何用
故不俗

妙

聲不發，貴人怪之，曰：「豈弦慢耶？」對曰：「弦也不慢。」

王世貞謁相嵩，其子世蕃肅客，曰：「家君傷風，不得出也。」王曰：「爹居相位，怎說傷風？」

衛江州在潯陽，有故人投之，都不料理，惟餉王不留行一斤，此人得餉，便命駕，李弘範聞之，曰：「家舅刻薄，乃復驅使草木。」

梁何昌寓為吏部尚書，有姓閔求官者，昌寓問：「君是誰？」後答曰：「子為後昌寓掩口笑曰：『遙遙』。」


華胄

宋顏延之，何偃值路中，遙呼曰：「顏公，延之以其輕脫。」答曰：「身非三公之公，又非田舍之公，又非君家阿公，何以見呼？」為公偃慙而去。

唐太宗以李緯為民部尚書，會有自京師來者，帝曰：「玄齡聞緯為尚書，謂何？」曰：「惟稱緯好鬚，無他語。」

王荆公為叅知政事，時因閱晏元獻公小詞，笑曰：「為宰相而作艷詞，可乎？」公弟平父曰：「亦偶。」





然耳。呂惠卿為館職，在坐，遽曰：「為政必放鄭聲，况自為之乎？」平父曰：「放鄭聲，不若遠佞人。」呂大以為譏已，遂不協。

唐湖州叅軍陸蒙妻蔣氏，善屬文。僧知業有詩名，與蒙善。一日訪蒙談玄，蔣使婢奉酒，知業云：「受戒不飲。」蔣隔簾問曰：「上人曾有詩云：接岬橋通何處路，倚樓人是阿誰家。觀此風韻，得不欲乎？」知業慚而退。

王知訓帥宣州入覲，賜宴，伶倫戲作練衣人，大面如鬼狀，或問何為者，答曰：「吾宣州土地，問何故到此？」曰：「王知訓入覲，和地皮捲來，因得至此。」

文廟繼統，陳廸責不屈，與子丹山鳳山同磔於市。上命割其肉塞廸口，因問卿肉氣味何如，對曰：「忠臣孝子肉，豈腥膻。」臣嘗其美人，聞其香，陛下豈不聞乎？」

武帝幸豫章王嶷宅，宴集諸王，獨不召嶷，曰：「風景殊美，今日甚憶武陵帝，因召使射，屢發命。」

天突

從語

中帝怪之，疑曰：阿五常日不爾，今可謂仰藉天威。

許椽好遊山水，而體便登陟，時人云：許非有勝情，實有濟勝之具。


皇甫度遼，解官歸鄉，時人以貨得鴈，門太守者，書刺投謁，度遼卧不時起，既入見，問曰：聞卿在郡食鴈，美乎？

丘靈鞠嘗詣褚彥回，彥回不起，曰：此脚疾不復能起。靈鞠曰：脚疾亦是大事，公爲一代鼎臣，不可復爲覆餗。

武陵張冢宰瀚，與大理卿陳某謁，一直指，時陳以兩次奉例進階，安自腰玉，直指見而驚，問之曰：公何時賜玉，陳踉蹌不能對，張笑曰：此是大理石耳。

李白開元中謁宰相，封一板上，題云：海上釣鰲客。李白相問曰：先生臨滄海，釣巨鰲，以何物爲釣線？曰：以風浪逸其情，乾坤維其志，以虹霓爲絲，明月爲鈞。又曰：以何物爲餌？曰：以天

前狂亭
後識制



寶

下無義丈夫爲餌丞相棟然


劉又持韓愈金數斤去曰此諛墓中人得耳不若與劉君爲壽愈不能止

詹堅老坐累下大理李端初爲少卿堅老哀鳴端初操俚談話曰子嘴尖如是誠奸人也因困辱之已而榜出奏名在法當釋自此名不相聞後十年端初爲淮南轉運使堅老以郎官出代既見端初頗省其面猶不能記前事因曰郎中若有素者豈常邂逅朝堂耶風采

堂堂非曩日比答曰風采堂堂固非某所及但不知比往時嘴不尖不端初悟而赧然

劉穆之少貧日往妻兄江氏乞食多見辱江氏後有慶會屬令勿來穆之猶往食畢求檳榔江謂之曰檳榔消食君何須此

唐崔淸除濠州刺史當替李遜淸往辭戶部侍郎李巽巽留坐與語淸指謂所替李遜曰淸都不知李遜渾不解官再三言之巽曰李巽卽可在只是獨不稱公意耳



贊

齊晏嬰短小使楚楚爲小門於大門側乃延晏
子嬰不入曰使狗國狗門入今臣使楚不當
從狗門入
晏子使楚楚王曰齊無人耶對曰齊使賢者使
賢王不肖者使不肖王嬰不肖故使王耳
馬季長女嫁袁次陽爲妻初婚夜次陽問曰弟
先兄舉世以爲笑今處姊未適先行可乎答
曰妾姊高行殊邈未遭良匹不似鄙薄苟然
而已次陽默然不能屈

孫權問蜀益州太守張裔曰蜀卓寡女亡奔相
如貴上風俗何以乃爾對曰愚以爲卓氏寡
女猶賢於買臣之妻

張融與謝寶積俱謁太祖融於御前放氣寶積
起謝曰臣兄傷件宸辰上笑而不問須臾食
至融排寶積不與同食上曰何不與賢弟同
食融曰臣不能與謝氣之口同槃上大笑

宋江夏王義恭性愛古物常遍就朝士求之侍
中何勗已有所送而王徵索不已何甚不平

廢極



作

常出行於道中，見狗枷犢鼻，乃命左右取之，還以箱擎送之。牋曰：承復須古物，今奉李斯狗枷相如犢鼻。

梁徐陵通直散騎常侍聘魏，魏主客魏收曰：今日之熱，當由徐常侍來。陵答曰：昔王肅至此，為魏始製禮樂，今我來聘，使卿復知寒暑，收不能對。


唐吏部侍郎李安期掌銓，嘗有選人被放，詐云羞見來路，安期問從何關來，曰：蒲津關來。安

期曰：取潼關路去。曰：恥見妻子。安期曰：賢室本自相諳。

梁太祖受禪，姚涓為學士，上問及裴延裕行止，涓曰：頃歲左遷，今聞旅寄。上曰：頗聞其人才思敏捷。對曰：向在翰林，號為下水船。上曰：卿便是上水船。

晏子與楚王坐，忽縛一人來，王問何為者。左右曰：齊人坐盜。王視嬰曰：齊人善盜乎？對曰：嬰聞橘生於江南，至江北為枳，枳葉相似其味

發甚



不同水土異也。

鄭康成在袁冀州坐時汝南應劭亦歸於袁因起自贊曰故大山大太守應仲遠北面稱弟子何如鄭笑曰仲尼之門考以四科回賜之徒不稱官闕

北朝李諧至南梁武與之遊歷至放生處帝問曰彼國亦放生不諧對曰不取亦不放帝赧然


任彥升在齊紆意於倖者梅蟲兒用爲中書郎

彥升造謝尚書令王亮亮曰卿宜謝梅那忽謝我

王平子嘗行經陳留郡界陳留時爲大郡名有
人士太守遣吏迎王王問吏曰此郡人士爲
誰吏曰有蔡子尼江應元是時郡人多居大
位者王以其姓名問曰甲乙等非君郡人耶
何稱此二人吏曰向謂君侯問人不謂君侯
問官王笑而止

齊武帝時諸弟皆無寵常於御坐曲宴武陵因

本
知





醉伏地以貂抄肉拌帝笑曰汗貂武陵答曰
陛下何愛其羽毛而疏其骨肉

高爽常經晉陵詣劉蒨了不相接高甚銜之俄
爽代蒨爲縣蒨乃迎贈甚厚爽受餉答書云
高晉陵自答人問其故爽曰彼自餉晉陵令
耳

支道林因人就深公買印山深公笑曰未聞巢
由買山而隱

盧詢祖甚有口辯好臧否人物嘗語人曰我昨

東方未明過和氏門外見二陸兩潘森然與

槐柳齊列

王介甫爲相大講天下水利劉貢父常造之值

一客獻策曰梁山泊決而涸之可得良田萬
頃但未擇得利便之地貯許水耳介甫傾首
沉思貢父抗聲曰此甚不難介甫欣然以爲
有策遽問之曰別穿一梁山泊則足以貯此
水耳介甫笑而止

狄仁傑爲相有盧氏堂姨居午橋別墅仁傑伏

不傷
終絕


臘修禮甚謹嘗雪後休服候盧氏適見表弟
挾弧矢攜雉兔歸羞味進於堂上顧揖仁傑
意甚輕傲仁傑因啓曰某幸爲相表弟有所
欲願悉力從其請媿曰吾止有一子不欲令
事女主仁傑慚而止

郭昱狹中詭僻登進上恥赴常選獻書於宰相
趙普自比巢由朝議惡其矯激故久不調後
復伺普望塵自陳普笑謂曰今日榮甚得巢
由拜於馬下

張文潛常問張安道司馬君實直言王介甫不
曉事是如何安道云贊只消去看字說文潛
云字說也只是二三分不合人意安道云若
然則足下亦有七八分不曉事矣

王元美預相豈席出桑落酒飲之相曰張謂詩
云不醉郎中桑落酒此酒肇唐耳王曰水經
注載此酒想採此詩

解縉胡儼同觀進士榜解以胡不由科目指榜
上謂胡曰此黃榜丈夫也胡笑曰彼亦有僥



倖得之者

盧肇開成中就江西解末肇送啓謝曰巨鰲負
鼉首冠蓬山試官曰昨以人數擠排深慙名
第奉免焉得首冠之語肇曰頑石處上巨鰲
戴之豈非首冠耶


劉公幹以失敬待罪文帝問曰卿何以不謹於
文憲楨答曰臣誠庸短亦由陛下綱目不疎
竺法在簡文坐劉尹問道人何以遊朱門答曰
君自見其朱門貧道如游蓬戶

劉真長爲丹陽尹許玄度出都就劉宿牀帷新
麗飲食豐甘許曰若保全此處殊勝東山劉
曰卿若知吉凶由人吾安得不保此逸少在
坐曰令巢許遇稷契當無此言

孫綽賦遂初築室吠川自言見止足之外齋前
種一株松恒 hands 壅治之高世遠時亦隣居
語孫曰松樹子非不楚楚可憐但求無棟梁
用耳孫曰楓柳雖合抱亦何所施

張天錫爲涼州刺史稱制西隅旣爲符堅所禽

王亦造
劉亦不必
巢許




用爲侍中，後於壽陽俱敗。至都，爲孝武所器。每入言論，無不竟日，頗有嫉已者。於坐問張北方何物可貴，張曰：桑椹、甘香、鴟鵂、華響、淳醪，養性人無嫉心。

憤語第十四

吳苑曰：凡物之憤，必鬱結而後起。如風怒則厲，泉怒則決，虎怒不擇爪，人怒不擇言，是皆憤之至也。蓋憤不易談，惟豪傑能之。若世間瑣瑣衣食之兒，卽命填溝壑，不過如魚鱉之就砧而已耳。安見其憤哉！大抵天地如彈丸，而名物有盡，生才不已，以有盡生不已，求不憤得乎？乃欠憤語第十四。

武帝拜主父偃爲郎中，歲中四遷至中大夫。公卿皆畏其口，瞻遺累千金，或說之爲太橫。偃曰：結髮遊學四十年，不得遂，親不以爲子，昆弟不收，賓客棄我，厄日久矣。大丈夫生不五鼎食，死則五鼎烹，吾日暮故，倒行而逾施之耳。

名言名



沈攸之晚好讀書嘗嘆曰蚤知窮達有命恨不
十年讀書

劉孝孫博學通敏而仕不遂常嘆曰古或開一
說而致卿相立談頃而降白璧書籍妄耳

屠長卿下第歸酒酣慨呼曰吾手可捫日月
而一第厄人東海洋洋似欲代吾矣


豫章狂生李如龍常落第歸遇耕牛大罵曰爾
腹無文章尚有角吾不若也以頭觸之牛幾

倒

鮑無雄落魄無遇常以得第自期一日於西湖
醉後忽頰水照見影大慟曰丈夫三十歲尚
如此頭顱耶

吳王賜子胥死將死言曰樹吾墓上以梓令可
為器抉吾眼置之吳東門以觀越之滅吳也
趙嘉仕宦不得志有重疾卧蓐七年自慮奄忽
乃敕兄子曰大丈夫生世遜無箕山操仕無
伊呂勳天不我與復何言哉可立一石於吾
墓前銘曰漢有逸人姓趙名嘉有志無時命

鄧傳馬
妙甚



也奈何

蘇峻遷歷陽太守詔書徵峻峻曰臺下云我反
反豈得活耶我寧山頭望廷尉不能廷尉望
山頭


和州士人杜默累舉不成名因過烏江入謁項
王廟時正被酒露醉才炷香拜訖徑升偶坐
据神頸拊其首而慟大聲語曰大王有相虧
者英雄如大王而不能得天下文章如杜默
而進取不得官好虧我語畢淚如迸泉廟祝

拉杜下視神目淚亦湧出

阮光祿聞何次道爲相嘆曰我當何處生活

桓玄敗後殷仲文還爲大司馬咨議意似二三
司馬府廳前有一老槐甚扶疎殷因月朔與
衆共視而嘆曰槐樹婆娑無復生意

殷仲文素有名望自謂必當阿衡朝政忽作東
陽太守意甚不平及之郡至富陽慨然嘆曰
看此山川形勢當復出一孫伯符後果以反
誅



英雄語
世

阮籍登廣武而嘆曰時無英雄使豎子成其名
梅侍讀晚年蹀於祿位而病足常撫其足而詈
曰是中有鬼令我不至兩府者汝也

桓公卧語曰作此寂寂將爲文景所笑既而屈
起坐曰旣不能流芳百世亦不足復遺臭萬
載耶

王孝伯問王大阮籍何如司馬相如王大曰阮
籍胸中壘塊故須酒澆之

太元末長星見孝武心甚惡之夜羣林園中飲


酒舉杯屬星云長星勸爾一杯酒自古何時
有萬歲天子

郭恕先時與役夫小民市肆飲食曰吾所與遊
皆子類也

丘車騎初領驍騎將軍不樂武位謂人曰我還
東掘顧榮塚江南地數千里士子風流皆出
其中顧忽引諸僮渡防我輩塗轍

虞仲翔放棄南方謂人曰生無可與語死以青
蠅爲弔客使天下一人知己者足以不恨

雜



妙

王彥深不爲羣從所禮常懷恥慨欲以將領自奮每撫刀曰龍泉太阿汝知我

蕭南郡徐少府意甚不得寺內所住齋前有故種花草甚美悉令剷除列種白楊樹每謂人曰人生不得行胸懷雖壽百歲猶爲夭也

王融自恃人地三十內聖爲公輔夜直中書省


嘆曰作此寂寂使鄧禹笑人

禹年二十四封鄼侯

毛伯成旣負其才氣常云寧爲蘭摧王折不作蕭敷艾榮

庾公欲起周子南子南固辭庾每詣周庾從前門入周從後門出庾嘗一往奄至周去不及終日相對庾從索食周出蔬食庾雖強飯意思極歡與語世故約相推引同佐世難旣仕至二千石而不稱意中宵慨然曰大丈夫乃爲庾元規所賣一嘆遂發背而死

羅逸平生多讀書不能自潤每嘆曰男兒在世場場皆當歷過吾歷貧而未歷富歷賤而未歷貴虞卿寂寂豈男兒久爲耶要當覓東街



一灑以完結此心耳
王維寧過賣棺肆嘆曰人生不能得金紫封骨
死何用此爲



國家圖書館 NATIONAL CENTRAL LIBRARY, TAIWAN, R.O.C.





舌華錄卷之八

新都曹

臣蓋之纂著




勾吳吳

苑鹿長參定

公安表中道小修批評


辯語第十五


吳苑曰、辯者無鋒不摧、無堅不入、彼以直來、我以橫往、彼以順加、我以逆受、此涕唾之戰場也、故戰國稱爲辯士、辯之有似於爭、君子無所爭而取之、可乎、曰、不、審問之明、辯之之



國立中央圖書館, NATIONAL CENTRAL LIBRARY, TAIWAN, R.O.C.

3426841 v.6





語聖人已垂令教蓋不辯無以明格斯辯亦
近道矣強詞曰其辯也君子奚害焉乃次辯
語第十五

劉貢父一日問子瞻老身倦馬河堤求踏盡黃
榆綠槐影非閣下之詩乎子瞻曰然貢父曰
是日影耶月影耶子瞻曰竹影金鎖碎又何
常說日月也劉不能答

荀慈明與汝南袁少朗相見問潁川士慈明先
及諸兄少朗嘆之曰但可私親而已慈明答

味酸而無

曰足下相難依據何經少朗曰問國士始及
諸兄是以尤之慈明曰昔祁奚內舉不失其
子外舉不失其讐以爲至公公且周文王之
子詩不論堯舜之德而頌文武者何先親之
義春秋之義內中國而外諸夏且不能愛其
親而愛他人者不當以是悖德乎

高定年七歲讀尚書至湯誓問父曰柰何以臣
伐君答曰應天順人又問曰用命賞於祖不
用命戮於社豈是順人父不能對

葛亮
不信何
也

楊脩九歲甚聰慧孔君平詣其父不在脩爲君平脩果有楊梅君平曰此實君家果脩應聲答曰未聞孔雀是夫子家禽也
東晉光祿祖納少孤苦性至孝常自爲母炊爨作食王平聞其常親供養乃以二婢餉之因以爲吏人有戲之者奴價倍於婢祖答曰百里奚亦何必輕於五羖之皮耶
齊劉繪爲南康郡郡人鄧類所居名穢里繪戲之曰君有何穢而居穢里答曰未審仲尼有何闕而居闕里


王渾平吳之日登建業宮醴酒既酣謂吳人曰諸君亡國之餘得無戚乎時周子隱答曰漢末崩分三國鼎立魏滅于前吳滅於後亡國之戚豈惟一人王有慙色


岳柱年八歲時觀畫師何澄畫陶母剪髮圖指陶母手中金釧詰之曰有此可易酒何用剪髮何大驚卽易之

曾有白頭鳥集吳殿前孫權問羣臣此何鳥也

從容不迫

慧





諸葛元遜對云此名白頭翁張輔吳自以坐
中最老疑元遜戲之因曰恪欺陛下未嘗聞
鳥名白頭翁者試使恪復求白頭母元遜曰
鳥名鸚母未必有父試使吳復求白頭父張
不能答

某令貪監司欲斥之陳渠為中丞欲解之謂曰
此地窮苦不比貴鄉墨不滿橐也監司曰盜
劫貧家豈得無罪

王右軍與謝太傅共登冶城謝悠然遠想有高

世之志土謂謝曰夏禹勤王手足胼胝文王
肝食日不暇給今四郊多壘宜人人自效而
虛談廢務浮文防要恐非當今所宜謝曰秦
任商鞅二世而亡豈清言致患耶

東坡嘗舉坡字問荆公何義公曰坡者土之皮
曰然則滑者水之骨乎荆公默然

邊文禮見袁奉高失次序奉高因朝曰昔堯聘
許由面無怍色先生何為顛倒衣裳文禮答
曰明府初臨堯德未彰是以賤民顛倒衣裳

三公俱
有經濟
但大小
委宜謝
大王小

奉水語
非辯

耳

漢東陳太丘寔與友人期行過期不至太丘捨去去後乃至其子元方年七歲在門外戲客問元方尊君在不答曰待君不至已去友人便怒曰非人與人期行相委而去元方曰君與家君期日中過時不來則是無信對子罵父則是無禮友人慚下車引之元方遂入門不顧

武帝召第五倫訪政事因戲謂曰聞卿爲吏掾

父翁寧有之耶對曰臣三娶妻皆無父帝大笑


倪文毅岳五歲侍父文僖父曰天上更有天對曰地下更有天父笑曰小子妄言地下安得有天對曰卵白豈止一面

余肅敏公爲戶部郎嘗有兩勢家爭田未決部檄公理之甲以其地名與己姓同合是故產公曰未聞有姓張者訟張家灣

張敞爲婦畫眉長安中傳張京兆眉嫵有司以

天慧

韻



奏上問之對曰閨房之內夫婦之私有過於
畫眉者上愛其能弗責也
劉恕年四歲穎悟俊拔坐客有言孔子無兄弟
者恕應曰以其兄之子妻之非兄乎


淮海周輝與人論臭腐化神奇或云無是理周
曰藥中秋石何自而

王緒為大將令軍中無以老弱自隨犯者斬
王潮兄弟獨扶其母紿責之曰軍皆有法未
有無法之軍三子曰人皆有母未有無母之
人乃釋之

王聖美為縣令未知名謁一達官值其方與客
談孟子不顧聖美久之忽顧聖美曰嘗讀孟
子不對曰生平愛之但都不曉其義主人問
何不曉曰孟子見梁惠王已不曉此語達官
深訝之曰此有何奧義聖美曰既云不見諸
侯因何見梁惠王

李勉為司徒平章事一日德宗謂勉曰眾人皆
言盧杞姦朕何不知勉對曰陛下不知所以

節子
白亦雅
著辨語



爲姦也。


周彬不治財產，服膺儒學。其妻讓之曰：「汝家兄弟，能力稼穡，囊箱豐溢，汝之不調，無思悔，畢向何如？」及先主鎮金陵，彬囊文往謁，錫賚頗厚。歸以所賜金帛，陳於庭前，謂婦曰：「吾今與伯叔何如優勝？」婦曰：「男子之事，非女子所能知。」


御史大夫李承嘉嘗讓諸御史曰：「近御史言事，不咨大夫禮乎？」蕭至忠曰：「故事臺中無長官。」

御史人君耳目，比肩事主，得自彈事。若先白大夫，則彈大夫。先白誰耳？

稽中散語趙景真，卿童子白黑分明，有白起之風，限量小狹。趙云：「尺表能審璣衡之度，寸管能測往復之氣，何必在天？」

王荆公初參政，視廟堂如無人。一日行新法，怒目諸公曰：「此輩坐不讀書耳。」趙清簡公同參知政事，獨折之曰：「君言失矣。如臯夔契稷之時，有何書可讀，公默然。」





諸葛宏在西朝，少有清譽，爲王夷甫所重。時論亦以擬王，後爲繼母族黨所讒，誣之爲狂。遂將遠徙，友人王夷甫之徒詣檻車與別。宏問朝廷何以徙我，王曰：「言卿狂逾。」宏曰：「遂則應殺，狂何以徙。」

謀已不從何子欲深

郗司空拜北府，王黃門詣郗門，拜云：「應變將略，非其所長。」驟詠不已。郗倉謂嘉賓曰：「公今日拜，子猷言語殊不遜，深不可容。」嘉賓曰：「此是陳壽作諸葛評人，以汝家比武侯，復何所言。」

韻極

鴻臚卿孔羣好飲酒，王丞相語云：「卿何爲恒飲酒，不見酒家覆餗布，日月糜爛。」羣曰：「不爾，不見糟肉，乃更堪久。」

許允爲吏部郎，多用其鄉里。魏武帝遣虎賁收之，其婦出誠，允曰：「明主可以理奪，難以情求。」旣至，帝覈問之，允對曰：「舉爾所知，臣之鄉人，臣所知也。」

前二可另名語

許允婦是阮衛尉女，奇醜。初婚時，允旣見，卽欲出，婦料其出必無入理，便捉裾停之。許因謂

曰婦有四德卿其有幾婦曰新婦所乏惟容爾然士有百行君有幾許云皆備婦曰夫百行以德爲首君好色不好德何謂皆備允有慙色遂相敬重

許玄度隱在永興南幽谷中每致四方諸侯之遺或謂許曰嘗聞箕山人似不爾耳許曰筐篋苞苴故當輕於天下之寶耳


殷荊州問遠公易以何爲體答曰易以感爲體殷曰銅山西崩靈鍾東應便是易耶遠公笑


而不答

阮宣子以三語爲王太尉掾衛玠嘲之曰一言可辟何假於三宣子曰苟天下人望亦可無言而辟復何假一

頽語第十六

吳苑曰舌之有頽如弩之有機天下之利物也頽之於語無類不有惟諧謔譏辯之類居多然四語已有部領卽四語中有具頽者而頽部無與焉以其有四部也惟其不能入諧





諛譏辯之語，斯成頽語矣。乃次頽語第十六。諸葛靚在吳，於朝堂大會，孫皓問卿字仲思，何爲所思，對曰：在家思孝，事君思忠，朋友思信，如斯而已。

宋梁州范百年，因事謁明帝，帝言次及廣州貪泉，因問之曰：卿州復有此水不？百年答曰：梁州惟有文川武鄉，廉泉讓水。又問卿宅在何處，曰：臣居在廉讓之間。

齊武帝嘗謂羣臣曰：我後當何諡，莫有對者。王儉因目庾杲之對，杲之曰：陛下壽比南山，與日月齊明，千載之後，豈是臣之輕所度量。王儉爲吏部尚書，有客姓譚，求官，曰：齊極滅，譚那得有汝？答曰：譚子奔莒，所以有僕。

梁武帝嘗以棗擲蘭陵蕭琛，琛仍取棗擲帝，正中面，帝動色，言汝那得如此，豈有說耶？琛應聲曰：陛下投臣以赤心，臣敢戰栗於陛下。

蕭琛常於御坐飲酒，屬酒北使員外常侍李道固不受，曰：公庭無私禮，不容受。卿勸衆皆失。

附在佳

甚甚


色恐無以酬。琛徐曰。詩所謂雨我公田。遂及我私。道固乃屈意受酒。


張後裔在弭州。太宗嘗就受春秋。後因詔入賜宴。言及平昔。從容謂曰。今日弟子何如。後裔對曰。昔孔子領徒三千。徒者無子男之位。臣翼贊一人。卽爲萬乘主計。臣此功愈於先聖。太宗大悅。

崔正熊詣都郡。都郡將姓陳。問正熊君去崔杼幾世。答曰。民去崔杼。如明府之去陳恒。

唐張林言毀佛寺。分遣御史檢天下所廢寺。及收錄金銀佛像。有蘇監察者。巡檢兩街諸寺。見銀佛一尺以下者。多袖之而歸。人謂之蘇狍佛。或問溫庭筠將何對。溫應聲對曰。無以過密陀僧。

鍾毓鍾會少有令譽。年十三。魏文帝聞之。語其父。錄曰。令卿二子來。於是敕見毓。面有汗。帝問曰。卿面何以汗。毓對曰。戰戰惶惶。汗出如漿。復問會。卿何以不出汗。對曰。戰戰栗栗。汗





不得出

晉武帝始登阼探策得一王者世數繫此多少
帝既不悅羣臣失色莫能有言者侍中裴楷
進曰臣聞天得一以清地得一以寧侯王得
一以爲天下貞帝悅羣臣嘆服

鍾繇晝寢二子毓會共偷服散酒繇時覺且假
寐以觀之毓拜而後飲會飲而不拜既問之
毓曰酒以成禮不敢不拜又問會何以不拜
會曰偷本非禮所以不拜

統小時
卽爲

孫齊由齊莊二人小時詣庾公公問齊由何字
曰齊由公曰欲何齊耶曰齊許由又問齊莊
何字曰齊莊公曰欲何齊耶曰齊莊周公曰
何不慕仲尼而慕莊周答曰聖人生知故難
慕庾公大喜

蜀先主以伊籍爲左將軍從事中郎使具孫權
聞其才辯欲逾折其辭籍適入拜權曰勞事
無道之君藉應聲曰一拜一起未足爲勞

吳主大慚

清談

陸機詣王武子。武子有百斛羊酪。指以示之曰。卿東。具何以敵此。陸曰。有千里尊羹。未下鹽豉耳。

孔融與禰衡友厚。跌蕩狂放。衡謂融曰。仲尼不死。融答曰。顏回復生。

通字
妙甚

唐辛郁。管城人也。舊名太公。弱冠遭太宗於行所。問何人。曰。辛太公。太宗曰。何如舊太公。郁曰。舊太公八十始遇文王。臣今適十八已遇陛下。

李令伯常聘吳。吳主與羣臣汎論道義。因言寧為人弟。令伯曰。願為人兄。吳主問何願為兄。令伯答曰。為兄供養之日長。


宋世祖嘗賜謝中書莊寶劍。謝以與魯爽。送別後。魯作途。世祖嘗因宴集。問劍所在。謝曰。昔日魯爽別。竊為陛下杜陸之賜。

張說女嫁盧氏。女嘗為其舅求官。說不語。但指楮床。龜示之。歸告其夫。曰。舅得詹事矣。

耿九疇遷鹽運使。有廉聲。嘗臨水坐。有童子戲

慧

慧




其傍九疇曰此水何清也童子應曰尚不及使君之清也


解學士緡童時婦翁過其家解父抱緡置椅上父翁云父立子坐禮乎解應聲曰嫂溺叔援權也

王武子孫子荆各言其土地人物之美王云其地坦而平其水淡而清其人廉且貞孫云其山巖巍以嗟峨其水汧淥而揚波其人磊砢而英多

周僕射伯仁雍容好儀形詣王公初下車隱數人王公含笑看之既坐傲然嘯詠王公曰卿欲希稽阮耶答曰何敢近捨明公遠希稽阮孫盛為庾亮記室參軍從獵將其二兒俱行庾公不知忽於獵場見齊莊時年七八歲庾謂曰君亦復來耶二子應聲曰所謂無小無大從公於邁

丁常任毘陵人淳熙間為郎冬至日上殿奏對孝宗曰曉來雲物甚奇卿曾見不對曰豈惟





臣見之四海萬姓皆見之矣

袁相國履善六七歲時與羣兒戲自稱小相公
潞溪彭公見之戲曰願爲小相袁應聲曰切
比老彭

楊大年億方與客棋石曼卿自外至坐於一隅
大年因誦賈誼賦向石曰止於坐隅貌甚閒
暇石遽答曰口不能言請對以臆

宋太祖初幸相國寺至佛像前燒香問當拜與
不拜僧錄贊寧奏曰不拜問其何故對曰見
在佛不拜過去佛

楊大年年十一太宗皇帝聞其名召對便殿授
秘書省正字且謂曰卿久離鄉里得無念父
母乎對曰臣見陛下一如臣父母上嘆賞久
之

謝仁祖年八歲謝豫章將送客爾時語已神悟
自叅上流諸人咸共嘆之曰年少一坐之顏
回仁祖曰坐無仲尼焉別顏回

袁彥伯宏以吏部郎出爲東陽郡太傅謝安賞

聖慧

語太暗
脉妙不
可言

護

慧

俊


宏機速，乃祖之於野亭，時賢皆集，安欲卒迫試之，執手將別，顧左右取一扇贈之，宏卽曰：輒當奉揚仁風，慰彼黎庶。

周盤龍爲散騎，武帝戲曰：卿着貂獬，何如兜鍪，盤龍曰：此貂蟬從兜鍪中出。

崔邪利，崔模入魏，邪利子遣妻疏布，如居喪禮，模子雖居處變節，不廢婚宦，崔元孫使魏，魏人問二家子姪何以不同，元孫曰：王尊驅騎，王陽回車，欲令臣子兩遂忠孝，並弘。

宋劉瑀，位本在何偃前，孝武初，偃爲吏部尚書，瑀圖侍中不得，與偃同從郊祀，偃乘車在前，瑀策駟居後，相去數十步，瑀蹋馬及之，謂偃曰：君轡何疾？曰：牛駿馭精，所以疾耳。曰：君馬何遲？曰：騏驥罹於羈絆，所以居後。偃曰：何不著鞭，使致千里？曰：一蹠自造，青雲何至，與馱馬爭路。

具使張溫聘蜀，問秦宓曰：天有頭乎？宓曰：有。溫曰：在何方？宓曰：詩云：乃眷西顧，以此推之。在




乃在西
劉天子
姓劉二
答九妙
絕一

西方溫曰天有耳乎曰天處高而聽卑詩云
鶴鳴九臯聲聞於天溫曰天有足乎宓曰詩
云天步艱難無足何以步之溫曰天有姓乎
宓曰姓劉問何以然曰天子姓劉以此知之
戴安道既厲操東山而其兄安丘欲建式遏之
功謝太傅曰卿兄弟志業何其大殊戴曰下
官不堪其憂家弟不改其樂

盧志於坐衆問陸士衡陸遜陸抗是君何物答
曰如卿於盧毓盧誕

陳元方年十一時候袁公袁公問曰賢家君在
太丘遠近稱之何所履行元方曰先父在太
丘強者綏之以德弱者撫之以仁恣其所安
久而益敬袁公曰孤往者嘗爲鄴令正行此
事不知卿家法孤孤法卿父元方曰周公孔
子異世而稱周旋動靜萬里如一周公不師
孔子孔子亦不師周公

桓玄既篡位將改置直館問左右虎賁中郎省
應在何處有人答曰無省當時殊忤旨問何



以無知答曰潘岳秋興賦叙曰余兼虎賁中郎將寓直散騎之省玄咨嗟稱善

陸遜聞車浚令名請與相見謂曰武陵蠻夷乃有此奇人也浚曰吳太伯端委之化以改被髮文身之俗今上挺聖主下生賢佐亦何常之有

舌華錄卷之九


新都曹 臣蓋之纂著

勾吳吳 苑鹿長叅定

公安袁中道小修批評

澆語第十七

吳苑曰文章之士有才其猶天地之有雲露草木之有花卉乎才乃上天之所秘惜不輕易以與人士有才者是得天之物得天之物安得不狂乎狂之不已不輕薄乎故輕薄乃



以無知答曰潘岳秋興賦叙曰余兼虎賁中郎將寓直散騎之省玄咨嗟稱善

陸遜聞車浚令名請與相見謂曰武陵蠻夷乃有此奇人也浚曰吳太伯端委之化以改被髮文身之俗今上擬聖主下生賢佐亦何常有之

舌華錄卷之九


新都曹 臣蓋之纂著


勾吳吳 苑鹿長叅定

公安袁中道小修批評

澆語第十七

吳苑曰文章之士有才其猶天地之有雲露草木之有花卉乎才乃上天之所秘惜不輕易以與人士有才者是得天之物得天之物安得不狂乎狂之不已不輕薄乎故輕薄乃





狂之甚也。蓋文人不必有德，何也？天之所以與我者才耳，而我混混沌沌，是棄天也。棄天之罪，不尤浮於輕薄乎？嗟乎！是亦可畏也。拔舌之獄，皆輕薄之報。毘沙天子不肯斃一假借饒人，雖然，此亦自天之縱我耳，可無問也。乃次澆語第十七

宋會稽太守孟顓字佛精，懇謝靈運，輕之謂顓曰：「得道應須慧業，文人生天當在靈運前。」成佛必在靈運後。顓深恨之。

合世無
人若有
之五樂
受

許敬宗性輕傲，見人多忘之。或謂其不聰，曰：「卿自難記。若遇何劉沈謝，暗中摸索，着亦可識。」梁到洽，本灌園人，後得位，謂劉孝綽曰：「某宅東家有地，擬買，被本主不肯，何計得之？」孝綽曰：「卿何不多輦其糞，置其牖下，以苦之，洽恨孝綽，竟害之。」

不佳

盈川令楊炯，每見朝官，目之曰：「麒麟植人，問其故。」楊曰：「今飾樂，假弄麒麟，刻畫頭角，修飾皮毛，覆之驢上，驢非植，而何？」


杜審言初舉進士，恃才蹇傲，甚為時輩所妬。蘇味道為天官侍郎，審言參選，試判後，謂人曰：蘇味道必死，人問其故，曰：見吾判，即當羞死矣。


陳通方年二十五，舉進士，與王播同年。播年五十六，通方薄其成，事後時，因期集戲拊其背，曰：王老，王老，奉贈一第，言其日暮途遠及第同贈官也。王曰：擬應三篇，通方又曰：一之已甚，其可再乎？王心貯之。

薛能鎮許昌，幕吏咸集，因令其子棗鞭參諸幕客，幕客驚怪，能曰：俾渠消災。

姚巖傑素輕盧肇，或一日與肇會於江亭，盧請目前取事為酒令，尾有樂器之名，肇令曰：遠望漁舟，不闊尺八，巖傑遂飲酒一盃，凭欄嘔噦，須臾即席還，令曰：凭欄一吐，已覺空喉。

張吏部續與何敬容意趣不協，敬容居權軸，賓客輻輳，有復過吏部者，輒拒不前，曰：吾不能對何敬容客。





柳季雲好彈琴飲酒每出返家人問有何消息
答曰無所聞縱聞亦不解

倪雲林善山水爲一代名匠獨不寫人物太
祖高皇帝問曰每見卿山水俱無人何也倪
曰世自無人物可畫耳

杜審言將死語宋之問武平一曰吾在久屋公
等今且死固太慰但恨不見替人

禰正平自荊州北遊許都書一刺懷之湯滅而
無所遇或問之曰何不從陳長文司馬伯達

禮

乎禰曰卿欲使我從屠沽兒輩耶又問當今
復誰可者禰曰大兒孔文舉小兒楊德祖

劉荊州嘗自作書欲與孫伯符以示禰正平正
平嗤之言如是爲欲使孫策帳下兒讀之耶
將使張子布見乎

人問禰正平苟令君趙盪寇皆足蓋當世乎禰
答曰文若可借面吊喪稚長可使監廚請客
褚公與孫興公同遊曲阿後湖中流風勢猛迅
舫欲傾覆褚公已醉乃曰此舫人皆無可以

孫狀猶
能飲十
笑下人

招天譴者惟孫公多塵滓正當以厭天欲耳
便欲捉擲水中孫遽無計惟大啼曰季野卿
念我

王真初拜僕射劉祥與真子融同載劉謂轅下
驢曰汝努力汝輩已為令僕矣


徐常侍陵聘齊時魏收文學北朝之秀收錄其
文集以示徐令傳之江左徐速濟江沉之曰
吾為魏公藏拙

庚信至北惟愛溫子昇寒山寺碑後還南人間
北方何如信曰惟寒陵山一片石堪共語薛
道衡盧思道稍解把筆自餘驢鳴犬吠聒耳
而已

劉晝作六合賦自謂絕倫以呈魏收收曰賦名
六合已是大愚文又愚於六合君四體又甚
於文晝大怒以示邢子才子才曰君此賦正
似疥駱駝伏而無斌媚

崔信明嘗自矜其文謂過李百藥鄭世翼遇之
江中謂信明日嘗聞有楓落吳江冷願見其

古詩何不
原正此





餘信明欣然多出衆篇世翼未終篇曰所見
不及所聞遂引舟去

嚴武以世舊待杜甫甚善甫性偏躁傲誕嘗醉
登武牀瞪視曰嚴挺之乃有此兒

謝玄暉頗輕江祜祜嘗詣玄暉玄暉因言有一
詩呼左右取旣而復停祜問其故謝曰定復
不急

錢端學聞湯胤績名往候之乃質所爲詩湯始
稱佳旣倦屢請乃謝曰吾始欺君耳似不得

無罪

楊君謙每以文示人人曰佳卽掩卷問曰何處
佳其人不能指楊袖文曰是蹴圓口遂去

蔡子木酒後自歌其夔州諸詠甫發聲吳國倫
輒斲寢斲聲與歌相低昂歌竟斲亦止人諫
之吳曰我以南柯板擊夔州腔有何不可

陳眉公曰品茶一人得神二人得趣三人得味
七八人是名施茶

崔趙公嘗謂徑山曰弟子出家得不徑山曰出

非流

家是大丈夫事。豈將相所能爲。

鄭光崇有一巨皮箱。凡投贄有可嗤笑者。卽投其中。曰。此苦海耳。

東平王錫老貧甚。每節口腹之奉。以市碑刻。一日誇客曰。近得一碑甚奇。客請出示。竟無一字可辨。客因笑曰。此名沒字碑。宜公好尚之篤。

謝耳伯結放生社於五明寺。以作文爲社課。謝倡曰。如文不成。罰貲放生。沈彛長聞曰。謝已

有功德。何必放生。人問其故。沈曰。人聞此語。


勝於放生。

丁度晁宗慤同在職館。晁因遷職。以啓謝下。丁乃戲答曰。啓事更不奉答。當以糞擊一車爲報。晁笑曰。得擊勝於得啓。

宋林逋高逸倨傲。多所學。惟不能棋。嘗謂人曰。逋世間事。皆能之。惟不能擔糞與着棋。

桓溫與謝奕善。辟奕爲安西司馬。惟布衣好。嘗偏溫飲。溫走入避之。奕攜酒就廳事。引溫一

妙極



此字
生人

兵師共飲曰失一老兵得一老兵溫聞而不計

堯讓天下於許由許由逃而去其友巢父聞由為堯所讓以為汚已乃臨池洗耳池主乃牽牛上流飲曰母汚吾牛口

謝鯤為豫章太守王敦將肆途以鯤有時望逼與俱行既克京邑將旋武昌鯤曰不就朝觀鯤懼天下私議也敦曰君能保無變乎對曰鯤近入覲主上側席遲公宮省穆然必無不

虞之慮公若入朝鯤請侍從敦曰正復殺君等數百何損於時遂不朝而去

大學士丘濬慕桑悅名召令觀所為文給曰某人撰悅心知之曰明公謂悅不祛穢乎


戴良才高自倨傲每見黃叔度未嘗不正容及歸罔然若有失也其母問曰汝復從牛醫兒

來耶

吳鹿長性坦率不事矯飾每遇風雅洗剔之輩

輒皆掃落人謂曰君不得盡鹵莽爾爾答曰

安人
亦



詩
之

予以鹵莽遇風雅復以風雅遇鹵莽胡爲盡爾爾


潮陽蘇福八歲賦初月詩氣朔盈虛又一初嫦娥底事半分無却於無處分明有恰似先天太極圖人詠之以示王鳳洲王曰極似陳白沙老來悟句

錢塘妓郭步搖與所嬖者泛西湖坐中有少年美丰神郭每顧之略不與所嬖者接其人怒曰汝愛伊耶郭佯不聞少年者舉杯向岍花酌曰春風入林豈爲松栢

王勃楊炯盧照隣駱賓王皆以文章齊名天下稱王楊盧駱號四傑炯常曰吾愧爾盧前恥居王後

殷浩才名冠世庾翼弗之重也每語人曰此輩宜束之高閣俟天下太平然後議其任耳桓南郡每見人不快輒嗔云君得哀家梨當復不彘食不

支道林入東見王子猷兄弟還人問見諸王何



世錄

如答曰見一羣白頸烏但聞喚啞啞聲

符宏叛來歸國謝太傅每加接引宏自以有才
多好上人坐上無折之者適王子猷來太傅
使共語子猷直熟視良久回語太傅云亦復
竟不異人

王中郎與林公絕不相得王謂林公詭辯林公
道王云着膩顏恰繪布单衣挾左傳逐鄭康
成車後問是何物塵垢囊


王右軍少時甚澀訥在桓大將軍許王庾二公


後來右軍便起欲去大將軍留之曰爾家司
空元規復何所難

深公云人謂庾元規名士胸中柴棘三斗許

魏長齊雅有量而才學非所經初宦當出虞存
嘲之曰與卿約法三章談者死文筆者刑商
略抵罪魏笑而不怒

王子猷詣謝萬林公先在坐瞻矚甚高王曰若
林公鬚髮並全神情當復勝此不謝曰脣齒
相須不可以偏亡鬚髮何關於神明林公意





甚惡曰七尺之軀今日委君二賢

王劉每不重蔡公二人嘗詣蔡語良久乃問蔡曰公自言何如夷甫答曰身不如夷甫王劉相目而笑曰公何處不如答曰夷甫無君輩客

劉真長始見王丞相時盛暑之月丞相以腹熨彈棋局曰何乃洵劉既出人問見王公云何劉曰未見他異惟聞作吳語耳

陸士衡初入洛咨張公所宜請劉道真是其一

入朝薄妙

陸既往劉尚在哀制中性嗜酒禮畢初無他言惟問東吳有長柄壺盧卿得種來不陸兄弟殊失墜乃悔往

王凝之謝夫人既往王氏太薄凝之既還謝家意大不悅太傅慰釋之曰王郎逸少之子人身亦不惡汝何以恨乃爾答曰一門叔父則有阿大中郎羣從兄弟則有封胡邊末不意天壤之中乃有王郎

眼空兩宋之婦沐雞

孫子荆以有才少所推服惟雅敬王武子武子

佳

喪時名士無不至者子荆後來臨屍慟哭賓
客莫不垂涕哭畢向靈牀曰卿常好我作驢
鳴今我為卿作體似真聲賓客皆笑孫舉頭
曰使君輩存令此人死


庾道季云庶頗藺相如雖千載上死人慄慄恒
如有生氣曹蜍李志雖見在厭厭如九泉下
人人皆如此便可結繩而治但恐狐狸獠
噉盡

劉尹謂謝仁祖曰自吾有四友門人如親謂許

玄度曰自吾有由惡言不入於耳二人受而
不恨

郗司空方回家有僮奴知及文章事事有意王
右軍向劉尹稱之劉問何如方回王曰此正
小人有意向耳何得便比方回劉曰若不如
方回故是常奴耳

王夷甫常屬族人事經時未行遇於一處飲燕
因語之曰近屬尊事那得不行族人大怒便
舉髑擲其面夷甫都無言盥洗畢牽王丞相



臂與共載去，在車中照鏡語丞相曰：汝看我眼光，乃出牛背！上。

孫興公作庾公亮誄文，多託寄之辭。既成，示庾道恩。庾見，遂還之，曰：先君與君自不至於此。江僕射年少，王丞相呼與共碁，王手常不如兩道許，而欲敵道戲，試以觀之。江不卽下，王曰：君何以不下？江曰：恐不得爾。

諸葛恢大女適太尉庾亮兒，次女適徐州刺史羊忱兒。亮子被蘇峻害，改適江彪。恢兒娶鄧

攸女，於時謝尚書求其小女婚，恢乃云：羊鄧是世婚，江家我顧，伊庾家伊顧，我不能復與謝哀兒婚。

王丞相初在江左，欲結援吳人，請婚陸太尉。對曰：培塿無松柏，薰蕕不同器。玩雖不才，不爲亂倫之始。

杜預拜鎮南將軍，朝士悉至，皆在連榻坐。時羊稱舒後至，曰：杜元凱乃復連榻坐，客不坐便去。



處會法

發字抄

夏侯泰初與廣陵陳本善本與玄在本母前宴
飲本弟騫行還徑入至堂戶泰初因起曰可
得同不可得而雜


劉真長與殷淵源談劉理如小屈殷曰惡卿不
作將善雲梯仰攻


支道林造卽色論論成示王中郎中郎都無言
支曰默而識之乎王曰旣無文殊誰能見賞
王劉與林公共看何驃騎驃騎看文書不顧之
王謂何曰我今故與林公來相看望卿擺擺
常務應對玄言那得方低頭看此耶何曰我
不看此卿等何以得存

悽語第十八

吳苑曰悽者西也於時爲秋秋之爲時也刀
刃焉撼撼焉稍具情者觸聞之間無不墮淚
其義可知矣又西方爲萬物告終之處故次
悽語第十八

李斯論斬咸陽市當出獄與其中子俱執顧謂
其中子曰吾欲與若復牽黃犬俱出上蔡東





門逐狡兔豈可得乎

景公遊於牛山北臨其國城而流涕曰若何滂滂去此而死乎

陳宮與呂布俱爲曹公所執公謂宮曰柰卿老母何宮曰老母在公不在宮也夫以孝理天下者不害人之親公又曰柰卿妻子何宮曰宮聞霸王之主不絕人之祀固請就刑遂出不顧

衛夫人見王羲之小時書便有老成之氣流涕

古人愛名至此

曰此子必蔽吾名

吳碑
鑿真

漢高征黥布還過沛留置酒沛宮悉召故人父老子弟佐酒酒酣乃歌大風之歌帝自起舞慷慨傷懷泣數行下謂父兄曰遊子悲故鄉吾雖都關中萬歲之後吾魂魄猶思家沛狄仁傑登太行見白雲孤飛乃嘆曰吾親舍其下

孔北海被收時男方九歲女七歲以幼弱得全寄在他舍或有言於曹操收之女謂兄曰若

抄甚

死而有知得見父母豈非至願遂延頸就刑
桓宣武平蜀以李勢妹爲妻甚有寵常着衣
主始不知旣聞與數十婢拔白刃襲之正值
李梳頭髮委藉地膚色玉曜不爲動容徐徐
結髮斂手向主言曰國破家亡無心至此今
日若能見殺乃是本懷

孫子荆除婦服作詩以示王武子王曰未知文
生於情情生於文覽之恹然增伉儷之重

曹公旣殺楊德祖後與太尉遇於朝堂曹問太


尉公何瘦之甚太尉答曰愧無日磾先見之
明猶懷老牛舐犢之愛曹公爲之改容

王安期去官東渡江道路梗塞人懷危懼王每
遇艱險處之夷然雖家人不見其憂喜之色
旣至下邳登山北望嘆曰人言愁我始欲愁
謝太傅曰當爾時覺形神俱往

龔勝死楚父老來吊哭甚哀旣而嘆曰薰以香
自燒膏以明自煎嗟哉龔生竟天天年

羊太傅好山水每風景必造峴山置酒言詠終

小本註



日不倦，嘗慨然嘆息，顧謂從事中郎鄒湛曰：自有宇宙，便有此山。由來賢達勝士，登此遠望，如我與卿者，多矣。皆湮滅無聞，使人悲傷。如百歲後，有知吾魂魄，猶應登此。


孝武山陵久，王孝伯入臨，告其諸弟曰：雖椁槨，惟新便，自有黍離之感。


雷宣徽頗涉道書，因讀史廢書流涕曰：功名者，貪夫之餉，餌橫戈，開邊枝，劔討判，死生，食息之不顧及其死也。一棺哉，身萬事都已，悲夫。

張思曼亡後，從弟融，賞酒於靈前，酌酒慟哭曰：阿兄風流頓盡。

韓雍陞江西巡撫，經泰和，念陳芳洲爲舉主，躬祭墓下，流涕不已，曰：士爲知己者死，吾將安死焉。

江陵陳元植與章華甫、張相期友，善陳死，華甫檢元植所批閱東坡集刻之，以傳其意。每至刻所，出謂人曰：予一聞敲字聲，使人半日思腸不返。





在

過江諸人每至美日輒相邀新亭籍卉飲宴周
侯顓中坐而嘆曰風景不殊正自有山河之
異皆相流涕

在

衛洗馬玠初欲渡江形神慘頽語左右云見此
芒芒不覺百端交集苟未免有情亦復誰能
遣此

英雄
分外
多情

桓溫北征經金城見前爲瑯琊時種柳皆已十
圍慨然曰木猶如此人何以堪攀枝執條泫
然流涕

謝太傅語王右軍曰中年傷於哀樂與親友別
輒作數日惡王曰年在桑榆自然至此正賴
絲竹陶寫恒恐兒輩覺抑欣樂之趣

袁彥伯爲謝安南司馬都下諸人送至瀨鄉將
別既自悽惻嘆曰江山遼落居然有萬里之
勢

陳眉公曰寒檐夜雨大有幽趣一乞者負薪呼
號便覺光景索然毛骨俱竦自尊而賤物適
已而遺人豈是男子



國立中央圖書館 NATIONAL CENTRAL LIBRARY, TAIWAN, R.O.C.



國立中央圖書館, NATIONAL CENTRAL LIBRARY, TAIWAN, R.O.C.

